



BIBLIOTECA NAZ.
Vittorio Emanuele III

XXXIX

D

51

NAPOLI





XXXIX

h

51

LA
CIUCCEIDE,
 O PURO
 LA REGGIA
 DE LI
CIUCCE
 CONZARVATA.
 POEMMA ARROFECO.



*D. Nicola
 Corrado
 Autore.
 fine op. 3*

A N N A P O L E . Lo 1726.
 A la Stamparia de Jennaro Muzio.
 Co' licenzia de li Soperiure .



*Biblioth. Domini prof. J. J. J.
 Soc. Jem*

ALL' ILLUSTRISS. ED ECCELLENTISS. SIGNORE
I L S I G N O R
D. FRANCESCO-MARIA
C A R A F F A ,

*Principe di Belvedere, Marchese
d' Anzi , &c.*



Parrà senza dubbio a taluni , ECCELLENTISSIMO PRINCIPE , frana-
cosa , e sconvenevole molto , l'aver' io l'ardimento
di fregiare un' Opera così ridevole , e
da scherzo col chiarissimo , ed immortal

voſtro Nome ; il quale , tra per le glorie redatte da' nobiliſſimi Progenitori , e molto meglio per le proprie virtù , in sì alta , e riguardevol parte locato , ficcome riempie il Mondo d'ammirazione , e ſtupore ; così dovrebbe ſolamente alle Opere più famoſe eſſere d'ornamento , e ſoſtegno . Chi però così giudica , comechè non ſi diparta dalla ragione , moſtra non iſtar punto informato di voſtra impareggiabile umanità , e gentilezza , la quale , non che derogare in menoma parte all' antichiffima nobiltà della voſtra più che illuſtre Proſapia , nè alle altre pregiatiſſime doti , onde ſiete a dovizia fornito ; arroge anzi ad eſſe un gran pregio , al quale

Quando ſia mai chi pari al Mondo trove ?
Poichè avendo Voi accoppiata colla grandezza , propria della voſtra Nobiliſſima Caſa , e col poſſedimento di tutte le ſcienzie , una affabilità , ed una dolcezza , e ſoavità di coſtumi ammirabile ; ſe quelle vi rendono temuto , e riſpettato da tutti , queſte , violentando dolcemente i cuori d'ognuno , li commovono colla lor bellezza ,
e ſplen-

e splendore ad amore , e a meraviglia , anzi a riverenza , e a venerazione . A queste sì rare qualità affidato ancor' io , benchè vedessi , la bassezza del presente mio Poema mal convenirsi alla vostra grandezza , e all'alto vostro sapere , pur nondimeno mi son fatto ardito di dedicarvelo : tanto più che sembrava , dovervi esso , tuttochè debolissimo , appartenere . Perocchè quantunque egli sia anzi una sconciatura , che parto ; la è però d'un Autore sommamente fortunato , da che , da tanti anni , gode l'alta protezione della vostra ECCELLENTISSIMA CASA . Egli è nato oltre a ciò in una Accademia , la quale si pregia d'esserfi ragunata sotto l'ombra propizia dell' ECCELLENZA VOSTRA , che non si è sdegnata di onorarla continuamente di sua amabil presenza , ed anche , sua mercè , di lodarla , e di commendarla . Egli è finalmente uscito alla luce sopra l'amenissimo colle della Renella , alla più amena parte del quale dà nome quella vostra deliziosissima Villa , che , oltre alla bellezza del sito ,

Vago quanto più po formar natura ,

A 3 signo-

signoreggiante le limpide acque della
vaga , e piacevole Mergellina , e ri-
guardante sopra tutto questo nostro
ampio , e diletto Cratere ; abbellita
al sommo , in questi ultimi tempi , se-
condo le magnifiche idee della ECCEL-
LENTISS. PRINCIPESSA MADRE ,
con nuove fabbriche , con bellissime
dipinture , con logge , con teatri , e con
amenissimi giardini , dipinti di quasi
mille varietà di fiori , e ricchi di prezio-
sissimi marmi , fa rimanere attoniti , e
di se fuora anche coloro , che di là da'
monti , usi a veder meraviglie , giungo-
no in queste nostre deliziose contrade .
Queste sono le cagioni , perchè io , senza
avere alla vilezza della presente Ope-
retta risguardo avuto , ho preso ardi-
mento d' indirizzarvi . Resterebbemi
il pregarvi umilmente , che vi degna-
ste d' accettare questo dono , tutto che
picciolissimo , volentieri , e con lieto vi-
so ; ma avendo io per lunga esperienza
conosciuto , quanto Voi , non solo gra-
diate gli umili , e dovuti ossequj di tutti ,
ma tutti ancora con maniere gentili dol-
cemente accogliate ; vi pregherrò solo ,
che piacciavi , per vostra natia bontà ,
di

di mantenermi nella buona grazia, e
vostra, e di tutta l'ECCELLENTISSI-
MA CASA, la quale N.S. Iddio conservi
felicissima, e gloriosissima sempre.

Napoli il dì 20. Ottobre 1725.

Di Vostra Eccell.

Umiliss. Devotiss. ed Obblig. Servidore
Arnoldo Colombi.

PROTESTAZIONE.

SI protesta l'Autore , che tutte quelle voci , o modi di ragionare , che in questo Poema par , che sappiano un poco del Gentilefimo ; sono state poste meramente per vaghezza di favellare , attente quelle licenze comunalmente menate buone a' Poeti . Pregiandosi soprattutto l'Autore d'una vera Pietà Cristiana , che professa vivamente col cuore .

Imprimatur.

D. NICOLAUS CASTELL. VIC. GEN.
D. P. M. Giptius Can. Dep.

Imprimatur , & in publicatione servetur Regia Pragm.

MAZZACCARA R. ULLOA R. ALVAREZ R.
PISACANE R. VENTURA R.
Jll. MIRO absens.
Ill. Dux Roccæ Imperialis non interfuit.

Provisum per S.Em. Neap. 14. Januarii 1726.

Mastellonus.



A cchi ha golio de lejere sta chelleta.

SI tutte quante ll' uommene voleffero,
Farfe lo fatto lloro , e llassà correre
Lo Munno , comme va , senza ntricarese
De li guaie d'aute ; non se sentarriano
Tanta fracasse , quanta se nne sentono ,
E agnuno potarria stampare , e scrivere
Chello , che le jarria pe lo vellicolo ,
Senza paura de l'ammola fuorsece ,
Che mmanc' uno nne fanno passà vergene.
Ma pecchè rregna sto mmarditto vizio
Ntutto lo Munno , e mmasseme ccà a Nnapole;
Nche se nzonn' uno de caccià na storia ,
E ssa , de le mmalizie de le sfemmene ,
O puro chella de Trastullo Perteca ,
Subbero siente di : Tutte li pullece
Hanno la toffa : s'è boluto mettere
Isso puro co ll' aute mprotacopeja :

Va

Va facce mo , che nne vorrà pretennere
 Co ffa ffa chella ? e ttagliano , e spetacciano
 No poverommo , e spisso senza caosa .
 Or' io mo , p'avetare ffo fastidio ,
 Che fti tale peglià se potarriano ,
 Vedenno , nzicco nzacco , ascì sta chelleta ;
 Te voglio dì , comme mme mise a scrivere
 Sta mmesca pescà , e ccomme a cchisto termene ,
 A fforza , so benuto de stamparela .
 Haie da sapè , ch'a ll' unnece , o a li dudece
 De chillo mese , che li Ciucce arragliano ,
 Paricchie galantuommene de Napole ,
 Che ncoppa a l'Arenella se trovavano ,
 Chi a ffanarse lo pietto , e cchi lo stommaco ,
 Se devano buon tempo ; e , ccomm'è ffoleto
 De farese ncampagna , se nn' ascevano
 La matina pe rtiempo , e ffe nne jevano
 Cammenanno , e spassanno tutte nzemmora .
 Ma pecchè lo ffa sempe sto sarcizio ,
 Senza avè no casuorchio , addò posarese ,
 Sarria na cosa , de fa scì lo spireto ;
 Non dico a cchille llà , che se rejevano
 A mmala pena , e fteano mieze sifete ,
 Ma a cchi co na montagnà po fa a ppunia ,
 E stà cchiù ttuosto de na preta marmora :
 Pe ccheisto , dapò avè gerata ll' isola ,
 Quann' erano chell' ore marvezzorie ,
 Che ncignava lo Sole a avè de ll' aseno ;
 Devano funno 'ncasa de no Miedeco ,
 Che , pe ffui li frate malenconece ,

Ne

Nc' era juto nzeggetta a ppeglià ll' ario:
No bello vecchio, e de li meglio Miedece,
Che fsò, a lo juorno d' oie, pe tutta Napole:
Va pe tutte le ccase de sti Principe,
Trafe a tutte li meglio Monasterie,
E Bbice-cancelliero a lo Collegio,
S'abbusca le mmognole co lo cuofano,
E sse chiamma Jatano de l'Auterie.
Lo riesto cierti vierze te lo ddiceno,
Che truovè dinto a sto Poemma Arrojeco.
Ora no juorno, mente se trovavano
Tutte nziemo a sta casa, e trascorrevano,
Spara uno de la mmorra: Pe spassarece
Veramente ccà ncoppa, non porriamo
Fa, nfra de nuie, na specie d'Accademmia,
No a dderitto, ma p'abburlare, e rridere?
Ch' accossì potarriamo devertirece,
E spassarce sti frate, che nce scannano.
Facimmola, decettero d'accordio
Tutte quante: Facimmola, facimmola,
Lo buono vecchio, ca mme va a lo genio.
E ddapò ciento chelle, e cciento chiacchiare
De lo ccomme, e lo cquanno, resorvettero
De farla agn' otto juorne, le mettettero
Lo nomme d'Accademmia de ll' Asene;
Co na legge, che ttutte componeffero
Matrecale, e Canzune ncoppa a ll' Asene;
E cconcruso accossì, se dle prencipio,
Ncapo de ll' otto juorne, a ffa ffa vernia.
Io no mme nce trovaie, ca steva a Nnapole
Co

Co li malanne mieie ; ma pecchè mm' erano
 Tutte quante Cardasce , mme mmitajeno ,
 Ed io , pe le sfervi , jette a sfentirele .
 Tanto cchiù , ca nce tengo na casuppola
 Ncoppa a cchella montagna , pe spassareme
 Quanno stò co li frate , e mme va a ggenio ;
 Ma pecchè n'è la mia , non posso dicere
 A lo commanno tuo . Si vuoe venirece ,
 Paga ssa Terza , e statte felecissimo .
 Arrevato che ffuie , pe ffavorireme :
 Te nce volimmo , accommenzaieno a ddicere
 Tutte quante l'ammice . Io , comm' a n'aseno :
 Comme volite . Mme mettie a ccomponere ,
 E nn' ascle sta schefienza . E ppecchè subbeto
 La nova se spannie pe tutta Napole ,
 Ca ncoppa a l'Arenella se cantavano
 Le ggrolie de li Ciucce ; a pprecepizio
 Venne cchiù de n'ammico a ffarce razia ,
 E , nzentirce arraglià , no nce facettero
 Na facce storta , e nno le despiacettermo .
 Arraglia sta femmana , arraglia st'auta ,
 Ncauzaieno li dolore ; e ccomme jevano
 Crescenno le sfemmane , accossi ghievano
 Crescenno chille , che nce favorevano . (ro
 E dduie , nfra ll'aute , a cchi , nzi che lo gliuomma-
 De chesta vita mia non vene a rrompere
 Chella , che l'arravoglia , aggio da effere
 Schiavo vennuto , vogliano , o non vogliano ,
 Mme facettero tanta de le ggrazie ,
 Che nn'anchiettero quase meza Napole .

E a

E a lo rreto mme dissero : Feniscela ,
Ch'avimmo resolutu de stamparela .
Che bbolite stampà ? mme vene a rridere ,
Nzentirelo di schitto : st'ata vernia
Nce mancarrià d'avè a sfenti pe Nnapole .
No nce vò auto : s'ha da' stampà proprio .
E ttorna co la stampa . E ttanta fujeno
Sti sì , e sti nò , sti dicome , e sti diffete ,
Ch'all' utemó : Nce nn'haie da dà na Copia ;
E nnuic te la stampammo . Ora vedennome
Co le spalle a lo muro , ca la Copia
Non potea fa de manco de non darela ,
Fice vertù , comme se sole dicere ,
De la neccessetate . Chesta è ppropeto
La veretà . Si tu mme lo bbuoie credere ,
Cridelo , ca la ncarre , e tte rest' obbreco ;
Si nò , pur' accossì , e bbà felecissemo .
Ma , primma che te lasso , n'ata chiacchiara
Te voglio dì : Si non te va a lo genio
Quarche ccosa , che ttruove int' a sta chelleta ,
Masseme a lo pprencipio , te suppreco ,
Co ddiece ventrecella , a ccompatireme :
Primmo , pecchè fu ffatta nfra lo termene
De tre mmise , e sse sà pe ttutta Napole .
Agghiugne : la materia è ttroppo steteca ,
Vasta dì , ca se parla sempe d'Asene .
Pe ttierzo : no mm'è pparzo de mpizzarece
Carche nnammoramiento , ch'è chell' ançora ,
Addò se fanno forte tutte ll'uommene ,
Che bbonno tirà a lluongu carche fabbola ;
E pp'

E pp' utemo , fuie fatta pe spassarece
Nfra nuje , e nnuie ; ca no nce jeva propio
Pe lo penziero , e mmaie ce sinacenavamo ,
Ch' avesse avuta a ccomparè pe Nnapole .
N'ata cosa : Si vide dint' a st' Opera
Nnommenate le ccase , che no nc' erano
A lo tiempo , che ll' Asene parlavano ,
Ma paricchie anne appriesso se vedettero ,
O nce sò mmo a lo Munno ; no nte mettere
A ddì , ca è stato arrove , e a ttenagliareme ;
Ca ll' aggio fatto apposta , pe ccorrejere
Li vizie de sti juorne , comme fossero
De chillo tiempo ; ca , si nò , da ll' Asene
No le ppotea fa di , ca mo non parlano ,
E non fann' auto , ch' afraglià , e ffa pedeta .
Mmoccate chesto , e scusa lo fastidio ,



DE LA CIUCCEIDE

ARRAGLIATA

PRIMMA.

ARGOMIENTO.

Varvajanca lo Rrè , che brociolare
Già vedea de lo Munno la fortuna ,
Chiamma li Ciucce , pe se conzortare
Comm' ha da fa , pe ffravecà le mmura
Attuorno a la Cetate , pe nce stare
Tutte quante llà ddinto a la sicura .
Mente parla , l'afferra n' antecore ,
E ccorreno li Miedece a l' addore .

I.

CANTO chillo gran Rrè , ch' into Gragnano
La Reggia de li Ciucce conzarvaje ;
E ccomme fuie , che ssenz' avè le mmano ,
Le mmura , e no Castiello nce chiantaje ;
Stese po li confine , e cchiano chiano
Tutto quanto lo Munno nce nzerraje ,
Tanto ch' addò lo Sole cammenava ,
Auto bene , che Ciucce , non trovava .

Ase-

II.

Afeno co l'ascelle, che 'n Parnaso
 Lo primmo luoco d'arraglià te tocca,
 Portame no voccone da lo vaso,
 Che bà Febbo a ttrovà, quanno se cocca:
 Sse rrecchie appizza, sforgiate sso naso,
 E spaparanza ll'una, e ll'aota vocca;
 E, azzò me nn'aggia d'alliccà le ghiedeta,
 Fammence n'arragliata co ddoie pedeta.

III.

E ttu, Arcaseno mio, che sfi lo sciore,
 Lo Capotroppa de l'asenetate,
 E ccacce zuco, puro da l'addore
 De nzò, ch' esce da cuorpo a li malate,
 Pe cquanto si geluso de l'annore
 De st' Aсениelle tuoie matrecolate,
 Scioscia puro, te preo, e ttu mm'ajuta
 Sta sarma a ccarrejà pe sta sagliuta.

IV.

Sott' a na gran Montagna de la Costa,
 Da la bama de Napole, è no monte,
 Che ppoco da Sorriento se descosta,
 E la Torre, co Buosco le stà nfronte:
 Bello, che ppare propio fatto apposta
 Pe Mmarchise, pe Pprincipe, e ppe Ccuonte,
 Ditto, da la Grammegna, Grammedgnano,
 Po se corroppe, e sse chammaie Gragnano.

A sta

V.

A sto luoco, da tanno, che lo Munno
 Fuie fravecato da li pedamiente,
 Quanno da chill' antico, e ggran Zeffunno,
 Addò era tutto, e nno nce pareva niente,
 Nn' ascie lo Cielo, e sse facette tunno;
 Ll' Acqua, la Terra, e itutte ll' Alemiente
 Jettero 'addorve le toccaie lo luoco,
 Sulo'n Cielo volaie ll' Aria, e lo Ffuoco;

VI.

Da chillo tiempo, comme 'o' aggio ditto,
 A sto luoco, ch' è ccosa de Segnure,
 Nce faceano la mmira zitto zitto
 Li primme arcesapute Arragliature:
 Pocca, comme a na Croneca stà scritto,
 E lo pprova co autenteche scretture,
 Abbistaieno, ch' a cchella montagnella
 Maie nce mancava ll' erba tennerella.

VII.

E ccà, pe nzì che ddoraie chella aitate,
 Che ll' uommene nfra lloro, e ll' anemale
 Se volevano bbene, comm' a ffrate,
 Nè nse sapea che bbolea di fa male,
 S' aonevano li Ciucce; e ppe le strate
 Nc' era no scialatorio neverzale:
 Magnavano, verrevano, zompavano,
 Redevano, correvano, e scialavano.

B

Poc-

VIII.

Pocca no n'era chi le sconcecava,
 O le venea a gguastà li fatte lloro:
 Tutte s' accarezzavano, e ss' ammarva
 Ll' uno co ll' anto. O bella aità de ll' oro!
 La gatta co li surece abbiurlava,
 Co le mmosche lo ragno; e cquanta foro
 Pe la terra, pe ll' aria, e ddinto marò,
 Parevano la vesta, e ll' aurinaro.

IX.

Ma quanno po, pe sconquassà lo Munno,
 E pp' anchirlo de trivole, e dde guaje,
 Se vedette sguiglià da lo Zeffunno
 (Uh che ccomparza no nce fosse maje)
 Chella Descordia, che dda capo a ffunno
 Mbrogliate le ccarte, e tte lo spestellaje,
 Addio pace, addio ammore, addio contiente;
 No nce fuieno cchiù ammice, nè ppariente.

X.

Agnuno reteratoje a cquartiere
 Non faccà cchiù co ll' aute compagnia:
 Ncignaieno li sospette, li penziere,
 Lo, cchesto che bbò di? la ggelosia,
 La collera, la mmidia, li vrachiere,
 Li trajenielle, la frabottaria,
 Tutte chille streverie, e cchille male,
 Che mmannateno lo Munno a lo Spetale.

Com-

XI.

Comm' a ll' aute , li Ciucce poverielle ,
 Nche bbeddero le ccoſe ggìà mbrogliate ,
 Se reteraieno a cchelle mmontagnelle ,
 Che ſſempe ll' uocchie llozo erano ſtâtè ;
 Decenno ll' uno a ll' auto : Li fratielle
 Si n' hanno tutte quante abbonnate ,
 Vagano puro addò le pare , e ppiace ,
 Ccà nuie ſtarrimmo dinto a la vammace .

XII.

E bbedenno , ca tutte ll' anemale
 Aveano fatto Rrè lo cchiù ſſaputo
 De le rrazzimme llozo , e ccomm' a itale
 Era da tutte ll' aute reveruto ;
 Penzaieno de ſe fa pe Ccaporale
 Uno de llozo , ch' avèſſe ſaputo
 Covernà tutte quante , e a ppoco a ppoco
 Fa Reggia de li Ciucce chillo luoco .

XIII.

Chifto fue Don Paccone , che , ppe ddare
 No juorno ajuto a Baccio , che mpontato
 Era a no ſciummo , e non potea paſſare ,
 Fue da iſſo mnenattemo nnaizato
 A ſſapè tutto chello , che mparare
 Se pò a la ſcola ; e a ll' utemo portato
 Ncielo , fue fatto una de chelle Stelle ,
 Che l' Aſtroleche chiammano Aſenielle .

XIV.

*Muorto chisto , duie figlie , ch' avea fatte
 La Descordia , jettero crescenno :
 Ll' uno era Mio , che ppe gguaftà-li fatte
 De Tujo , ch' era ll' auto , jea sperenno ;
 E ppecchè steano comm' a ccane , e ggatte ,
 Chiano chianillo se ieno spartenno
 Tutto lo Munno , e ll' uocchie se cacciavano
 Ogne bhota , che nziemo s' affrontavano .*

XV.

*Ma pecchè Mmio rescette uno de chille ,
 Che se chiajetarriano na mascella ,
 Co ll' arte , co le mmano , e cco li strille
 Jea sempe scervecchiano carcosella ,
 Ch' era de ll' auto , a nzi , che li capille
 Le spennaiie tutte , e l'ammaccaie la zella ;
 E cquanno ll' appe propio annegrecato ,
 Nne lo fece fòi pe ddesperato .*

XVI.

*Mmedè chisto , le ggente , e ll' anemale
 Cercaieno de se mette a lo ssecuro :
 Chi faceva turre , chi faceva sepale ;
 Chi faceva no fuosso , e cchi no muro ;
 E lo Rrè de li Ciucce , che ggran sale
 Teneva a la cocozza , jette puro
 Rommecammo nfra isso chiano chiano
 Che se poteva fa dinto Gragnano .*

Erre.

XVII.

*E rresorvette de volerce fare
 Comm' a na chiazza d' arme a sto pajese ;
 E sфарce vo Castiello , pe nce stare
 A lo ssecuro da tutte l' affese ,
 Co no muro , ch' avesse a ntornejare
 Tutto lo regno ; e sфарce le ddefese ,
 Azzò , si maie le fosse fatta guerra ,
 Se potesse defennere la Terra .*

XVIII.

*„ Lo penziero era bello : ma che bbale
 „ Penzare buono , e non potè fa niente ?
 Le mancava la cosa prencepale ,
 Ch' era la mano , a sфар sti fornemiente ;
 Mperzò a na gran conzurta cemerale
 Chiammaie tutte li Cincce cchiù sфарciente ,
 Pe ttrovà la manera cchiù ssecura ,
 De manzà lo Castiello , e sфар le mmura .*

XIX.

*N' aseno lo cchiù ggruosso , e cchiù cchiantuto .
 Che l' afficio facea de trommettiero ,
 Se mese a sфар no riepeto vattuto ,
 Che sфарria stato pe scetà n' Agliero ;
 E , nchè da chelle bbestie fuie sentuto ,
 Corze mmiero a la Tana ognè sommiero ,
 A cchella Tana , ch' era la riale ,
 Addò steva la Corte prencepale .*

XX.

*Accostate che ffujeno a la porta
 Li Ciucce cchiù sfapute , e li Dotture ,
 N' aseniello , ch'è steva a ffa la scorta ,
 Passaie voce co ll' aute serveture ;
 E nfina po , pe ffarela cchiù ccorta ,
 Sappe lo Rrè , ca ggjà li Conzurture
 Stevano leste ; e cco na scotolata
 De recchie la lecienzia le fo ddata .*

XXI.

*Sott' a no bardacchino de jenesia
 Trovaieno ll' asenesca Majestate ,
 Tutto frumme de marva , e dde menesta
 De foglia molle , e bruoccole specate :
 Pe sceltro tenea accanto na rapestia ,
 Co dduie sciùre de prato ntorcegliate ;
 E na corona , ch' era tutta chicna
 De spiche secche d' uorgio , speltra , e bbena .*

XXII.

*Era sto bardacchino de stopore
 Da n' arvosciello sopponato ntutto :
 Avea a li late , pe le dà sbrannore ,
 Doie statole de tufo miezو strutto ,
 Ch' erano la Pacienza , e lo Valore ;
 E ssott' a l' loro se leggea no mutto :
 „ Quanno è ttiempo de sarma , e bbuie collate ;
 „ Quanno è ttiempo de cauce , e bbuie menate .
 Tut-*

XXIII.

Tutte ste cose, poco juorne arreto,
 Fatte ll'avea no cierto stodejante,
 Chè ghiea spierta trovanoo no secreto
 Pe ppasà nante, e ffar se li contante:
 Ora, pechè li Cincce a lo ddereto
 Nce lo mmezzaieno, voze esse galante
 Issò puro co lloro, e a sto paese
 Venne, fice ste cose, e nce le mme se.

XXIV.

Varyajanca era Rre, de la jenimma
 De Paccone lo primmo, che nna scette:
 Eea tanno vecchione, e dde sozzimma
 Nn'avea no parmo pe nfr a le ggallette,
 Co ll' uocchie nfodarate de scazzimma;
 E, ppe no stà a ddì tutte li desiette,
 Avea no gran ciammuorio, che dda terra
 No lo fa maie partì, quanno l' afferra.

XXV.

Sott' a lo trono stea stennerecchiato;
 Ncoppa a no campo de papagne schiusse:
 Co le ccude seie cingee, ch'avea allato,
 Le mmosche, e li tavane forejuse
 Cacciavano a lo povero malato;
 E, pe ffarle aprì ll' uocchie, ch'avea nchiuse,
 Da quanno nquanno co no pedetillo
 Le faceano a lo naso n' addorillo.

XXVI.

*Ncesto fecero facce li vecchiume ,
 E ncrinatese mprimmo pe nsi a nterra ,
 Se spartieno pe tutte li pontune :
 Ma , trasute che ffuieno , se nzerra
 La porta , ch' era tutta de taulume ;
 E cquatto ciucce , azzò che no le sferra ,
 La sopponaieno co li sedeture ,
 Ch' erano auto che bbarre , e mmascature .*

XXVII.

*Ma che nce voze , azzò ch' apresse ll' uocchie
 Lo Rrè , che pproprio le bbolea vedere ?
 A scarnarle sta vota le ppastocchie
 Non sapeano che mmuodo cchiù ttenere :
 Nce decettero ciento paparocchie ,
 Nè ll' uocchie se mettevano a dderere :
 Nce fecero a lo rreto na pesciata ,
 E me trovaieno subbeto la strata .*

XXVIII.

*Apierte , ch' ebbe ll' uocchie , co le rrecchie
 Fice primmo na grà scotolejata ,
 Che , pp'esse accossì llonghe , e accossì bbecchie ,
 Nce voze n' anno a ffa sta recercata .
 Rapie po la gran vocca , e le ppetecchie
 Fice afferrà a la turbà annegrecata :
 Tossaiè , rascaie , sputaie , s' adderezzaje ,
 E ppo , accossì arraglianno , spaporaje .*

Fi-

XXIX.

Figlie mieie, si avite uocchie, ggjà bbedite
 La grassa de sti luoche, ch' abbetate:
 Erva no nc' è a lo Munno, che bbolite,
 Che ccà, senza cercà, no la trovate:
 Lo sfrisco de ste ffrasche saporite
 No nce fa mmaie canoscere la state:
 Si volit' acqua, nn' esce da ste pprete
 Tanta, ch' abbastanza a nc' annegà la sete.

XXX.

No ve parlo mo ccà de la grannezza
 De st' uorte, de ste ssirve, e dde ste cchiazze
 Ste ccase noste songo na bbellezza,
 Auto che ghire a sfravecà palazze:
 Chiste la razza nosta no l' apprezza,
 Ma ll' ha lassate mmano a ccierti pàzze,
 Che stimmano co Giove de stà a ttuzzo,
 E sò ddigne de stà dint' a no puzzo.

XXXI.

Che bboglio di co cchesto? Aggio a ppaura,
 Che cquarcuno no ns' aggia a mammarare
 De ste bellizze, a ll' uocchie de fortuna.
 Si cchesto fosse, che ppotimmo fare,
 Pe nce sarvà? Nuie non avimmo mura,
 N' avimmo turre, pe nc' arreparare:
 Stammo dint' a na Terra, addò trasire
 Se nce pò co li carre, e co li tire.

Mper-

XXXII.

*Mperzè v'aggio chiamate a tutte quante,
 Pe pparlà tutte nziemo de sti cunte.
 Penzate vuie, che ssite stodejante,
 Comme avimmo da fa ncopp' a sti punte.
 Stammo tutte a no rifeco. Li chignte
 Sarriano tutte quante aonite, e ghiunte.
 L' amore mio si no ve move a niente,
 Moza agnuno lo suo, de li pariente.*

XXXIII.

*Cchiù bbolea di; ma accommenzaie a strellà:
 Aiemmnè lo ventre, e cche ddolore è cchisto?
 Ajuto, figlie micie, corrite ccà.
 Uh bbene mio, comme mme senco tristo!
 Chesta che d'è? Mme sento ggà crepà.
 Uh maro me! Faciteme no pisto,
 Manteniteme ncaudo, ca mo moro,
 Si priesto no mme passa st' antecoro.*

XXXIV.

*Corzero tutte quante, a lo strellare,
 Li Ciucce addottorate mmedecina:
 Tutte le stanno attuorno, e cchi ammagliare
 Le vò le rrecchie, e cchi vedè l' aurina.
 Uno va da dereto, p' addorare,
 Si ncuorpo nc' era freorna, o tremmentina:
 Lo Rrè se spila, e tanto fuie lo bbutto,
 Che pparze, se spelasse no connutto.*

Quan-

XXXV.

Quanno ch'èsto vedie lo prattecone,
 Ch'era de chille de la scola antica,
 Nce rapie tanto de no canmarone,
 E ddise ntoscanese: Non è mica:
 Nn'aggio sorbito cchiù dde no voccone,
 E mme so abbisto, ch'è stata una spica,
 Non sò, se dirimi d'uorgio, o pur d'avena,
 Che se ll'era intralciata int'a na vena.

XXXVL

Questa ll'ha ffatto, col suo titillare,
 Un certo che, comme fosse prodito,
 E tosto ha accommenzato a stuzzicare
 Quel doloretto, ch'adesa è sfornito:
 Lassammolo un pochetto arreposare,
 Che dimattina s'auzarrà spedito;
 E 'ncaso poi, che'l mal no la fornescia,
 Li darem l'aria, o ll'noglio, o l'acqua fresca.

XXXVII.

Tutte ll'auto dapò d'avè mbrodato
 Chillo, che ffice la relazione,
 E sti belle remmedie ll'avea dato,
 Pe no nce perde de connezione,
 Jettero mposturanno lo malato
 Co no cierto parlà miezo cervone,
 Ch'auto no nse sentea: Per tutti i mali
 Questi sono i rimedj universali.

Con-

XXXVIII.

*Concruso che ffaie chesto , se sciogliette
 Ll' una e ll' auta conzurta , e chiano chiano
 Agnuno de li vecchie se nne jette ,
 Pe ttornà li Dotture lo dimano ;
 E , nche ghiurno schiaraiè , se nne venette
 Agnuno retomano retomano .
 Ma chello , che ddecettero lo juorno ,
 Lo ssentarrite appriesso , quanno tturna*

Scompetura de l' Arragliata Primma .



DE LA
CIUCCEIDE
 ARRAGLIATA
 SECONNA.

ARGOMENTO.

Lo Rrè, sanato da chillo dolore,
 Stà a sfenti le Cconzurte, e li Dotture:
 Chiste a pparlà se fanno poco annore,
 E nfra lloro se ménano li ture.
 Issò cerca accoiettare sso remmore,
 Ma se ncanano cchiù li Conzurture;
 Tanto, che mmeperuto le fa fare
 Na cauciata, e ppo se va a ccorcare.

I.

NON s'aveano scomputa de magnare
 La paglia li cavalle de lo Sole,
 Pe ttornà co cchiù sforza a trottejare,
 Lo juorno appriesso, a schinde le bbirole:
 Nè aveano apierio li Cetrangolare,
 Pa bbenmere l'allesse, e le bberole;
 Quanno li Dotturune cchiù sfacciente
 Tornaïeno, p' appurà li spediente.

Estro-

II.

E ttrovato l' Rrè, ch' avea dormuto;
 Tutta la notte, e steva ggì scetato;
 E lo dolore, che ll' avea sbattuto,
 Co cchillo suonno s' era padejato;
 Dapò d' averle fatto no saluto,
 Se spartieno da ll' uno, e ll' auto lato,
 E stevano aspettanno la lecienzia,
 Pe pparlare, e mmostà tutta la scienza.

III.

E mbè, disse lo Rrè, che s' addonaje,
 Ch' aveano nctorpo rrobba da smautire,
 Io ggì ve disse ajere, e ve contaje
 Tutto chello, che stistavo a ssentire;
 Creo, ch' avitè penzato, comme maje
 S' aggianno sti defiette da sopprire:
 Dica agnuno de vuie, co llebertate,
 Tutte li muode, ch' avarrite asciate.

IV.

Lo primmo, che pparlaie, fò Rrecchiardone,
 Ch' avea ncoppa a la capo doie recchiune,
 Ch' avarriano copierto no cannone,
 E no ciuccio co ttutte li sportune;
 E, pprimmo de ncegnà la lezzione,
 Ncrinaie lo Rrè; e ppo pe li cantune,
 A ttutte li compagne se votaje,
 Le fice no saluto; e accommenzaje.

Rrè

V.

Rrè mmio, che cquale sî, tale te muste,
 Vero figlio de Giove, anze de Giove
 Sî lo figlio cchiù bbello, cchiù che ghiuste
 So sti penziere tuoie: poeca te truorve
 Dint' a no matrecone de desguste,
 Si no lo vide, primmo che te muorve;
 Mperzò dice lo mutto, ch' abbefogna
 Ngrasà lo puorco, p' avè bbona nzogna.

VI.

La cosa è bbella, e bbona, e s'ha da fare;
 Ma ccà te voglio, curcio, a sta sagliuta.
 Crideme, ca sarria pe te mbrogliare
 Chi tutte le bertù sa de l'aruta.
 Io, che ll'aggio voluta stodejare,
 Pe ttutto revotanno la so ghiuta;
 Ma veo, ca sempe cchiù cresce lo fieto:
 A ll'utemo la lasso, e mm'acquieta.

VII.

Donca, disse lo Rrè, tu n'haie che ddire?
 Gnorfine, isso respose, mo ve preo:
 Se porria fa sta cosa. Ma rescire
 Creo, che non pozza. Nò, ca sarria peo.
 Va chiano. Eccola ccà: Si pe ttrasire . . .
 Ma si volesse? Chesto no lo ccreo.
 Stà, stà: chesta va bbona. Addov'è ghiuta?
 Uh capo mia, e ccomme si storduta!

E ggia

VIII.

E, ggjà cche ssi storduto, trasettenne,
 Varvone mio, no nce stordì a nnuie puro,
 Respose Urennarulo: varvattenne,
 Ca no ntennimmo sto pparlà a lo scuro.
 N'ata vota va trova chi te ntenne,
 O miettete a pparlà nfacce a sto muro:
 Parla, comme se parla, e ffatte ntennere;
 E ssi nò, datte vota, e bbatte a mpennere.

IX.

Vatt' a ffà strascenà ncopp' a lo Ponte,
 Ca maie li pare mieie' so state mpise,
 Repreca Recchiardone: lo si Conte,
 Ch'a le cctrola va mettenno assise!
 Che bbernia è cchesta, viecchie de Caronte;
 Stateve zitto, che ssiate accise,
 Lo Rrè se vota tutto nforejato,
 Jate a ffa ste ccbiazate a lo Mercato?

X.

Accossì s'accoietaie sto grà rremmore,
 Ca, si nò, tropp' a llungo sarria juto;
 E lo Rrè secotaie: Faccia faore,
 Si Urennarulo mio, che n' aie potuto
 Co sta gran panza padejà n'arore.
 A ste pparole rommanie storduto
 Lo povero Dottore, e stie no poco
 A ppenzà; se deze armo, e ppo die fuoco.
 Che

XI.

*Che la cosa non sia deffecortosa ,
 Io no lo nneo , ne ll' aggio maie niato ;
 Mperrò chi ha stodiato carche ccosa ,
 Ncoppa a lo Manuele , e a lo Donato ,
 No la stemma accossì pperecolosa ,
 Ch' asciuttà no la pozza a uno sciato :
 Pe cchesto mo' derraggio chiaramente
 Ll' uneco , che nce cape , spediente .*

XII.

*Aggiate tutte addonca da sapere ,
 Ca conforme la paglia , quanno è bberde ,
 Si quacche rosatella va a ccadere
 Sott' a na parte , addò no nse nce perde ;
 Le rrecchie noste ncignano a bbedere ,
 Comm' a no peccerillo , che se sperde ;
 Po torna a ffa lo Cielo a pponejate ,
 E nne vene lo ffrisco de la State :*

XIII.

*Accossì ghiusto justo sso Castiello
 S'ha da chiantare da le ppedamenta .
 Piglia na vrecchia , o n'auto ramosciello ,
 Chiantalo , comme schiantano l'amenta ;
 Subbeto sentarraie no gran greciello :
 Ma lassale ffluire , e ttu fa nfenta :
 Secoteja a ccommattere a lo scuro ,
 Ca chiano chiano s'auzarrà lo muro .*

C

Fatto

XIV.

Fatto lo muro , haie da calà cchiù nn' auto .
 Fa de st' aia manera : a cchillo snosso,
 Addò cadie lo bbutto co no santo ,
 Miettence no sospiro , comm' a n' uosso .
 Chesto a cche sserve ? Serve , azzò carch' auto
 No nc' aggia da trottare ; e , nche ll' haie smosso,
 Eccote fatto , nmanze a ll' uocchie tuoje ,
 Lo muro , lo Castiello , e nzò che bbuoje .

XV.

La cosa jarria bbona , si nce fosse
 Chi la ntenesse , disse Recchiardone .
 Che ddice ? Vaie trovanono , ch' io te smosse ,
 Propio ccà nmanze , brutto anemalone ,
 Respose l' auto : t' ammaturo ll' offe ,
 Si mme t'orne a sfrusciare lo canzone .
 Stà ccà , disse lo Rrè , ve lo nzonate ,
 Ca sto Colleggio fenarrà a mmazzate ?

XVI.

Miettete da sta bbanna , Vrennarulo ,
 E nno mmotà maie l' uocchie da sta via .
 E ttun' auto vattenne sulo sulo
 A cchillo pizzo , e non di cchiù na cria :
 Ca si ve sento cchiù , sia no gran mulo ,
 Si no ve levo tanta vezzarria .
 Accossì creo , che v' aggia accojetato .
 Che ssecota a pparlare lo Scoffato .

Gno-

XVII.

Gnore mio bello , io ccà , pe ffarve annore ,
 Me m'aggio fatto propio carrejare .
 Tengo na coratella , che mmo more ;
 Le rrecchie hanno nzavvorio lo mmagnare ;
 La coda s' è mpizzata int' a lo core ,
 Tanto che no lo fa cchiù ppadejare ;
 Chist' uocchio stà abbrocato ; e cchisto pede
 Stà appellato pe ll' aria , e nno nce vede .

XVIII.

Mperzò , Signore mio , pe ve la dire ,
 Mme lo ccanosco , ca non servo a nniente .
 De cchiù , a sta coscia , che mme fa sperire ,
 Na sordia mm' è bbenuta , che non sente .
 Jere no nce penzaie : ca mbè sentire
 Potea caccosa , si ve stea cchiù rrente .
 No nne ntese , pe ccierito , manco sale :
 Scusateme , ca songo n' anemale .

XIX.

T'aggio creddeto , lebbrecaie lo Rrè .
 E ttu mo che nne dice , Pagliariello ?
 Signore , isso respose , io , nquanto a mme ,
 Non saccio che bbò dicere Castiello ,
 Ne mmaje aggio saputo , che ccos' è .
 Me so stato a sseccà lo celledriello
 Tutta sta notte , e nno nc' è stato taglio ;
 Nè nsaccio , si è equà ppuorro , o capo d'aglio :

XX.

Ma da ste cose no nse pò scostare,
 Poc' aggio ntiso dicere, ch' è fforte.
 Bravo, disse lo Rrè: nce porria stare
 Puro na cepolluzza, si pe sciorte
 No ll' avisse nzavunorio: che te pare?
 Nce la voglio, dis' issò: ca de ll' uorte
 Chesta è lo meglio sciore, e st' addorillo
 Te fa subbeto aprì lo speretillo.

XXI.

Si è cchesto, secotaie, no nce vo niente.
 Pe ffare sto Castiello, che ddecite:
 Jammoncenne a scavà sti ngrediente,
 E ppo facimmo chello, che bbolite.
 Mettimmo n' aglio, e ppo no puorro, e rrente
 A cchisto na cepolla; e, cchiste aonite,
 Torna da capo, e ffanne no roticello,
 E bbeccote ggà ffatto lo Castiello.

XXII.

Scappaieno na refata, nche scompie,
 Tutte quante chill' aute Conziature,
 Tanto che Pagliariello se corrie,
 E sse votaie pe le menà li ture.
 Lo Rrè se sose, ca lo ccanoscie,
 E strellanno, Che rrazza de Dotture!
 Disse: jate a ttrovare Masto Giorgio,
 Che co na mazza v' arrefile ll' uorgio.
 Già

XXIII.

Già mme n' addono, ch'aggio fatto arvore
 A cchiammareve ccà, Ciucce mmardate:
 Bella groleia, pe ccierto, e bello amore
 Nne pò sperà da vuie ll' Asenetate!
 Jatevenne: no mmoglio Conzortore:
 Jate primmo a la scola, e stodejate.
 No lo bolite fa: no lo ffacite:
 Quanno sò mmuorto ve n' addonarrite.

XXIV.

Mente lo Rrè co ll' ante spaporava,
 Vrennarulo, che steva a lo pontone,
 Guatto guatto, e dde sguinzo cammenava,
 Pe s' accostà vecino a Recchiardone;
 E, cquanno ll' appe a ttaglio, te le chiava
 No paro de caucille a lo regnone,
 Che cchillo scuro viecchio nzallanuto
 Cadie de cuorpo nterra addebboluto.

XXV.

Nche se votaje, e bbedde lo prefato,
 Che se nne jeva pe li fatte suoie,
 Jetta no strillo: Ha rrutto lo mannato,
 Si Mà, sta bbestia nmanze a ll' uocchie tuoie.
 Uh maro me, mm' ha ttutto sdellommato,
 Che no nce fosse venuto ccà oie.
 Ma nce corpa la troppo confedenzia,
 Che bbuie le date, a ffa sta mpertenenzia.

XXVI.

Uh sfortunato, addove so arreddutto!
Disse lo Rrè: chi mme l'avesse ditto:
Mm'avesse primmo rutto no presutto,
Che bbenì a ffà st'fficio mmarditto.
Dapò, che mme so acciso; e mme so strutto,
Pe ssarvà de li ciucce lo deritto,
Mme sento dire nfacce da no mpiso,
Ca nce corp' io a ffarel' esse acciso.

XXVII.

Ma mo ve servo io. Chiammate ecà
Sfo tierzo de sordate, che stà fore.
Da chiste mo ve voglio fa mmezza,
Comme mm'ha da trattà no scrvettore.
Vennero st'auì ciucce; e ddisse: Eilà,
Facite no carizzo, ma de core,
A ttutte sti Dotture nzallanute;
Mparatele no poco la vertute.

XXVIII.

Lloco vediste li Dotture a rrolla,
Ch'ogne ssiesco de cauce, che mmenavano
Sti sordate arraggiate, int' a la folla,
A li feliette, te le sdellommanavano;
E, mmente ll'uno tira, e ll'auto molla,
A uno a uno te l'ammatoravano,
Senza fa cunto de lo preveleggio,
E accossì se scompette sso Colleggio.
Scompetura de l'Arragliata Seconna.

DE LA
CIUCCEIDE
 ARRAGLIATA
 T E R Z A .
 ARGOMIENTO.

Mente lo Rrè stà chino de penziere ,
 Nzuonno Selleno lo va a cconzolare ;
 Le dice , addò ha da ire , pe ssapere
 Da n' Aracolo chello , c'ha da fare .
 Issò se sceta , e dda li Trommettiere
 La Guardia de lo corpo fa 'chiammare .
 Vene chesta de pressa , e ppassa mosta:
 Issò va mmiezo , e a Lettere s' accosta.

I.

NON restano accossì spatolejate
 Le ffrunne tennerelle de le bbite ,
 Quanno de Maggio le grannenejate
 Scioccano da lo Cielo , comm' antrite ;
 Comme restaieno tutte sdellommate
 Sti povere Dotture saporite ,
 A li cauce , a li muzzeche , a le bbotte ,
 Che l' ammallaieno , comm' a mmela cotte .

II.

Ma lo Rrè chella sera se corcaje,
 Senza manco provà no po de paglia,
 Sempe decenno: Uh maro me, e che gguaie
 E' dd' avè a pprattecà co sta canaglia!
 Tata mio, no mm' avisse schiuso maje,
 Pocca mm' avive a mmette a sta vattaglia.
 Va te fida a sti vecche nzallanute,
 Ca si arretrato. So cchiaiete scompute.

III.

Jeva pe ppeglià suonno; ma va ferra
 Ll' uocchie, quanno staie chins de penziere.
 Già le pareva vedè din' a la Terra
 Arme, cavalle, sordate, e bbannerè:
 Già sentea lo frastasso de la guerra:
 Già bbedea puoste a ffuoco li quartiere;
 E isso mmiezo, comm' a no paputo,
 Strillà foccurzo, e non trovare ajuto.

IV.

Puro gira da ccà, vota da llà,
 Tanto stentaie, che se mettie a ddormì;
 Ma non tanto le venne a rronfejà,
 Che se vedette nnanze comparì
 No vecchiariello, che, pe ccammenà
 Co lo comodo suo, quanno vo ascì,
 Jeva affettato ncoppa a n' aseniello,
 Tanto ammanzuto, che pparea n' agniello.

Var-

V.

Varvajanca lo Rrè, nche lo vedie,
 Pareva, che le facesse alleverenzia:
 Pocca, senza parlà, lo canoscìe.
 A cchillo tardo moto, a la presenzia;
 Ch'era Sello, che, nfra ll' ante Ddie,
 Sa craaccà li ciucce p' azzellenzia;
 E, ppecchè ssempe ll' ha bboluto bbene,
 Le ddefenne, e ncovierno se le ttene.

VI.

Arrevato, che ffuie lo vecchiarìello,
 Rapie chella vocchella saporita,
 E ddisse: Varvajanca poveriello,
 Ccà sò bbenuto, pe te dà la vita.
 Ma tu puro si stato n' aseniello,
 A nno mmenì a ttrovarme a la meschita.
 Vieneme trova llà, ch' avarraie gusto:
 Non dobbetà, viene a ttrovà sto fusto.

VII.

Non tanto ste ddi chiacchiare scompette,
 Che bbotaie vico, e sse l' appalorciasse.
 Fremma, Sello, fremma, e cche faciette,
 Ch' accossì mmò mme chiente, e tte mme vaje:
 Torna ccà, lo Rrè nzuonno le decette,
 Addò vaie co la bbestia? Vi che ffaje?
 No mme lassà, de razia, accossì pprieto:
 Torna arreto, e ccontame lo riesto.

Aspet-

VIII.

*Aspetta, ca mo torna. Era ncocciato
 Lo vecchiacone, e sse l'appalorciava.
 Tanto, che isso mmederse abbañonato,
 Co la vocca pareva, che l'afferrava
 La coda de lo ciuccio; ma lo sgrato,
 Co tutto chësto, puro trottejava.
 Isso a tterare, e ccbillo a ccammenare,
 Tanto, che stracquo se venie a scetare.*

IX.

*Se sceta, rape ll' uocchie, e cche bbedette?
 Doie cude to la vocca tenea strente
 De duie de chille ciucce, ch' io decette,
 Che, ppe ccaccià le mmosche, tenea rente.
 Mmederle, tale risa le venette,
 Che sceppà le potive nzi a li diente;
 Ma chille scure steano a no pontone
 Perute, ch' era na compassione.*

X.

*Comme a no peccerillo, che sperduto
 Va pe ddinto a le ccammare a la scura;
 S' uno dice: Mo vene lo paputo:
 Eccolo llà, mo scenne pe le mmura.
 E dde bbotta l'afferra; sorrejuto
 Te lo vide restà pe la paura:
 Si mbè corre la mamma, e l'accarizza,
 Manco abbasta a llcvarle la mpizza.*

Ac-

XI.

Accossì li due cince sbentorate
 Restaïeno, pe lo jajo, addebbolute.
 Lo Rrè, che m'avea propio na piatate,
 Cercava de darl'armo; ma perdute
 Erano tutte quante ste pparlate,
 Ca da lloro manco erano sentute;
 E, ppe pparicchie juorne, nche bbedevano
 La facce de lo Rrè, s'addebbolavano.

XII.

Mu lo Rrè, ch'avea pressa de sentire
 Da chillo vecchiarìello la risposta,
 Fece subbeto subbeto allestire
 La compagnia de ciucce, fatta apposta,
 Pe te l'accompagnà, quanmo vo ascire.
 Kennero chiste, e agnuno passaie mosta
 Nnanze a isso, se mesero a ffelera,
 E ncignaïeno a ppasà de sta manera..

XIII.

Mprimmo mprimmo venea no ciucciariello
 Quant' a no sardagnuolo peccerillo,
 Chisto servea, comm' a no paggetiello
 De scuto, o de bbalice, nnanze a cchillo,
 Che guedava st' aserzeto noviello:
 Da ccà, e dda llà zompava, comm'a ggrillo,
 E ffacea cierti saute mortale,
 Propio, comm' a no ciuccio, senza sale.

Ap-

XIV.

Appriesso a cchisto, co na gran sodezza,
 Venea lo Caporetana rejale :
 Nn'aveva carrejato de monnezza
 Sso ggentelommo, quanno stea spetale !
 Va te lo vide mo, comme se spezza :
 Pare, che ssia a lo Rrè frate carnale.
 „ La lotamma porzi se mette nzauto,
 „ Quanno vede, ca fummecca, e bbà mauto.

XV.

Secotejava po na manejata
 De guastature, e dde sommozature.
 Ssa razza era la cchiù desgraziata,
 Pocca n'avea nè ammice, nè favure.
 „ Maro co cchi la sciorta stà mperrata :
 „ Ca, fa che bbuò, stà sempe a li calure :
 Ma, pe ppotè sapè che bbanno a ffare,
 V'aggio primmo na storia da contare.

XVI.

Nc'erano a cchille tiempe certe aofanze,
 Che li ciucce tenevano pe legge ;
 Certe rregole a pparte, e ccostomanze,
 Che nnuie mo le lleggimmo pe ddelliege.
 De chesse, addove fa de le ccrejanze
 Lo Calateo, cchiù dd'una se nne legge ;
 Comm'è cchella, che, cquanno hanno-scomputo
 De pestià, fanno a Giove no saluto.

Comm'

XVII.

Comm' a cchesta era chella , ch' ordenava ,
 Che n' avesse potuto tornà arreto
 Lo Rrè , quando co spanfo cammenava ,
 Ma lo motivo de sso gran secreto ,
 Studia nzo , cche bbuoie , ca no use scava.
 Vasta ; nce steva apposta no decreto ,
 Pe ssapè , che s'avea da prattecare ,
 Azzò st' arrore non s' avesse a ffare .

XVIII.

Decea sto gran decreto chiaro chiaro :
 Si se scontra erua , o spina pe la via ,
 Che s' annetta , e sse leva ogne reparo .
 Si carche ssuoffo , o matreco nce stia ,
 Che ssubbeto s' acchiana paro paro .
 Pe ssa chesto , nce stia na compagnia ,
 P' annettà , e ppe llevà , de guastature ;
 E pp' acchianare , de sommozature .

XIX.

Appriesso po la pratteca mostava
 De se servì de sti commannamiente :
 Si truove ll' erua , o spina , che se scava ;
 Pe nfi a lo radecone , co li diente .
 Si truove quarche ssuoffo , o quarche ccava ,
 S' enchia de ciucco virve , ca n' è nniente ;
 E agnuno , ch' avarrà st' afficio a sciorte ,
 Corra , da vero ciucciq , a sta gran morte .

Sto

XX.

Sto ccurrete mperro, che se conceda
 A ognuno, nvita soia, na vota schitto :
 Che si uno se jetta, e le focceda
 De nn' ascì vivo da no fuosso astitto,
 N'aggia cchiù sta fortuna; e nno nse veda
 De nuovo a ffa st' afficio costritto;
 Anze, si mbè lo Rrè lo ccommannasse,
 Che mpona co li piede, e nno nce passe.

XXI.

Cbist' era lo decreto, e non s'è smuosso
 Da capo de li ciucce ancora ntutto :
 Poeca nzi a nmo, si cade int' a no fuosso
 No ciaccio, e nn' esce co cquarch' uosso rutto;
 Tu le puoie tornà a rrompere n' at' uosso,
 Ca no nce torna, addò pegliaie lo bbutto.
 Sè no lo ceride, fallo, e bbì si passa:
 Tu lo puoie scortecà, ca no nse lassa.

XXII.

Ma tornammo a lo Rrè, che, ggid' passate
 Sse cattervie de cinque lazzarune,
 Se nne veneva mmiezo a li Jordate
 Cchiù bbrave de lo regno, e pprattecune.
 Chiste pe mmozzeccà, e ffa a ccauciate,
 N' aveano pare. Bell' anemalune!
 Va le ccerca a lo Rrè, ca no le ccagna
 Manco co Arlanno, o co Alisantro Magna.
 Nnan-

XXIII.

Nnanze a isso nce jca na manejata
 De musece de funno , e ssonature ,
 Che ffaceano nconzierto n' arragliata
 Co tanta gargariseme , e sfegure ,
 Che le sfrotte , che bbanno pe la strata ,
 E ttutte l' Accademmie , e pprofessure ,
 A cchi sto canto avesse maie sentuto ,
 Pararriano no trivolo vattuto .

XXIV.

Da cca sentive anza no sopranietto
 Na vocella de zuccaro argentina ;
 Da llà no bbascio , che ghierva a cciammiello ,
 Te ntronava da vascio a la cantina :
 N' auto facea no trillo a sfosamiello ,
 Che se sentea sagli pe le stentina .
 Da chiste aonite po , di che ffracasso
 Nne potea nasce maie , e cche sconquasso !

XXV.

Ma chi pò maie conta , che te facevano
 Li sfordemiente , che l'accompagnavano ?
 Cierte arraglià a la stesa se sentevano ,
 E cciert' aute pegliavano , e llassavano .
 Chi sottile sottile se nne jevano ,
 E cchi ll'aria , e li munte te ntronavano .
 Nzomma faceano no fracassatorio
 Da nzallanire no Conzervatorio .

Mmie-

XXVI.

*Mmiezò a llorò lo Rrè jea camménanno
 Ncoppa penziero, e mmanco le ssenteva.
 E a Lettere se jeva abbecenanno,
 Addò Sellenò co lo tempio steva:
 S' accostaie tanto, che si stea parlanno
 Uno llà ddinto, puro se sente va..
 Ma la Musa già mponta, ch'è stracquata.
 Fremmammonce, e scompimmo s' Arragliata.*

Scompetura de l' Arragliata Terza.



DE LA
CIUCCEIDE
 ARRAGLIATA
 QUARTA.
 ARGOMENTO.

Lo Rrè itrase a lo tempio, e stà aspettanno
 L' Aracolo , ché ll' aggia a cconzolare :
 S' accosta a no pertuso , a sofolejanno
 Chello , che dda lla ddinto ha da scappare.
 Sbotta no viento , e bbà mbrofolejanno
 Certe ccofe mbrogliose , che rrestare
 Lo fanno nzallanuto ; e ppo se nn' esce
 Mmalorato , ca niente anc capesce .

I.

LETTERE è na paese acconciolillo ,
 Che ppoco se descofa da Gragnano ;
 Tanto , che ssi nce va no peccerillo ,
 Magnanno la marennna chiano chiano ,
 N' ha sciso ancora ll' utemo morzillo ,
 Che ll' è ncuollo , e lo tocca co la mano :
 Schitto nce stà no po de montagnella ,
 Ch' , a ssagli , tè fa fà na sodatella .

D

Ncop-

II.

Ncoppa a la cimma, diuto a no scarrupo,
 Nce stà, comm' a na stalla de campagna,
 Ch' è nchiusa da no vosco cupo cupo,
 Che nò ll' asce, si n' haie chi t' accompagna.
 Crà no nce fiente mâte strille de lupo,
 Ma sulo carch' auciello s' appapagna;
 Carch' auciello de chille desperate,
 Che bbanno, pe ffuì le scoppettate:

III.

Nè era diuto a ssa stalla, ch' aggio ditto,
 Na statoa de Selleno vecchiaricello.
 Chi nce l' avesse posta, pe dderitto
 No nse potea sapè. No contariello
 Sulo da tanno se trovava scritto,
 Che pportata ll' aveà no cierto auciello
 Ma quanno, e ppe cche ffine, e ppe cche ccosa,
 No me parla lo Tiesto, e nno la Grosa.

IV.

Chesto sulo vastava, azzà che cchille,
 Ch' erano, comm' a ll' aute, anemalune,
 M'prièzzo se la tenessero: e bba dille,
 Ch' erano belle chiacchiare, e ccanzune,
 Ca nfacce te seioncavano; li strille
 Jervano abbista pe li torrejune,
 E ncignavano a ffare na revota.
 „ Quanto fà la gnoranza quarchè bbota!

Ora,

V.

Ora, pe non ssapè, da do venuta
 Fosse chella, a lo mmanco se credevano,
 Che ffosse da le nnuvole caduta,
 Pe l' abbesuogne, che le ntravenevano;
 Tanto, che s' imo pateva de caduta,
 O s' afferrava panteo, correvano
 L' ammicce, li vecine, e li pariente
 A ccbisto luoco pe mmedecamiente.

VI.

Era pe cchesto tanto vesetato,
 Che no nce stea chi no nce fosse juto
 Ogni mmeje a lo mmanco, e cche pportato
 No n' avesse caccosa pe ttrebuto:
 Anze nfi a mmo scorda de lo ppassato,
 Pare, che no nse ponno; e nn' è bbenuto,
 Ca pe nfi a oie (e nce porria scommettere)
 Ll' Asene de Gragnano fanno Lettere.

VII.

Sto luoco, ch' era primmo no stallone,
 Pe cchella statoa, tempio arreventaje:
 Poc' aveva na gran commessione,
 Co cchella smorfia, che se n' adoraje.
 Otra ca po, pe cchilla vecchiacone,
 Cchiù bbello luoco non potirre maje
 Trovà megliu de chisto, addò s' astiava:
 „ Tale Ddio, tale tempio meretava.

VIII.

Era chesta na grotta scura scura,
 Nà cosa longa longa, e nnera nera,
 Ch' uno nò nce starria pè la paura,
 Si mbè fosse sojuto da galera:
 Ummeto, che cchiorevano le mmura:
 Friddo, che t' agghiacciava na vritera:
 Pareva la casa de li scarafune,
 La vera grotta de li sportegliune.

IX.

Ccà trovave na chelleta de paglia;
 Llà mpontave de fieno a nò mmattuoglio:
 Ipe cchiù nnanze, e ppegliave na quaglia,
 Ma molla molla, e lliqueta, comm' uoglio:
 Tornave arreto, e nfacce a na moraglia
 Nn' asciave ammontonato n' auto mbruoglio:
 Nzomina, vota da ccà, ggira da llà,
 O paglia, o stronza avive da trovà.

X.

Dint' a sta grotta, ncoppa a nò montone
 De tutte sse schesienzie, e ppretecaglie,
 Nè era na statoa, azze no mamnone,
 Comm' a cchille, che tiruove a ss' antecaglie:
 Chesta aveva, nnantemmonia, no varrone,
 Ch' agne ppilo pareva na nzerta d' aglie;
 No le speccecarriano na settimana
 Tutte chille, che ccardano la lana.

Nca-

XI.

Neapo avca na corona ntorcegliata
 Tutta de talle, e ppampane de vita;
 Da sotto la teneano sopponentata.
 Doie recchiune de ggenio, fatte a bbita.
 Tenea po na nasella sprofelata,
 Che te terava, commi a ccalamita,
 Chiatta, corta, ammaccata, e tco ddoje nozzole
 Tanto aggarbate, che ppareano vozzole.

XII.

Da la cintura abbascio, iusto, iusto
 Te pareva no voje speccicato:
 Da le ggamme, a le ccosce, nzi a lo bbusto
 Era tutto de pile arragamato,
 E pp' ogni pparte le colava musto.
 Duie piede avea, ch' ognuno era spaccato,
 Comme ll' hanno li piccore, e le ccrapè;
 Ma chiatte, e ttunne, comme so le rrape.

XIII.

Tenea accanto no bello ciucciariello,
 Che pparea, le facesse no resillo:
 Aveva n' nocchio tanto cianciosiello,
 Che ll' avarrisse dato no vasillo.
 De Lucca te pareva no cacciottiello,
 E ppropio arresegnava a no nennillo,
 Co na codella tanto aggraziata,
 Che pparea sangozucca speccicata.

XIV.

Le cose po, ch' avea Selloeno fute;
 Pe sfarvâ carche ciuccio, e ddarlo ajuto,
 Erano le cchiù bbelle, e scontrafatte,
 Ch' uno de vuje avesse maie sentuto;
 E ssi mbè tanno, puro da te ggatte,
 Agnuno de ssi cunte era saputo,
 Nè era llà ddinto n' aseno vecchione,
 Che te contava co ddestenzione.

XV.

Chisso devea, ch' a ttiempo, cho l' anguille
 Scappaieno da lo maro a ll' acqua doce,
 Nè era no ciuccio, che ti peccerille
 Ll' aveano ingallanuto: ad anta voce
 Chianimaie Selloeno, e sfiice tanta strille,
 Che cchillo, pe non farlo morì nfoce,
 Mannaie li lupe, che se lo magnajeno,
 E accossì chille cchiù no lo frusciaseno.

XVI.

E ppoco appriesso, quando po l' antrite
 S' accommenciàieno a ffa da la mocolle,
 Nce n' era n' anto carteco de vrite,
 D' arciole, de pegnate, e d' arcuarelle;
 Pegliaie no nciampecone, e tutte aonite
 Fice na pizza de ste sciartapello:
 Chiammaie Selloeno, pe n' esse ammallato
 Da lo patròne; e mmorie derropato.

N' ata

XVII.

N' ata vota, a lo tiempo, che bbolava
 La quaglia, e tterra terra se nne jeva;
 No ciuccio, che tantillo zoppecava,
 Pe na mpolla a no pede, che tteneva,
 Jette a Selleno, e mmente lo pregava,
 Se vedeva la mpolla che cresceva;
 Po se fice no cancaro, ch' a rrolla
 Mannaie lo ciuccio; ma passae la mpolla.

XVIII.

De cheste nne contavano a mmeigliara
 Tutte li ciucce, e echii sto Cecerone;
 Ma la cosa, ch' aveano pe echii rrara,
 E ddeva a tutte quante apprenzione,
 Era, ea da lo ciuccio chiara chiara
 Ascea da quanno nquanno na vocione,
 Che rresponnueva a tchi lo nterrogava,
 E nzo, ch' uno volea, i annevenava.

XIX.

Nzomma, era pe n' Aracolo tenuto
 Sfo ciuccio da li ciucce; e non passare
 Potea no juorno, che non fosse juto
 Carcuno llà, pe ffarse annevenare:
 E isso, bello, dapò avè sentuto
 Chello, che le venevano a ccercare,
 No le faceva perde lo vejaggio,
 De la manera, che ve contarraggio.

XX.

Tanno ancora no n' erano accacciate
 Chello bbernie, che mmo songo scompute;
 Chelle schefienzie, che l' antechetate
 Tenea co ttanto studio amasconnute:
 E miette niette no' erano ncappate
 Chille, che te faceano li sapute.
 „ Chi vo arreva a ssapè cchiù, che non pote,
 „ Va de facce a na chiarveca a le bbote.

XXI.

Pe cchesto, nfra li ciucce non s' aofava
 Chello, che cco le ffrunne se faceva:
 Iue a no tempio, e mo te cacciava
 No sportone de frunne, le mmetteva
 Tytte a ffelera, e ncoppa nce stampava
 Chello, ch' Apollo dintò responniva:
 Veneva lo viento, e cco no scosta scosta,
 Nne portava le ffrunne, e la risposta.

XXII.

Manco nc' erano tanno le Ssebbille;
 Che te faceano mettere a ppaura:
 Le bbedive ngresà co li capille,
 Quanno se le ppegliava la fortuna;
 Ll' uocchie te strevellavano, e cco strille
 Correano sbattenno pe le mmura:
 Po jeano pe pparlare, e bommecavano
 No varrile de fccia, e tte mpestavano.

Ch'

XXIII.

Ch' era addonca sto muodo accossì bbello ,
 Ch' avevano li ciucce a sso pajese ?
 Nn' avevan' uno , ch' era no giojello ,
 Che , senza farle spenne no totnese ;
 Senza farle votà lo cellevriello ,
 Se sprecava a no muodo assaie cortese :
 Si sapè veramente lo volite ,
 Facite facce , ca lo sentavrite .

XXIV.

Stea dereto a lo ciaccio no pertuso ,
 Addò s' avea da mettere lo naso :
 Da chisto asceva , quanno forejuso
 No ventariello , e equanno adaso adaso ;
 Ma sempe ll' uno , e ll' auto era addoruso ,
 Mo. d' aglio , mo de puorro , e mmo de caso :
 Parlava chiaro , quanno ascea co sforza ;
 Quanno nò , lo sentive scorza scorza .

XXV.

Varvajanca lo Rrè , che lo ssapeva ,
 Ca se n' era addonato ll' anno arreto ,
 Arrevato a lo tempio , le pareva
 Mill' anne de forchiarne carche ffieto ;
 E , bbotato a Selleno , le deceva ,
 Che ll' avesse sprecato lo secreto ;
 E , ggìa che ll' avea fatta la mpromessa ,
 No nce ll' avesse resoluta a bbessa .
 Po ,

XXVI.

Po , non potenno cchiù , jette de bbotta
 A schiaffà naso , e mmusso a lo pertuso;
 E stea tutto sorriesseto da sotto ,
 Aspettanno lò viento forejuso .
 E ffacea nfra de se : Ah ah , mo sbotta !
 Mo se nne vene ! Viento mio piaruso ,
 Jesce viento mio bello , jesse ccà ffore ,
 Conzolame sto naso , e cchiù sto core .

XXVII.

Quanno neuorpo a lo ciuccio , a mmano manca ,
 Accommenzaieno a bbolle li decrete :
 Allerta , apre ffa vocca , Varvajanca ,
 No nte le ffa scappà ste ddoie mofete :
 Se bramate d'aver ciò , che vi manca ;
 Andatene a chi manca ciò , ch'avete .
 Nzerfa mo , Varvajanca , agliutte forte :
 Che ppuoie sapè si torna cchiù sta sciorte :

XXVIII.

Accossì fuie l' Aracolo , ch' ascie
 Da cuorpo a ll' aseniello ; ma restaje
 Ncanna a lo Rre , che no nse lo patie
 Agliottete sta vota . Quanno maje
 Parlaie sto ciuccio , che no nse sentie ,
 E ccosa accossì scura le scappaje ?
 Venite n' atò juorno a ffarme razia ,
 Ca po ve contrarrazgio sta desgrazia :
 Scompetura de l' Arragliata Quarta .

DE LA CIUCCEIDE

ARRAGLIATA

QUINTA.

ARGOMENTO.

Li ciucca vanno attorno corejuse,
Pe sfapè, c' ha lo Rrè, che stà nzorfato:
Fanno roticello, e rrestano confuse
Nfentire no cannone, ch' è sparato:
Fanno no ferra ferra, e stanno nchiuse,
Che pparea ggìa lo Munno arrevoato.
Lo Rrè, p' accojettare sto remmore,
Esce, e bbà, comm' a ppazzo, pe llà flore.

I.

COMM' a no peccerillo, c' ha abbistato
Na lacertella dinto a no pertuso;
Mpizza la mano, e ccaccia marcigliato
No serpe, che llà ddinto stea annascuso:
Resta lo scuro tanto sforzellato,
Che rraspannòse tutto lo caruso,
Non sap' isso medesemo che ffare,
Non ha manc' armq de se la felare.

Accos-

II.

Accossì mmo lo Rrè, che fforejuso
 Lo naso llà ddereto avea mpizzato,
 Restaie tutto no piezzo, e stea confuso,
 Senza sapè addò steva, e cch'era stato:
 N'avea core tirà da lo pertuso
 Lo naso, pe ppeglià no po de sciato;
 E stea aspettanna, si carch'auto fiato
 Le mmocasse echiù mmeglio sto decreto.

III.

Nce stie no piezzo, ma lo ciucciariello
 Era mofato, e nno nse scommoveva,
 E sse sentea ighizza lo cellevriello,
 Che ggìa tutto mpestanno se me jeva.
 All'utemo penzaie lo poveriello,
 Ca morea nfoce, si llà cchiù nce steva;
 Tiraie lo naso, ascie chiano chianillo,
 Pegliaie sciato, e ss'aprie lo speretillo.

IV.

Po, senza manco di comme, nè equanno,
 Senza manco votarese da reto,
 Se m'ascie fore; e ghlea sempe penzanno,
 Si potea dà de musso a cchillo fiato:
 E cchilla, che lo stevano aspettanno,
 Pe ssapè llo ro puro quà ssecreto,
 Vedenmolo venire accossì affritto;
 Passanno, s'allargaieno, e stieno zitto.

Eppe-

V.

E pperute perute s' abbiavano
 Appriesso a isso, pe se nne tornare;
 Non morveano la coda, e ccammenavano,
 Comm' a papute, senza pepetare;
 E ppe tutte li luocche, addò passavano,
 Non canosceano ammice, nè ccompare:
 Jevano comm' a ttanta connannate
 Ngalerà mmita, ch' era na piatate.

VI.

Arrevate che ffuicno, se nne jette
 Lo Rrè a la tana deritto deritto;
 E, ssenza di bonnì, se nne trasette
 A ttrovà la lettera zitto zitto:
 No mmagna, non vo tevere, e sse mette
 A ppenzà a cchello, che ll' è stato ditto:
 Non penza a cchille, che le stanno attuorno;
 Non vede manco Proceta, o no tuorno.

VII.

Avite visto maie no passariello,
 Ch' into a no caravattolo è ncappato?
 Cala la coda, e a cchillo fenestiello,
 Da dō pegliaie lo bbutto, stà neantato:
 Si mbè vaie pe le dà careh' aceniello,
 N' apre lo pizzo, tanto stà sonato.
 Accossi stea lo Rrè, sempe penzanno
 A cchillo fiato, a cchillo gran malanno.

E dde-

VIII.

E ddecea nfra se stissa : E' na gran cosa
 Sta chelletta mmardetta, ch'aggio ntiso!
 N' ha avuto maie hesuogno de la grôsa
 Sso fiato, ca, nch' è stiuto, se nn' è sciso;
 E mmo che ll' è afferrato? Va arreposa
 Co sto pinolo, acorpora che mm' ha mise!
 Selleno, e cch'aggio fatto, ch' a mme ssilo
 Mm' baie da trattare propio da cetrulo?

IX.

Ma che ppò essa maie? N' arrivo a ntenere
 Comme sta cosa se pà maie sprecare.
 Che nce manca? Là mano. E, ssi pretenere
 Volimmo ajuto, avinimo da cercare
 N' anto a echi paro manca? E bbà a comprenere
 Sto trase, e jesco. Comme pà ajutare,
 A cchi no nsa addò mettere lo pede,
 Uno, che non tten' uocchie, e mo nce vede?

X.

Chiano. Non ha ditt' isso veramente:
 Pe tirovâ chello, che bbuie pretennute,
 Jate a tirovâ chella razza de ggente,
 Che n' hanno mano; ma, si lo bbolite,
 Jate addò chille, che non hanno niente
 De chello, che pportate, e cche ttenite.
 Accossì ha dditto? Accossì pproprio: e bbia,
 Chessa è la via de mme fa i mpazzia.
 E ccom-

XI.

E ccompe nò ò faciteme faore :
 Si nuie co tutto chello , che nmo avimmo ,
 Non potimmo fa niente ; a fortiore ,
 Chi le manca sto ppoco , che ttenimmo ,
 Non pò fa manco jalc . Ne' è Ddottore ,
 Che ddica lo ccontrareio ? Vi ca simmo
 Coffejate , Selleno ! e mme sa a mmale ,
 Ca mme vuole trattà propio da anemale .

XII.

Cheste , e cciento aute ccofe , mano mano ,
 Passavano pe ccuorpo a Bbarvajanca ,
 Pe bbedè de potè caccià le mmano
 De chello , c' ha no ciuccio , e a n' auto-manca ;
 Ma no nce dea de cuorpo , e cchiano chiano
 Nce nne vennero tanta , a bbranca a bbranca ,
 Che , a lo rreto la panza l' abbottajeno ,
 Comm' a ppallone , anzi che no scappajeno .

XIII.

Ma , si lo Rrè faceva sti cattolicchie ,
 Chill' aute , che ll' aveano accompagnato ,
 Nne faceano castielle ! E ggjà paricchie ,
 La stessa notte , aveano accommenzato
 A ffa rotiello ; e ttutte , comm' a sfiechie
 Spertosate , scorreano : Che d' è stato ,
 Decea lo primmo , che lo Rrè marsuso
 Se na' è ttornato , e sfubbeta s' è nchiuso ?

Mo

XIV.

Mo te lo ddico io , deceva n' auto :
 Issò penzava a ssa morà sta terra ,
 Comme sapite , e mmettersè cchiù m' auto .
 Selleno ha dditto : E' l malan , che t' afferrà ,
 Tu si bbecchione , e tte vuojie mette nzauto ?
 Ogge , o craie criepe , manca chi la ferra ?
 Donca nce lo levammo già da tuorno ?
 E' ffraceto , non campa pe nfi a ghiurno .

XV.

Poveriello ! Perdimmo no gra Rrè !
 Nè nce mme venarranno cchiù de chiste .
 Pò esse , che no mmora . E ghiuto , tè ,
 Nce ll' ha dditto Selleno . E lo ssapiste ?
 Oh , chillo mo , che ll' ave ditto a mme .
 Gioja mia , no mme quaglia . E nnon vediste
 Comm' ascie nzallanuto ? Che ppe cchesto ?
 Uppola , craie lo bbide priesto priesto .

XVI.

An' ata bbanna s' erano adonate
 Ciert' aute , che ffàceano li sapute ;
 E nce stèano de chille sbentorate ,
 Ch' a lo Colleggio fujeno vattute ;
 E ddeceano : Già simmo arrojenate .
 Uh poverielle a muie , simmo spedute :
 Quarche gran guerra va pe lo taoliero ;
 E ssenute , si è ghiusto lo penziéro .

Quan-

XVII.

Quanno maie so bbenute ssi golie ,
 De fa , a lo Rrè , ste mmura , e sto castiello ?
 Caccosa nc' è ! Chi sa , si chelle spie ,
 Che mmama attuorno , o puro quarch' auciello
 Ll' avarrà dditto , ca pe ccheste bie
 A ffravetà se ncigna quà bbasciello ?
 Adde : è ghiuto a Selleno , e nn' è itornato ,
 Comm' agnuno ll' ba bbisto , destorbato .

XVIII.

Ll' avarrà dditto , ca già li nnemmice ,
 Comm' a rrasulo , se songo ammolate ,
 Pe nce scapozzà a ttutte , comm' alicie .
 Poverielle a nnuie aute sfortonate ,
 Addò jarrimmo ? Va a ttrovà cchiù ammicce
 Va trova cchiù ppariente , nzanetate !
 „ Ca , quann' uno è nchiappato a na desgrazia ,
 „ Po sperì , ca no nc' è n.à bbona razia .

XIX.

Accanto a lloro s' era , chiano chiano ,
 Fatto n' ato rotiello corejuso .
 De ciucce cchiù gnorante , e bbascia m.uo ,
 Che mmetteno lo naso a ogni pertuso :
 Chiste , ch' erano mo de quatt' a ggrano ,
 Nzentire sto pparlà , ccosì spantuso ,
 S' aggliottieno la cosa de la guerra ,
 E la corzero a spanne pe la Terra .

E

Non

XX.

Non sapite ? Che d'è ? Passammo guaje .
 Veramente ? Accossì fosse boscia .
 E cch' è stato ? Jere appunto ; uno scontraje ,
 Uno de chille , che ffanno la spia
 Pe ttutte sti contuorne ; e le contaie ,
 Ca veneano volanno , chesta via ,
 Trenta vascielle , chine de cannone ,
 E tteneano servate li focune .

XXI.

No mme di niente , responneva n' auto ,
 Ca ll' ato juorno io puro lè bbedette .
 Frate mio , comme correno ! ogne ffauto ,
 Che ffanno , è mmiezo ruotolo . Me jette
 A scarrecà ncopp' a no poco d' auto ,
 E nne vedie na mmorra , che bbenette
 Propio , addò steva ; e ghie pe la paura
 Tanto , che ffeto , comm' a la fortuna .

XXII.

Si è cchesto , sol' arrevate ? N' ata vota ?
 E ll' baie viste tu propio ? Co cchist' uocchie .
 E immo addò stanno ? Va te lè rrevota :
 Int' a ste ssirve , e ppe sti carafuocchie .
 Uh mar' a muie ; nce mettarranno mmota ,
 Nche schiara juorno ! E cchilli belli truocchie
 De ficno addò jarranno ? So pperdute .
 A cchesso pienze ? Nnue già simmo jute .

Men-

XXIII.

*Mente sto ffuoco s'era già allommato,
 Lo Rrè, che stea co cchillo gran panzone,
 Che v'aggio ditto, se sentie no fraso:
 Anza na coscia, e ffa no pedetone
 Accossì ggruosso; accossì spotestato,
 Auto si se crepasse no cannone;
 E ppiglia, pezzecanno pezzecanno,
 Tre cciucce, che lo steano ventejanno.*

XXIV.

*Le ppiglia, e tte le sbatte pe dderitto
 Nfacce a la porta, ch'era già nzerrata;
 Ma se rompe a lo bbutto, e ppe lo stritto
 Esce co li tre cciucce ngravogliata.
 Lo tierzo de sordate, ch'aggio ditto,
 Che ssempe stea de guardia a cchella strata,
 Portate da lo viente, e dda le bbotte,
 Se mesero a ffuire, comm' a ccuotte.*

XXV.

*Ma pecchè lo fracasso, e cchiù lo fieto
 Se sentie quase pe tutto lo Stato;
 Chille, che non sapeano lo secreto,
 E dde la guerra avevano parlato,
 Steano a ssenti: quann' uno da dereto
 Strellaie: Cannone è cchisto, ch'è sparato.
 No nte ll'aggio ditt'io, respose n'auto:
 Sientetillo, e ncignato già l'assauto.*

XXVI.

Nzentì strillà, Sparato è lo cannone,
 Va te le ppesca, addò se so mpizzate;
 Se mesero a ffuì p' ogni pontone:
 A lo ffuì, scontraieno li sordate:
 Chiste crescieno la confosione,
 Pocca credeano d'esse secotate;
 Chille credeano, ca le sfecotavano;
 Ma che bbud secotà? tutte scappavano.

XXVII.

Nzallanute da ccà, dda llà ffujevano
 Pè le bbie, pe li campe, e ppo tornavano,
 Trasevano a le ttane, e ppo m'ascervano,
 Strellavano, chiagnevano, arragliavano,
 Venevano, correvano, mmeştevano
 Tutte chill' aute ciucce, che scontravano,
 Sempe decenno: fuite, nzerrateve,
 Sbrigateve, sarvateve, ntanateve.

XXVIII.

Ccà bbedive na ciuccia, che strellanno
 Jea co no ciucciariello a la ncorrenno;
 Llà ttrovate no ciuccio, che cchiammamo
 Jea li compagne, chiagnenno, chiagnenno:
 Chi co la coda mmocca jea teranno
 No vecchiariello, che bbenea cadenno;
 E ttutte aveano ncuorpo no zeffunno,
 Che pparea revotato già lo Mumo.

Fuie-

XXIX.

Fuieno tanta li strille, che lo Rrè,
 Co tutto, ca stea tanto nzallanuto,
 Sentie sto gra rremmore; e ppe ssapè,
 Che ccos' era, e dda dorve era venuto,
 Co ll' uocchie nchiuse, disse: Eilà? che ne è?
 E bbedenno, ca nullo avea sentuto,
 Rapie ll' uocchie, vedette, e rrevedette,
 No ne trovaie nesciuno, e sse sasette.

XXX.

Venne a la porta, e la trovaie aperta:
 Esce fora, e cresceva lo remmore;
 Cammina, ascia na mmorra, che ghiea sperta,
 Nne ferma uno: Me magno mo sto core,
 Disse, si no mme cunte allerta allerta
 Che mmalanno v' afferra lloco ffore,
 Signore mio, s' è bbista, ch' è ffojuta
 Na cannonata, e nno nse s'x, addò è ghinta.

XXXI.

Nzentì chesto, na rifa le scappaje,
 Co tutto, ca stea tanto mmeperuto:
 Pocca, nzentirlo dī, s' allecordaje
 De chello, che dda cuorpo ll' era sciuto.
 E ssi mbè se vedea chino de guaje,
 Penzaie, ca tutto ll' auto era perduto,
 Si primmo n' accoietaa sto remmore,
 Ca mne potea fortì carch' auto arrore.

XXXII.

Mperzò jeva strellanno : Addò corrige,
 Ciucce senza jodicio ? addove jate ?
 Chi v' ha puosto paura , che ffoite ?
 Chi ve votta , che tanto vrocioiate ?
 Tornate ccà , fremmaterve ; e bbedite
 Chi è stato chillo , che v' ha secotate .
 O ciucce veramente de gra spireto ,
 Ve fa mette a ffuì , puro no pireto !

XXXIII.

Comme quanno lo Cielo se confonne ,
 Pe li viene , che ffanno a ssecozzone ,
 Lo maro va pe ll' aria , e cco cchell' onne ,
 Ch' una va , e n' auta vene , a rrampecune
 Mo lo vide sagli , mo s' amasconne ,
 Mo ll' baie 'n Cielo , mo dinto a li carune ;
 Si lo Sole miez' uocchio te nce jetta ,
 S' ammoscia , se fa n' uoglio , e ss' arretetta :

XXXIV.

Accossì sto remmore , che ddoraje
 Quase tutta la notte , e cche crescìe
 De manera , ch' all' utemo arrevaje
 A ffa tremmà le pprete de 'le bbie .
 Nche ddisse : è stato pideto ; e mmoštaje
 Lo Rrè la facce , subbeto sparie .
 Ma pecchè nc' era ancora quarche stella ,
 Se nne jett' isso a ffa la nommarella .
 Scomperura de l' Arragliata Quinta .

DE LA
CIUCCEIDE
 ARRAGLIATA
 S E S T A.
 ARGOMIENTO.

Selleno torna , e trova Varvajanca ,
 Che stà confuso , e cchiù lo nzallanesce .
 Po se scommove , e nce mmatte na chianca;
 Ca ll' uno , e ll' auto cchiù se ntenneresce.
 All' utemo le dice : Mazzafranca .
 Fanno pace , e lo chianto se fornescce;
 E ppe lo fa scompì de conzolare ,
 Le mmocca tutto chello , c' ha da fare.

I.

G I A' s' era la vajassa de lo Sole
 Sofuta , pe ghi a spanne la colata;
 E nfacce , pe ppaura de le mmole ,
 S' avea na pezza rossa arravogliata :
 Na barbuglia de papare , e dde cole ,
 Nconzierto le faccia na matenata;
 E già Frettella se sentea strillà :
 Doie tre ccavalli caldi , caldi , cà

E 4

Quan-

II.

Quanno lo Jetro Rrè, ch' appapagnare
 Tutta la notte non avea potuto
 Pe li strille, e l' allucche, che stonare
 Nzi a lo mara avarriano saputo;
 Co cchillo frisco, che vervesciare
 Sole ncampagna, nche lo Sole è sciuto,
 Pegliaie no sommariello doce doce;
 Quanno de bbotta, lo scetaie na voce.

III.

Varvajanca, deçeva, Varvajanca,
 Scetate, rape ll' uocchie, auzate, e ssiente.
 Se sose, e cco na facce janca janca,
 Pe la paura, e sbattenno li diente,
 Disse: Chi è? Votate a mmano manca,
 Lebbreca chella, e bbi si vide niente.
 Sé vota chiano chiano, e nce trovaje
 Sellenno, e tutto alliegro: Che nce faje?

IV.

Che nce faie eadà, Sellenno mio? le disse:
 Singhe lo bemanenuto, a mmille razie.
 Figlio, chillo respose, si sapisse
 Quanto me so ppesate le ddesgrazie,
 Che ttu passaste, no mme lo dderisse.
 Ma chi nce corpa? si nn' aviste strazie,
 Non te puoie lamentà, che de te ssulo,
 De te ssi, che si stato no cetrulo.

Com

V.

Comme? disse lo Rrè, io n' aggio fatto
 Tutto chello, che bbuie mm' avite ditto!
 So bbenuto a ttrovarve, e mme so sfatto
 Pe ccammenare, e ghi sempe de fitto.
 Aggio puosto lo naso, guatto guatto,
 Addò sapite; e mme so stato zitto,
 Aspettanno lo fiato: e mmo, ch' è stato?
 A lo rreto, cornuto, e mmazziato.

VI.

E' ppoeo tutto chello, e' haie patuto:
 Ca mbè te mmeretave auto castico.
 Comme? dimme no poco? si bbenuto
 A ttrovà a mme da ammico, o da nncmmico?
 Che bbo dicere chesto? Aggio creduto
 De te venì a ttrovare comm' ammico.
 Comm' ammico, è lo vè? ma n' ha mmancato
 Pe tte, d' averme miezo stroppejato.

VII.

Selleno mio, chi t' ha dditto ste cose,
 Sarrà carcuno, che mme vorrà mmale.
 Io farte no dammaggio? e nno nse scose
 Primmo sta vita, e mmora a no spetale.
 Che mmora io primmo a bbotte de ventose,
 De sangozuche, e dde serveziale,
 Che ddarte no desgusto, tè; tantillo:
 Dà vero vero so no peccerillo?

Si sta-

VIII.

Si stato troppo gruosso, me despiace:

Ca si nò, poco me nne corarria.

Dimme, che t'aggio fatto? e, ssi te piace;

Famme, che ssacc' io mo? mpalà n Turchia;

Ma primmo, Llenu mio, facimmo pace,

E ddimme chesso, ch' è na gran boscia.

E bboscia, si ppe ccierto; no lo credere:

Fa a mmuodo mio, vattenne a ssaccredere.

IX.

Già che lo bbuoie sapè, mo te lo ddico:

Non t' allecuorde ajere, che ssaciste

A ccchillo ciuccio, che bbenea co mmico?

Non sulo sto nasone le metteste

Dereto, addò tu saie; attà de nnicol

Ma co tutto sso musso te nce jiste

A sfraccarte propio: che credere,

Locco te, ca si nò, no lo sentive?

X.

Pe sta cosa restaie lo poveriello

Stroppejato de muodo, e dde manera,

Ch' è na compassione: pacioniello

Mio, che pparive propio de cera,

Tant' iere dellecato, e ttenneriello;

E mmo chi sa, si campe nzì a sta sera!

Uh leva lè, no mme nce fa penzà,

Ca dint' a ll' arma me sento scbiattà.

E, ssi

XI.

E, ssi n' è ttenneriello, e ttu nce torna,
 Disse lo Rrè: lo fsà sto naso mio,
 Ch' ancora me fa mmale; e bba te sforna,
 Selleno mio: non faccio, che ggolio
 Te vene de schiattareme. Chell' orna
 Non so dde prata? E ssi so ppreta, io
 Mo, co sto musso, che le potea fare?
 No nte lo ddico, ca mme vuoie crepare?

XII.

Te compatesco, figlio, ca non saje
 Chello, che ddice. Che mme può sperare
 A ll' utemo da n' aseno! Siente: aje
 Da sapè, che sto ciuccio, che te pare
 De preta, è ppreta, e non è ppreta; e mmaje,
 Senz' isso, no mme pozzo freccicare:
 Se fa carne, quann' esce pe ste sserve;
 Se fa ile preta, quanno no mme serve.

XIII.

Jere jie cammenanno, e nno l'aveva
 Manco appannato, quanno tu veniste;
 Tanto che ttanno tanno se faceva
 De preta, e ttu corriste, e lo mmeffiste.
 Che ddice mo? sso musso le poteva
 Fa tutto chello, che ttu le faciste?
 Che ddice? parla: tu si ggjà ammotuto?
 Te compatesco. Si bbieccchio sforduto.

Nzen-

XIV.

Nzenti chësto , no chiagnere a sselluzzo
 Scappa a lo Rre , che no nse po accoietaie ;
 Se vo jì a bbrociolà dint' a no puzzo ,
 Se jetta nterra , e non sa , che se fare ;
 E ttanto fue lo chianto , che no vuzzo
 Dint' a la tana nce potea natàre ;
 E , a lo rreto , lo bbuono vecchiariello
 Fice isso puro n' nocchio a ppesciariello .

XV.

Chiagnea Selleno , e cchiagnea Varvajanca .
 Chillo decea ; no cchiù . Chisto : mò moro .
 Chisto : o musso , nne voglio fa na chianca .
 Chillo : mo mmo mme vene n' antecoro .
 Chisto : primmo m' avesse rotta n' anca ,
 Che stroppejarte , ciucciariello d' oro .
 Chillo : scampela mo , no cchiù , mantiene ;
 Mo mme votto lo ciuccio , e cchi lo tene .

XVI.

All' utemo Selleno la sofette ,
 L' annettaie ll' nocchie , e sse l' accarezzaie ;
 E accossi sto sciabbacco se scompette ,
 Ca , si nò , sarria juto pe nzì a ccrare .
 Po , co na facce a rriso , le decette :
 Via , core mio , nò cchiù ppenzammo a gguaie ;
 E azzò nfra nuie sta pace aggia a ddorare ,
 Mo te voglio l' Aracolo sprecare .

Sac-

XVII.

Saccio, ca poco, e niente lo sentiste:
 Ma pecchè fò ò pecchè tu nce corpaste,
 Quanno tutto sso musso nce mettiste.
 Dint' a cchillo miozio, l' appellaste;
 L' appellaste de mmodo; e te nce jiste
 A ffravecà co tutte ll' ossa mastè,
 Che cchillo fieto', e cchillo scuro sciato.
 Nn' appe da scire miezo stroppejato;

XVIII.

Puro chillo morzillo, che nn' ascìe,
 Te mmorcaie chello, che ddevire fare;
 E bbolea gnefecà: Sti gran golie
 Addò le Scigne te le ppuoie levare:
 Porca cheste so bbone; pe ste bbie,
 Mura, turre, e ccastielle a ffravecàre:
 Hanno le mmano, che bbuie non azite;
 E le manca la coda, che ttenite.

XIX.

Comm' a no guaglionciello, ch' a là scola
 S' è mbrogliato, pe ffare no latino;
 Ca no nne ntenne manco na parola
 Te lo vide votà lo Calapino,
 Se rāspa, se storzella, e cco na mola
 Se rosca mēz' ognā; si, vecino
 A issò, uno nce stā, che nce lo mmezza,
 Lo vasa, e ffa no zumpo p' allerezza
 Accos-

XX.

Accossì Varvajanca, nebe ssentette,
 Ca Selleno ll' avea spalefecato
 Chello, che ggìà l' Aracolo decette,
 E lo teneva tanto ammojenato;
 Fice no sauto, e ppo de bbotta jette
 Pe l' abbracciare, e a cchillo sbentorato
 Na ciampatella te le conzegnaje,
 Che ll' arco de lo pietto le sfonnaje:

XXI.

No nce lo sfonnaie propio, ca cchillo,
 Vedenno, ca mal' ario nc' era a Bbaja,
 Se quartejaje, e ffice no zumpillo;
 Ca, si nò, nce potea sorzi qua bbaja.
 Po le disse, redemmo: Và chiamillo
 Co sti carizze, core mio; abbaja
 N' ata vota da vascio, ca no mporta
 Sagli nzi ncoppa a ttezzola la porta.

XXII.

Scusame, Llenu mio, ca io non faccio
 Mo che mme fare, tanta è la prejezza.
 Ma, dimme n' ata cosa: comme faccio,
 Pe ghirele a ttrovà? Si no mme mmezza
 Primmo carcuno, addove stà lo jaccio,
 E mme nce tira propio a ecapezza,
 Va te le ttrova. Mo te lo ddich' io,
 Respose ll' auto: chisto è ppiso mio.

Si vaie

XXIII.

Si vaie trovannò Scigne, addò te vuote,
 Nn' asce a mmegliara pe' tutto lo Murro:
 Ch' auto bene no ne' è, si lo revvotè
 Da la capo a lo pede, nzi a lo finno.
 Vaie, p' assempio, pe' Nnapole; e a le bbote
 Nne scuntre tanta, che sso no zeffunno:
 Vanno a ppede, ngaleffa, nzi ncarrozza,
 Che te fanno abbottà tanta na vozza.

XXIV.

La scigna vonno fa a lo Caaliero
 Chille, che sfongo de cchiù bbascia mano:
 Tutte co lo volante, e lo staffiero
 Vanno facenno ncrine, e bbasamano:
 Aggio pegliato un bravo repostiero,
 Che mm' è bbenuto apposta da Milano;
 Fa sorbette d' incanto, e sceroccate,
 Peti-zucchere, e ccicere nnasprate.

XXV.

Una, che stenta tutta na settimana
 A ffa di rana a bbotta de spotazza;
 La Festa po te pare na Vammata:
 Senza carrozza chi po jì pe' cchiazza?
 Sciù sciù, è bbriogna, co na scarpa chima
 Sott' a lo sacristano! Che si ppazza?
 Sore mia, comme vaie, tu si stemata:
 Che importa po, ca lave la colata?

Cier!

XXVI.

Ciert' aute zerbinotte corejuse

Te vomo fa la scigna a li Milorde :
 Feteno de catramma , e bbanno nfuse
 D' acqua de maro , e mmazzecanno corde ;
 Tutto lo juorno fanno cuse , e scuse
 Co le sciammerghe , e le danno le ccorde ;
 Te scanosceno puro li denare ,
 Po lo pesone non ponno pagarc .

XXVII.

Nc' è chi fa lo poeta , e bbè jì a pparo
 Co Ccasa , e ffa la scigna pe nzi a Ddante :
 Non fa no vierzo , che non parla sparo :
 Non vo parola , che non sia sonante :
 No nce truove no sienso , che ffa chiaro :
 Uneco ammico de le cconzonante .
 Quanno le ccanta po , non saie , si è norco ,
 Gatto maimone , o spireto de puorco .

XXVIII.

N' ato vo fa la scigna a lo Boccaccio ;
 Ma non sape dir' auto , ch' Jo vorrebbe
 Unquanco dar de' calci a quel furbaccio
 Di rovaio , e ad ogni otta io lo farebbe :
 Jer l' altro otta catotta un buon migliaccio
 Mi mangiò , e a le guagnel , che non m' increbbe :
 Io lo mangiò ad un desco , ov' era a scranna
 Il gran Don Cberche , e la Contessa Orlanna .
 Nce

XXIX.

Nce so ccierte, che bbonno fa a bbedere,
 C' hanno perza la vista a stodejare.
 Si le bbide, te fanno stravedere,
 So ppeccerille, e pportano l' acchiare:
 Toccale po, ca le siente cadere
 Da vocca certe ccoise da crepare.
 A lo rreto, ched' è? Pe ffa ffa vista;
 Restano cince, e pperdeno la vista.

XXX.

Comme so ddinto Napole, accossine
 So ppe ttutto lo Munno de sse Scigne,
 Ca nn' ogne pparte nn' asce nzina fine.
 Ma non serve mperrò, che tta te mpigne.
 A ttrovà chesse, ca non so le sfine:
 Si te vuole fa rescire li designe,
 Vattenne 'n Varvaria; ch' a ffa comarca
 Nce trovarraie lo Regno de la Varca.

XXXI.

Llà stanno propio; pocca llà so mmate
 Le bbere Scigne, e stannò tutte aonite
 Mmiez a ccerte ccampagne abbannonate,
 Che lluceno l' arene, comm' a bbrite,
 Pe lo Sole, che ll' ha ccarcarejate:
 No nce songo nocelle, pe ffa antrite,
 No nce so ffrunne, no nc' è mmanco sale,
 No nc' è mmanc' erua pe sserveziale.

F

Ma

XXXII.

Ma no nce irè tu : ca de portare
 A no Rrè non commene la mmasciata .
 Trova duie , che se sacciano sprecare ,
 E tte pozzano fare na parlata .
 Falle sfagli nzi a Ssomma , e bbrociolare
 Dint' a lo monte , pe ssapè la strata :
 Llà ttrovarranno n' Dorco , che stà lesto ,
 Pe nce le ffa portare priesto priesto .

XXXIII.

Orsù , stà ncelleuriello , e non fa arvore ,
 Che ppo non te n' avisse da pentire ,
 Governamette , schiavo , e sservetore .
 Accossì dditto , se mese a ffuire .
 Rēstaie lo Rrè ccontiento ; ma lo core
 Le decea : Chi nce manne ? Chi ha da jire ?
 Ccà sfarranno le bbotte . Vi che mbruoglio !
 Non saccio si lo supere sto scuoglia .

Scompetura de l' Arragliata Sesta .

DE LA
CIUCCEIDE
 ARRAGLIATA
 SETTEMA.
 ARGOMIENTO.

Se fa no gran concurzo , pe ttrovare
 No ciuccio , che te faccia na mmasciata .
 Se nce prova cchiù dd'uno , e bbà a pparlare,
 Mà co la coda restano cacata .
 Lo Rrè s' arraggia , e non fa , che se fare ,
 Vedenno la facenna già mbrogliata .
 A ll' utemo compare n' Aseniello ,
 Che mpromette levarlo da st' appiello .

I.

COMME chi va , pe ffarse na sciacquata,
 A na cisterna lorda , e schefenzosa ,
 Tira no cato , e nc' ascia nfracetata
 Na soreca ; lo jetta , ca n' è ccosa :
 Torna a tterà , e nce vene mpetenata
 Na grasta de no càntaro , lo posà :
 Nne tira ciento , e ttutte te le ghietta ,
 Ch' acqua maie no nce trova , che ffia neita .

II.

Accossì ghinsto jùsto soccedette
 A Ebarvajanca, che bbolea trovare
 Qua cciuccio pe st' afficio: se nce jette
 MpaZZenno cchiù dde n' ora, pe ncarrare
 Uno, a lo mmanco; ma no le rescette:
 Scarta lo primmo, ca non sa parlare,
 Nne scarta n' auto, ca non sa che ddire:
 No nne trov' uno, che nne pozza scire.

III.

A ll' utemo, vedénnose mbrogliato,
 Disse: Abbesognarrà, che nce vav' io.
 Ma Sellenno non vole, e mm' ha ordenato,
 Ch' io no mme parta da lo regno mio.
 Che ffacimmo? Sellenno, mm' haie gabbato.
 E dda dò t' è bbenuto sso golio?
 No nc' è auto, che ffarce no concurzo.
 Mano a li-fierre, e ppo che mm' esca n' urzo:

IV.

E bbotatose nfacce a no sordato,
 Ch' a la porta facea la sentenella;
 Va, e ffa, che mme sia ccà mo mmo portato
 Lo trommettiero; pe na certa chella.
 Disse, e nno ntanto ll' ordine fo ddato,
 Che cchillo parze, ch' avesse la scella:
 Corze, trovaie lo ciuccio, le parlaje,
 E bbolanno volanno lo portaje.

Eilà,

V.

Eilà , disse lo Rrè , nche lo vedette ,
 Va pe tutte li luoche de sto regno ,
 Jetta no banno , e ssona le ttrommette ,
 Ch' agnuno , che se vanta d' avè gniegno
 De fare , e dde portà co le staffette
 Na mmasciaia d' amore , e de gra mpegno
 A la Reggina Scigna , de portante
 Venga , ca le darò li paraguante .

VI.

No tanto appe furnuto de parlare
 Lo Rrè , che cchillo se lecenziaje .
 Jette a tutte li luoche , addò trovare
 Potea cchiù ccinacce , e llà ttrommettiae .
 Jie pe tutte li sghizze , e ttavernare ,
 Ca llà ssapea , ca nne trovava assaje .
 Fice ascì fora ogn' aseno , che nc' era ,
 E sse mese a strellà de sta manera :

VII.

P' ordine , volontà , e ccommannamiento
 De lo patre de musete , e ppojete ,
 De lo lequedatore de strumiento ,
 De lo specchio de ll' nommene cojete ,
 Protettore de ll' uno e ll' auto viento ,
 Distruttore de pinole , e mmofete ,
 Varvajanca Llostrissemò anemale
 Rrè de tutte li cinacce , e ccaporaje ,

VIII.

S' ordena , se fa moto , e sse commanna
 A tutte chille , che ssanno arragliare ,
 Che bbaano mo , co na capezza ncanna ,
 Nnanze a isso , ca ll' ave da parlare ;
 E cchi stesse mpeduto , che nce mamma
 Lo scagno . State attiente a non mancare :
 S' ha da manna de pressa na mmasciata
 A na Scigna , ch' è tresta ncoronata ;

IX.

Mperzò vengano tutte , luoco luoco ,
 Viecchie , giuvene , gruosse , e ppeccerille :
 Se lassa lo mmagnà , se leva juoco
 Da li ciucce d' azzò nzi a li verrille .
 Vengano primmo , che se faccia vruoco ,
 E cch' a ccantà accommenzano li grille :
 Venga chi s' addelletta de trascorrere
 Nnanze a lo Rrè , ca s' ave da concorrere .

X.

Accossì ghiea strellanno : e nche ghiettato
 Fue pe tutto lo regno sto gra bbanno ,
 Te vediste lo Munno arrebotato .
 Chi jeva sulo , e cchi se jea nzajanno
 Co no compagno , che pportava a llato :
 Cierte se nne veneano jastemmanno
 Chiano chianillo , e le decca lo core ,
 Ca sto concurzo no le faceva nore .

Chil-

XI.

Chille ; che non poteano cammenare ,
 Mannavano li figlie , o li nepute :
 Jate , figlie , facciateve portare ;
 Mo è tiempo de mostarè la vertute .
 Site figlie a no patre , ch' appassare
 Maie non s' ha ffatto da li cchiù ssapute .
 Manteniteme nfacce lo decoro ,
 Faciteme allegrà manze , che mmoro .

XII.

Oh che ttenesse mo dece anne manco ,
 O si nd , mm' ajutasse sto guarrone ;
 Ve vorria fa a bbedè comme lo sanco
 Mme sento frestecà a st' accasione .
 Che nce vuo' fa , dengraziane sto granco ,
 Che mme tene nchiovato a sto pontone .
 E ddecenno accossì , se l' abbracciava ,
 E cco lo musso te le bbavejava :

XIII.

Na ciuccia co lo figlio stea a ddescorrere :
 Figlio , tu non si mato pe la vateca ,
 Ca ggjà liegge scorrenno , e ssaie trascorrere ,
 E stodejata haie tutta la grammateca .
 Curre , puca mia d' oro , e bbà a cconcorrere ,
 Miettete tutte quante sotto nateca :
 N' arvè a ppaura manco de l' Ancroja ,
 Ca te vene a ssentire mamma toja .

XIV.

*Dnje aute viecchie steano a no pontone,
 Ch' uno era ciunco , e n' auto stroppejato,
 E ffaceano nconzierto sto catone:
 Vecchiaja cana ! Ahù ttiempo passato !
 Vi si la perdarria st' accasione,
 Decea lo primmo : va ca mo ha trovato
 Lo Rrè chi nne pò scì co cquarch' amore.
 La virtù s' è sperduta, e cco nnuie more.*

XV.

*No ne' è cchiù chi sa fare na parlata,
 Non vid' auto a lo Munno , che mposture;
 Birbe , che le farria na cauciata,
 Quanno te vonno fare li dotture:
 Non so bbuone , ch' a ffarte na cacata
 Pe ttutte ssi pontune, e a ffa remmure.
 Addò so ghiute chilli ciucce antiche,
 Che pparlavano meglio de le ppiche!*

XVI.

*T' arrecuorde , ammecone caro mio,
 Sett' anne arreto , quanno me mamaje
 A Giove lo Rrè nnuosto, pe ggolio
 De levà da nuje aute chili guaje?
 Chille fuieno trascurze , che ffic' io;
 Vasta dire , ca Giove , nche arrevaje
 Nn' appe gran gusto , e ppe ffarme faore,
 Me facette aspettà tre' ghiorne fore.*

Po

XVII.

Po trasette, e le fice no saluto,
 Che, ppe mpararlo, n' anno nc' era stato.
 Me disse: Che t' accorre? Bemmenuto.
 Io ch' era cuorvo, e stea premmedetato,
 Te lo fice restare, ascevoluto,
 Co n' arrega, che nce perdie lo sciato.
 Che bbuò? Potive scepparle li diente.
 Vasta, mme nne tornaie senza fa niente.

XVIII.

Tanno se potea dire, responnette
 Ll' auto, ch' era lo tiempo de li ciucce.
 Va te le ttrova mo. Quanto le ghiette
 Tutte sti milordielle scuccemucce.
 Nqn vid' auto, che ccacapoizoniette,
 Che se so ppuoste ncasecavallucce:
 Non fam' auto, che bbevere, e mmagnare,
 E nno nse parla cchiù de stodejare.

XIX.

Sempe, che mm' allecordero lo contrasto,
 Ch' app' io co lo Dottore cepollaro,
 (Lo saie?) non pozzo toccare sto tasto,
 Senz' avè voglia de jettarme a mmaro.
 Io voleva defenne, ca lo mmasto
 Nce facea nore, e sservea pe rreparo;
 E cchillo era ncocciato a mmantenere,
 Ca nc' era de sbreguogno, e ddespiacere.

Com-

XX.

Comme sbrèguogno ? io mo le respone .
 Tu si ddottore , e nnon saie manco sale .
 E ppo te lo pegliaie pe ccerte bbie ,
 E cco cxierte argomiente natorale ,
 Che cchillo poveriello rommanie
 Tutto no piezzo , commi a n' anemale .
 Jettemo po a lo Rrè , che ghiodecaje ,
 Ch' io non sapea che ddire , e ppassaie guaje .

XXI.

Mente ssi viecchie stevano ncanute .
 A llandà tanto li tiempe passate ,
 Erano a mmorra li ciucce venute ,
 Pe lo concurzo , da tutte le strate .
 Lo Rrè le bbidde , e ddisse : Bemmenute ,
 Sapite già , pecchè v' aggio chiammate .
 Via su , saglite ncoppa a sso montone ,
 Ch' io ve stongo a ssentì da sto pontone .

XXII.

Ma , azzò la cosa meglio aggia a rrescìre ,
 Saglite a uno a uno , p' avetare
 Ogne remmore , che nce pò sfortire .
 Fatta chesto , v' avite a sfegorare ,
 Ch' io sia Stigna , co cchi s' ha da comprine ,
 E cco cchi po avarrite da parlare .
 Parlate a ggusto , uosto , ch' io dirraggio
 Ntò , che mme pare , e bbe respomarraggio .

Sa-

XXIII.

Sagliette apprimmo chillo ciucciariello,
 Ch'era venuto nziemo co la mamma.
 Mmederlo, se nn' affese lo roticello,
 E cco no sgrigno, agnuno auzaie na gamma;
 Ma le carcaie la gnora lo cappiello:
 Che bbolite peglià lo Munno a ffamma?
 Figliemo vene ccà, pe ffarse annore:
 Chi no lo pò sentì, ch' esca llà ffore.

XXIV.

No ncignammo da mo, sia bbenedetta,
 Lo Rrè se vota, a ffare sso remmore.
 Chiano no poco. N' auzà la cascetta,
 Ca mo, a tte pprimmo, te faccio ascì fore.
 Ma, Segnò.... Mo mme frusce la cauzetta:
 Statte zitto, co tutte le bbon' ore:
 Dì, figlio mio, di chello, che t' accorre:
 Non perdimmo lo tempo, che ggìà scorre.

XXV.

Nzenti chesto lo scuro ciucciariello,
 Accommenza a tremmare co na pacca:
 Mamma, mamma. Che bbuoie, figlio mio bello?
 Nzeccate ccà. Cher' è? Voglio fa cacca:
 N'è niente, core mio. Lo zommaciello
 Te fa mmale? mo mamma te l' ammacca,
 E ccorze, pe sfaglì; ma nehe arrevaie,
 Lo scuro peccerillo se cacaje.

Fi-

XXVI.

Figlio mio, ll' hanno puosto già a ppaura
 Sti vecchiacune, co ttenirle mente;
 Ma no mporta: avarraggio la fortuna
 De sentì io puro st' asene valiente:
 Che sfaglia mo carche llamma sicura.
 Maddamma, chesio a Vscia no mporta niente,
 Sbota lo Rrè; statte no poco zitto;
 E sò ddi vote, che te ll' aggio ditto.

XXVII.

Appriesso a cchisto venne no vecchione,
 Saglie, teneva mente, e nnon parlava.
 Ched' è? Non parle? Haie visto lo Mammone?
 Sferra lo Rrè. Ma chillo cchiù ncocciava.
 Sacciammo, che bbd' di ssa mmenzione.
 A ll' utemo sparaje: Io cca' aspettava,
 Che mm' avissevo data la resposta,
 Ch' io po nce la portava, pe la posta.

XXVIII.

Comme? da me, aspettave la mmaisciata?
 Si Sfegnore, e ppe cchesto era venuto.
 Buono, ll' avimmo propio amevenata.
 Scinne, zi vecchio, ca tu ggì si ghiuto.
 La ciuccia nc' appe gusto, e na resata
 Se fice; ma lo Rrè, comme sentuto.
 N' avesse niente, se votaje a n' auto,
 Che, pe pparlà, già s' era puosto nzauto.

Se-

XXIX.

Signora mia, io songo mo arrevato.
 Bravo, disse lo Rrè, chisso mm' ha ntiso.
 Signora mia, io songo mo arrevato.
 Secoteja; ca chesso è ggjà ccompriso.
 Signora mia, io songo mo arrevato.
 Tridece co lo gallo, fufs' acciso.
 Signora mia, io songo. E bbà a mmalora:
 Pe. ccaretà, cacciatennillo fora.

XXX.

E la ciuccia: N'è nniente, s' ha spetduta
 La lezzione, che s' avea mparata.
 Mannaggia, quanno maie nce si bbenuta:
 Sfrattatela da ccà ssa mmeciata.
 Lo Rrè se nfada. Piglia na caduta,
 Pe sffuire la ciuccia sfortonata,
 Che s' appe a rrompe ll' uosso de lo cuollo,
 E ll' anti ciucce le cadieno ncuollo.

XXXI.

Che bbolite da me? No mbì, so mmuosse
 A ssa lì guappe co na poverella?
 Pozzat' essere accise. Gruosse gruosse
 Se vonno mette co na peccerella?
 No mbì quanta? La carne pe nfi all' offe
 Ve pozza fa scolà la cacarella.
 Ma chille buono buono l' ammallajeno,
 E, a ccance nculo, fore la cacciajeno.

Ca

XXXII.

Ca starrimmo cojete na stezzella,
 Disse lo Rrè; non se potea dorare.
 „ So cchiacciare : Addò sta na femmenella,
 „ Sempe remmure s' hanno da trovare.
 Via su, decite mo carch' auta chella:
 Saglia llà ncoppa chi se vo provare.
 Nne venne n' auto, miezo scioffellato,
 Cb' aveva propio na cera de scannato.

XXXIII.

A la commeschiannna vosta autissima.
 Bona, disse lo Rrè, st' accommenzaglia.
 Na chelleta ve faccio profonnissima;
 Po, azzò che lo niozio mio se quaglia,
 Na commesaddemmanna a Uscia llostrissima
 Ve cerco, che dde vecchia na retaglia
 Mme mprestate: ch' io dinto, zitto zitto,
 Nc' aggio appescià nzò, che lo Rrè mm' ha dditto.

XXXIV.

Fegliù, chi t' ha mmezate sse crejanze
 De parlà ccosì llurdo a sta presenzia?
 Scusateme, credea de no stà nmanze,
 Signore mio, a bboffa lleverenzia.
 Comme si llocco! N' baie ntiso mo nmanze,
 Ch' io mm' aggio fegorato stà nn' assenzia,
 E ffare, comm' io fosse propio chella,
 E mperzò t' aggio fatto sta vocella?

Uh

XXXV.

Uh si mme deciarria de ssa manera,
 No le resciarria janca la colata.
 Me votarria de bbotta co na cera,
 Ch' apprimmo apprimmo restarria gchiuvata:
 Che bbnoje di, bbrutta facce de Meggera?
 Scirpia porca mia, scigna cacata,
 Lava colata, senza la cammisa,
 Comme si bbrutta, puozz' essere accisa.

XXXVI.

O piezzo de cetrulo nzenmentuto,
 Lo Rrè se ngrifa: bello mmasciatore!
 Chist' è lo vero muodo d' avè ajuto.
 Simmo arrevate a cchiunzo. Ascite fore,
 Sfrattate, ca mm' avite già storduto,
 Rompiteve lo cuollo. Si Ssegnoire,
 S' ha da jì co la lengua strascenune,
 E bbo fa sto mmerdufo a ccofiejune.

XXXVII.

Mente co cbella lengua a ttaccariello
 Facea fuorfece fuorfece lo Rrè,
 Se vedette no bello ciucciariello
 Janco janco llà mmiezo comparè.
 Po s' azzeccaje, e cco no resariello,
 Disse nfacce a lo Rrè: Ccà stò ppe tte:
 Me nce mamma Selleno, c' ha saputo,
 Ca chiste ccà t' aveano nzallamuto.

Io

XXXVIII.

*Io so cchillo, che pporto le mmasciate,
 Ch'isso sole mannare a cquarche ammico:
 Damme na mmorra de li cchiù fforzate,
 Dille, che se me vengano co mmico.
 Jarraggio addò la Scigna, e nzanetate
 Nosta, te levarraggio da sso ntrico.
 Non dobbetà de niente. Damme ll'aute,
 E ttienete co ttico sti masaute.*

XXXIX.

*A sta vista, a sta chella, a sto pparlare,
 Te vediste attassà li concorrente;
 E ssenza potè manco pepetare,
 Ll'uno co ll'auto se teneva mente.
 Lo Rrè stisso si jea pe spaporare,
 Pe ll'allegrezza non potea di niente.
 A ll'utemo strellanno se jettaje
 Nnanz' a lo ciucciariello, e le parlaje.*

XL.

*Gioja mia, chi te pò ddengraziare,
 De sso favore accossì sfegnalato?
 Che ppò di Varvajanca, e cche ppò fare,
 Si mm'haie co na capezza ncatenato?
 N'è ttiempo, disse chillo, de parlare,
 Ca ggjà ll'aria, e lo Munno s'è abbrocato,
 Mo avimmo da partì. Lecenziajeno
 Ll'aute, e ssule sulille se nzerrajeno.
 Scompetura de l'Arragliata Settema.*

DE LA
CIUCCEIDE
 ARRAGLIATA
 OTTAVA.
 ARGOMENTO.

Co li compagne parte l' Aseniello,
 Pe ghi a trovà le Scigne; e bbia via
 Contanno, te le va no contariello.
 Trovano n' Uorco po, che ffa refia,
 E le msta no bello quatosciello.
 A ll' utemo le mmette pe la via,
 E, cco l' ajuto de no cierto viento,
 Le ffa portà pe ll' aria senza sfiento.

L

GIA' Febbo s' avea rotta la nocella,
 Co tutte li fresune, mmiezo mare:
 Chiagnea lo Cielo, e pp' ogni ffenestella
 Lle llocerne mettea, pe l' ajutare:
 La Terra se faceva già la vonnella
 De lo viseto ncuollo arrepezzare:
 Pe ll' uorte, e ppe le ssirve sule sule
 Lo chiagnevano ll' Asce, e li Cucule.

G

Quan

II.

Quanno disse a lo Rrè lo ciucciariello :
 Lera mano a le cchiacchiare , ch' è ttardo ;
 Damme li ciucce , e stutte ncelle vriello
 A ddarmille , ch' agnuno sia gagliardo :
 No mmoglio , chi vò stà mpappalardiello ,
 O chi vò stà a ghiettarese lo cardo ;
 Le bboglio tuoste , giuvane , e schenute ,
 Chiatte , gruosse , majateche , - e cchiantute .

• III.

Sciglie tu chi te pare da cca ffore ,
 Nce nn' è no Tierzo , e sso li cchiù bbaliente ,
 Lo Rrè le disse ; e tte ponno fa annore ,
 Ca so sfolete a ghire p' acqua , e bbiente .
 Via su , fegliule mieie , facite core ,
 Se vota l' aseniello , ca n' è nniente :
 Venite appriesso a mme , e sse n' acchiappaje
 Na trentina , ch' abbista l' annasaje .

IV.

Schiavo . Schiavo . Bonni . A rrevederece .
 Commanname . Obbreco . Trasettenne .
 No lo ffarraggio maie : Non trattenerece .
 No nte scordà la strata . Vavattenne .
 Fegliule state attiento . No mpederece .
 Covernate . Screvimmonce . E bbattenne .
 E , fattase sta gra lleconzejata ,
 Se mettettero a fa na trottejata .

Jea

V.

Jea nmanze chillo bello ciucciariello,
 E ppo vengano tutte ll' aute appriesso;
 E ccammenaieno co no trottariello,
 Che lloro stisse deceano: Ch' è cchesso?
 Pegliaieno Somma; ma a sto viaggiello
 Restaieno, pocc' agnuno morea cieffo,
 Si facea là montagna de corzera,
 E sfarriano crepate chella sera.

VI.

Disse lo Caporale: Veramente
 E' troppo fatecosa sta sagliuta;
 Jate chiano chianillo, ca n' è niente;
 Quanto arrevammo ncoppa, ca po è ghiuta.
 Ma, pe sfarve sagli cchiù allegramente,
 Ve voglio di na storia scanosciuta
 De n' Vorco, che llà ddinto stà a ccovare,
 E cco cchi nuie po avimmo da trattare.

VII.

Sacciate addonca, ch' into a sta montagna,
 Addò nuie trasarrimmo, nce stà n' Vorco.
 Chisto no scenne maie pe sta campagna,
 Ma stà ssempe llà nchiuso, comm' a ppuorco.
 E cche mmagna llà ddinto? Che nce magna?
 Magna prete, schesienzie: Comm' è spuurco!
 Magna oro, magna chiummo, magna argento.
 E lo ppò padejà? Nne fa n' agniento.

G 2.

Se

VIII.

Se chiamma lo Vesuvio , e ha na fore ,
 Ch' è ppur' Orca , e sse chiamma Zorfatarà ,
 Che stà poco descuosto , e ascieno fore
 Tutte duje a no ventre : è ccosa rara ,
 Comme so ttutte de no stisso ammore .
 Si chella stace allegra , se reschiara
 La facce de chist' auto ; ma si chisso
 Se nzorfa , chella ncigna a ffa l' aggrisso .

IX.

Si chisto mo peppeja , e cchella fiamma :
 Si chella ha fiamme , e cchisto ave l' abbramma .
 Verbe chisto ? e cchell' anta fa la mbumma ;
 Chella cammina , e cchisto auza la gamma .
 Chella stà co' na facce de Manmma ?
 E cchist' abbotta , e tte fa chiammà mamma .
 Nzomma si chella ride , e cchisto ride ;
 Si chisto chiagne , chiagnere la vide .

X.

Na cosa schitto ha chisto , che n' ha chella ;
 E pprevene , ca chisto è , ecorporente ,
 E cchella accanto a echisto è n' alecella .
 Chisto fa certe c cose cchiù ffetiente ,
 Pecchè ffole patè de cacarella ,
 E equarche bota vommecca pe nniente ;
 E quanno lo bbò fa , pe nzì a la vocca
 Saglie de sta montagnà , e tte l' abboeca .

E mper-

XI.

E mperzò, a ppadejà quanno n' arriva
 Co ppeglià lo ttabbacco, e ffommecare,
 Vommecca na montagna viva viva,
 E ffa cose de fuoco, e dda crepare:
 Ma chella, pecch' è steteca, se civa
 Co mmanco rrobba; e ppe la padejare;
 Quanno chisto va ncoppa a ddevacà,
 Chella s' ajuta co lo ppeppejà.

XII.

Mar' a nnuie poverielle, e addò nce puorte?
 Decevano li ciucce sbentorate:
 Nch' arrivarrimmo llà, sarimmo muorte:
 Già simmo jute, e mmieze padejate.
 Comme de jì, a l' acito ve fa a fforte?
 Responnea ll' auto: ma non dobbetate,
 Ippo ve stà aspettanno. Allegramente,
 Saglimmo ncoppa, ca no ve fa niente.

XIII.

Co sti trascurze, e aute contarielle,
 Che ghiettero facemmo pe la via,
 Arrevattero a ghiurno, addò le cbelle
 Vommecca ll' Vorco, quanno fa resia:
 Veddero, ca da certe ffengolelle
 Ascea no po de fummo: Mamma mia!
 Strellaieno tutte: già ll' Vorco peppeja:
 Si fa na vommecata, nce stroppeja.

XIV.

Che bbqmmecà ? Venite appriesso a mme,
 Dissò lo ciuccio ; e zuffete , se jetta
 Dint' a la vocca ; e stea da llà a bbedè,
 Quanno ll' aute zompavano . Ma , aspetta,
 Ca mo veneno ! Chisto : Tocca a te.
 Decca chill' auto : No mmoglio , a chi aspetta,
 Levà lo luoco . Eh Uscia mme perdona,
 Nol farrò mmaie : sta cosa non va' buona .

XV.

A ll' atemo , co tanta pregarie ,
 Co tanta strille , e ttanto ammenacciare ,
 Ca le ffarria scannare , le rescie
 De fa zompà lo primmo ; e , nche ghiettare
 Vedette lo compagno , se nce jìe
 Ll' auto acconcianno ; e ppo , senza aspettare
 Ll' uno a ll' auto , fat' armo ; se lassajeno
 Tutte rziemo , e dde bbotta se jettajeno .

XVI.

Fecero , comme fanno co lo gallo
 Le ggallenelle ncopp' a n' asteciello :
 Vola issò abbascio , c' ha fatto lo callo ,
 Cchiù de na vota , a ffa sso volariello ;
 Vanno llozo pe mmetterse a ss' abballo ,
 Ma le ncignà a ttremmà lo stommaciello :
 Tornano a scellejà ; ma , nche se lascia
 La primma , la paura a tutte passa :

Jet-

XVII.

Jettate tutte, jieno cammenanno:

No poco pe cchell' avia chiara seura.
 Vecceote ll' Dorco, che stea peppejanna:
 Uh mamma mia, e cche briatta figura!
 Si l' avesse scontrato Cont' Arlanno,
 Se sarria jnto sotto pe ppaura;
 E, ssi co schisto se mettesse a ffronte,
 Na gioja pararria porzi Scaronte.

XVIII.

Po votatose a lloro: E mbè, le disse,
 Vuie site chille, che mmanna Selleno?
 Gnorsi, disse lo ciuccio: a mme, e a cchisse
 Avite da portà. No po de fienò
 Magnateve, si è cchesto, ca jarrisse
 Tu puro, figlio mio, pe ssa tterreno
 Malamente dejuno: n' è bbejaggio
 Chisso, da farlo senza companaggio.

XIX.

Trasette dinto, e ascie co no sportone
 Zippo zippo de fave, d' uorgio, e bbrenna:
 Scusateme, si è ppoco, a le pperzone
 De là qualetà bosta, sta marenna:
 Potite fare na colazione,
 Ch' abbesogna, ch' io primmo mme la intenna
 Co lo Scerocco, che ll' aggio mannato
 A ppregà, che mme dia no po de sciato.

XX.

Mmedè ll' uorgio li buone compagne ,
 N' aspettaieno , che ffoffero pregate :
 Dieno dint' a la sporta a bbuonmecchiune ,
 Ca pe' la corza stevano allostate ;
 Tanto , che cchelle ccofe 'n duie voccune
 Scomparieno , che pparzero ncantate :
 Po , pechè no nc' era auto , che csardare ,
 Se mettieno llà ddinto a ppassejare .

XXI.

Oh , già che stammo ccà senza fa niente ,
 Se vota ll' Vorco , e avimmo d' aspettare
 N' ato ppoco , che bbengano li viente ,
 Ch' aggio mannato mo nante a cchiammare ;
 Ve voglio dà ciente trattenemiente ,
 Che nc' avarrite gusto sengolare .
 Venite ccà : dint' a sta grottecella
 Ve voglio fa vedè na cosa bella .

XXII.

Trasieno dintò , e nfacce a cchelle mmura
 Co no cravone steano desegnate
 Certe ccofe , co cchiù de na fegura .
 Che bella cosa ! Vuie v' addelettate ,
 Pe cchello , che mme pare , de pettura ?
 Disse no ciuccio . Mme spasso li frate ,
 Respose ll' Vorco , co no tezzonciello ,
 Da quanno nquanno , a ffa no quatosciello .

Car-

XXIII.

Carche bbota me vene qua fforore,
 Comme ll' ha Febbo, e ccacata perzona:
 Quanno me vene, sento no remmore
 Dinto a lo cellevriello, che mme stona,
 E bbedo cose, c' hanno d' ascì fore
 Megliura d' anne appriesso. A ll' ora bona,
 Site Astroleco puro? Uh, pe sta via,
 Donco quinnece, e ffallo a cchi se sia.

XXIV.

Nche mm' acquieto, piglio no cravone,
 E le bbao pettanno pe sse mmure.
 Chessa è na bella sodesfazione!
 Se vota n' auto. Che sso ste ffegure,
 Che stanno desegnate a sto pontone?
 No le. ccansco. N' accorre, che ghiure,
 Lebbreca ll' Vorco: ca dapò mill' anne
 Hanno da comparè sti Varvayanne.

XXV.

Chessa è na storia, ch' è dde groleia vosta;
 E, ppe cchesto, ccà. mmo v' aggio portate,
 Azzò vedite, quanto co la gnošta
 Cierre ve anauzaranno. Ora sacciate,
 C' ha da venì no tiempo, che s' accosta
 Propio, quanno le Pparche hanno felate
 Gliommara settecento, e bbintequatto
 Ncopp' a le mmille, pe. no cunto fatto.
 A cchis-

XXVI.

A cchisso tiempo venarrà golio
 A nò vierchio de jì a na montagnella.
 Chist' è lo vierchio, che ve dico io:
 Chest' è mmontagna, e sse chiamma Arenella.
 Chisto mme pare, a lo jodicio mio,
 C' ha perduta na meza chiancarella;
 E, ppe se le ffa mette tutte nove,
 E bbenuto a ste sserve, che cca ttruo ve.

XXVII.

Acchia naso! decette uno de chille
 E cche bella vocchella, che se trova,
 E' maso, ma che maso? Si destille
 Tutte li nase, no mme puoie fa prova:
 Naso, addò so ccolate a mmille a mmille
 Li penziere, e bbertè nce fa la corva:
 Naso saputo, naso, ch' è allongato
 Pe li tanta niozie, c' ha addorato.

XXVIII.

Chesta è na cosa, che no la credite;
 Ma, si vedite na cocozza longa,
 Senz' auta chella mme la credarrite.
 Quanno chesta è già schiusa, azzò s' allonga,
 No vaso d' acqua sotto nce vedite;
 E cchesta, co cbell' acqua se sdellonga
 De manera, che ssempe cresciàrria,
 Si ll' acqua sotto maie non mancarria.

Chi-

XXIX.

Chisto è lo capotroppa de ssa ggente,
 Che bbedite pe tutte ssi pontune.
 E cche ffanno ccà cchisse aonitamente?
 Stanno a llaudà a bbuje ante, anemalune.
 Se so ttutte scopierre pe ppariente
 De li ciucce, e ppe cchesto a bbuonmecchiune
 Se so mpeguate a llaudare sta razza,
 E ffanno cose, che nce vo la mazza.

XXX.

Chisso, che stàde co la vorca aperta,
 Chi è, e cche ssa? Chist' è lo secretario,
 E ccanta, che te fa morì a l' allerta,
 Co na voce de passaro canario:
 E' ttutto buono, e bello; ma na certa
 Cosa, che ssole arvè a lo tafanario,
 Lo fa stà co na faccè, a bbota a bbota,
 Che no stà bbona, mà pare devota.

XXXI.

E echisso ccà, che le stà cchiù bbecino;
 E ppare, che ccontrastano nfra llora?
 Chisso è sfiglio a lo viecchio, e ppe destino
 Se nc' è ttrovato, ca è no figlio d' orq:
 E' no saputo nfunno, e lo scarpino
 Se sa cauzà co ttutte s' ante ncoro:
 E' ammico de l' ammice, e ncrosejone
 Non te lo truove echin a n' accasejone.

Sa.

XXXII.

Sapute, comm' a isso, e niente manco,
 So vchist' aute, che stammo da sta via;
 E tutte so de chille, che lo ghianco
 Te fanno parè nigro, arrasso sia.
 Chisso, che stà cchiù nnanze, è lo cchiù ffranco,
 Che ppozza maie vanta la Povesia;
 Ma si accommenza a ddì, no la fornescce,
 Si pe ddoje ora no nte nzallanesce.

XXXIII.

St' auto, che le stà appriesso, e a la fegura
 Pare propio la morte de Sorriento,
 Ave lo sfisso male; e ssi a la scura
 Non se vede restà, non trova abbiento:
 Na cosa schitto nc' è, ca chillo dura,
 Pecch' ha che ddì, ma corre, comm' a bbiento;
 Chisto non dice troppo, ma ha n' affanno,
 Che, pe ddì na parola, nce vo n' anno.

XXXIV.

Venite ccà. Uh, comm' è bbello chisso!
 Spara no ciuccio, che stea a no pontone:
 Le ccude hà porzi ncapo lo scurisso.
 Non vide nè? Che d' è ssa mmenzione?
 Oh, chisto mo se pò chiammà l' aggrisso,
 Se vota ll' Vorco; è na tentazione:
 Che bboglio di? No nne truove lo paro,
 Si revuote porzi lo Lavanaro.

Chis-

XXXV.

Chiss' è no ciuccio : ma che ddico ciuccio ?
 So trenta ciucce dinto a no pasticcio .
 Farrà parlare Ciccio , e Ghiatanuccio ,
 Pe ffa la bbaja a Ghiatanuccio , e a Ciccio .
 Nfra tutte ll' aute pare lo galluccio ,
 E stà sempe allommato co lo miccio
 Ncoppa a la serpentina , pe ddà gusto :
 Cerca che bbuò , ca ll' asce int' a sso fusto .

XXXVI.

Si dice , canta ; t' apre na vocchella ,
 Che ppare propio propio lo vasillo ,
 Addò le Ggrazie fanno la cacchella .
 Si lo faie mprovesà ; te scata chillo ,
 Che stà a Ggalluccio co la chitarrella .
 Si dice , tè sto libro , sprecamillo ;
 Te le fa dire cose , che n'zonnato
 Maie chillo no nse l' ha , che ll' ha stampato .

XXXVII.

Si vuoie na' predetozza , te la jetta .
 Parla Carveno , comm' a no porciello .
 Magna , comm' a no Conte , e n' arrecetta
 No gallodinnio co no sfarzetiello :
 Ma te fa scompeschià si po se metta ,
 Co ttanta ngiegne , a ddi no contariello ;
 E tte fa restà ll' uommene ncantate ,
 Ca tutte quante resceno a ccacate ,

Pe

XXXVIII.

Pe cchesto ll' hanno posta ssa corona
 De cude, e dde grammegna ntorcegliata,
 Co na campana ncanna, che te ntrona
 Tutte ste ssirue, e na cegna attaccata;
 Po, co sti guarnemiente, bella, e bbona
 Te pararrà na bbestia ncoronata;
 E tutte ll' aute le farranno annore,
 Da lo cchiù bbascio pe nzì a lo Prejore.

XXXIX.

Vedite chisto ccà, che le stà appriesso,
 E ppareno cardasce, e ccammarata:
 Chiss' auto farrà ttanto no procieffo
 De na storia, che isso s' ha accacciata.
 Mo pare, che la leggà; e sfarrà cchesso:
 LA REGGIA DE LI CIUCCE CONZARVATA.
 De chisto mo, no nne pozzo di niente,
 Ll' ammo cchiù, che ssi fossèmo pariente:

XL.

E cchiste ccà, che stanno accossi m' auto:
 Pe cchiste mo, n' è llengua chesta mia,
 Che le ppozza landà; trovate n' auto,
 Che sfaccia di: ma chi nce resciarria?
 So ccierte, c' hanno fatto no gran ssanto
 Ncopp' a tutto, nzì ncoppa a la bbofcia;
 E stanno sulo ccà, pe ssa faore
 A ssi povere ciucce affritte core.

XLI.

No mbi sta mmorra ccà? Comme so bbelle!
 Chi so cchiste, previta de Messere?
 Ccà fice ll' Vorco ll' nocchie a ppesciarielle,
 E, sfiglie, disse, nn' aggio despiacere.
 Chisse songo cieri' asene morielle,
 Che non se potaranno trattenere
 Troppo co ll' aute, e ppriesto scapparanno,
 E le pprete porzi nne chiagnaranno:

XLII.

So cciucce puro addotte. Ma lo viento
 Già se ne vene. N' è ttiempo cchiù cchisso
 De perderlo co sso trattenemiento.
 Eccolo llà. Già sponta. Ll' aggio visto.
 Via su, fegliule mieie, stateve attiento:
 D' armo, e dde core agnuno stia provisto:
 Mo mmo volanno ve faccio arrevare
 Addò le Scigne, che ghiate a trovare.

XLIII.

Ndi chesto, se vedette no cascone
 Venì pe ll' aria pe ddinto a la grotta:
 Quatt' aute viente, comm' a no pallone,
 Lo portavano pesole, e dda sotto:
 Uno da ccà le dea no scoppolone,
 N' auto da llà le schiaffava na bbotta,
 Pe mmantenerlo sempe paro paro,
 E non farle trovà carche rreparo.

Ma,

XLIV.

Ma, nche bbeddero ll' Vorco, lo lassajeno
 Chiano chianillo calare nzì a ntterra,
 E, lassatolo llà, se la scocciajeno.
 Ccà ddinto è lo Scerocco; e, azzò no sferra,
 Nchiuso chill' aute vienta lo portajeno,
 Disse ll' Vorco: jarrite terra terra,
 Non dobbetate: mettiteve a ffila,
 Ch' avite da passà pe la trafila.

XLV.

Po pegliaie certe ppezze, e l' ammarraje
 Ll' uocchie, azzò che n' avessero a ppaura,
 Ch' aveano da volare; e le pportaje
 Dint' a na grottecella stretta, e scura,
 Le mmese a ffila, e ppo accossì strellaje:
 Armo, fegliule su, ta poco dura
 Sto bbolà, che ffarrite. E, nmitto nfatto,
 Se mmoccaie sto cascione accossì ffatto.

XLVI.

Nche ll' appe mmocca, le deze doie strente,
 Comme la gatta fa a no forecillo;
 E, nzerrate le mmole co li diente,
 Se l' aggliottie: po aprie chiano chianillo
 La vocca, e l' abbottaje; e rrente rente
 A cchille ciucce stregnie lo mussillo:
 Cacciaie lo viento, che te le bbottaje,
 E ssecato secato le pportaje.
 Scompetura de l' Arragliata Ottava.

DE LA
CIUCCEIDE
 ARRAGLIATA
 NONA.
 ARGOMENTO.

Arrevate li ciucce, no remmore
 Fanno le Scigne, pe bbedè, ched'era;
 Ma la Reggina, che ll'appe nzentore,
 Le rrecevette co na bona cera.
 Trafeno a la Cetate, e ddinto, e fflore
 Vedenno merabilia chella sera.
 Po se vanno a ccorcà, ca la Reggina
 Le bbo ammette a l'aodienza la matina.

I.

MENTE li ciucce, comm' a na fronnella
 Jeano pesole pesole portate
 Da lo Scerocco pe la grottecella;
 Selleno, pe le fa trovà agghiustate
 Tutte le cose co la Reggenella,
 Primma che lloso fossero arrevate,
 Ellà, matino matino, se nne jette,
 La trovae sola sola, e le decette:

H

Chiar-

II.

Chiarchiolla mia (ch' accossi se chiamava
 Chella, ch' era la capo de lo Regno,
 E le ffeffe llà ttanno commannava.)
 Chiarchiolla mia, aggio no gruosso mpegno;
 Mm' haie d' ajutare, si vuo' bbene a bbarva;
 Aggio mprommisso de fa fà no ngiegno
 A ll' asenielle mieie, che mme so ccare,
 Quant' a cchist' uocchie, e ttu mme puoie sarvare.

III.

Selleno mio, le respose la Scigna,
 Io, comme saje, stò ffaglio de faglio;
 Ma, pe sservirte, che bbuo' che me mpigna?
 Eccome ccà, spienneme nzo, cche bbaglio:
 Pe te servi, mme venno mo na vigna:
 Vuo' abburlà? me sbaratto nzi a lo maglio.
 Dì, gioja mia, commanname a bbacchetta:
 Non dico nò, si mbè vuo', che t' ametta.

IV.

Fata mia bella, io sempe ll' aggio ditto,
 Ca jere la Reggina de le ffemmene:
 Mme vuo' sconfonne? Parla zitto zitto,
 Simmo nfra nuie, leva mo ssi tremmene.
 Io t' aggio dà sevrirte; e cchesto schitto?
 Chiammame quanno ccà fanno le ffemmene,
 Ca, nquatto botte te caccio no muojo:
 Vao puro pe llotamma a lo precuojo.

Ma,

V.

Ma, pe pparlarte propio nconfedenza,
 Aggio abbesuogno de no centenaro,
 E ffuorze cchiù de Scigne. E cche schesienza
 Mme vaie decenno? Nne vuo' no megliaro?
 De Scigne venì pozza la scajenza.
 Vide pe lloco, tè! nce nn' è no maro.
 Pegliatenne porzì no melejone,
 Ca mme lieve na gran soggezzione.

VI.

Oh che ffa benedetta! ffo pparlare
 Schitto mme sazia. Va cerca mpiaccere
 A ccarch' un' auto, porzì lo ccacare;
 Ca te lo nrega, e tte lo ffa a bbedere.
 Va, figlia bella, che ppozz' aomare,
 E ffo regno se pozza mantenere
 Pe nzì a la scolatura de lo Munno,
 E fsi pirchie, che ppozzan' i a zeffunno.

VII.

Ma siente: s' ha da fare no Castiello,
 E ccier' aute arresidie pe la Terra.
 De lo Rrè de li cince; e ppe st' appiello
 M' abbesognano chelle, che la terra
 Sanno cernere, e ppo co lo zappiello
 Fanno la cauce. E lo guaie, che t' afferra:
 Che non te piglie nzì a le llatrenare?
 Spacca, e ppefa, e ffa chello, che te pare.

VIII.

Quanno vuoie, che le mmano? Nò, pe ogge
 Veneno ccà li ciucce, e sse le ppigliano.
 Sà, c' haie da fa? Besogna, che l' alluogge
 Na sera, o d'ie, pe n'zì cche rrepigliano
 No po de sciato pe sfure a sse llogge:
 Ca li scure, pe ccorre, s' affottigliano,
 Comm' a no spao; e ppo puoie carrecarele
 Ncoppa a lloro medefeme, e mmanmarele.

IX.

N' accorr' auto. Vattenne alteramente,
 Vavone bello, ch' è ppenziero mio
 De farele restà tutte contiente.
 Figlia, tu mm' haie levato sto golio;
 Ed io non te sarraggio scanosciente:
 Cercame n'zò cche bbuvie, ca ccà stongh' io.
 Io no mmoglio auto, che mme state buono.
 Schiaro. Puezze stà sempe comm' a ttruono.

X

Partutose lo vicchio, fa chiammare
 Chiarchiolla le bbajasse, e ffa allestire
 Na quantetà de fieno. Po annettare
 Fa no gran cammarone, che sserve
 Pe ccellaro potea; nce fa jettare
 Trenta rite de paglia, pe ddormire:
 Essa propio jea attuorno, e stea a bbedere,
 Sempe decenno: Avimmo forastiere.

Già

XI.

Già lo Sole, correnno, era arrevato
 A la taverna de miezocammino;
 E pparea, che se fosse llà ffremmato;
 P' arrefrescarse, e ppe pprovà lo vino:
 Ll' ombra, che mmo da nante, e mmo de lato
 Va sempe a ll' ommo vecino vecino,
 Pe non sentì lo caudo, era sparuta,
 E ffott' a isso s' era annasconnuta:

XII.

Quanno li ciucce ascièno da la grotta,
 Pe ddo aveano volato, stretta stretta;
 E, nch' ascièno, facettero na bbotta,
 Comme quanno se spara na scoppetta:
 La palla, che stà dintò, quanno sbotta,
 Fa no fracasso, e bbà pe la staffetta,
 Pecchè primmo d' ascire a ffa sto vuolo,
 Era corza pe ddint' a lo cammolo.

XIII.

Ascièno a na campagna rafa rafa,
 Ma lloro no la veddero: ca nchiuse
 Teneano ll' uocchie, che ne' era rommasa
 La pezza ancora. Ma, nche ffuieno schiuse,
 Da na frotta de scigne, che stea spasa
 Pe llà mmiezo, restaieno cchiù cconfuse:
 Pocca sentieno fa no gran remmore:
 Chi so cchiste, che sso sciute ccà ffore?

XIV.

Sore mia , e cche ppezze de mammine ?
 Chiammammo aggente , pe bbedè ch' è cchesso ?
 Venite ccà : portate li cammine :
 Corrite : non sapimmo ch' è sfocciesso :
 Priesto priesto , civate li focune ,
 Ca già vonno scappà : jammole appriesso :
 Portate spate , scoppette , rotelle ,
 Spontune , zappe , pertecche , e cortelle .

XV.

Tanto fuiè sso fracasso , e sso remmore ,
 Ch' arrevatte pe nzi ddinto a la Terra :
 Ccà cchiù cresciè , tanto che ghie nzentore
 A la Reggina ; e nzentì ch' a la sferra
 Deano tutte de mano , p' ascì fore ,
 Zompa essa ncoppa , trase dinto , afferra
 No bastonciello , ch' era d' oro sanzo ,
 E ppo se jetta abbascio co no sbauzo .

XVI.

Non correno , ma volano , e , scorrenno ,
 Esceno fora pe cchelle ccampagne :
 Vanno pe ccà , e ppe llà , sempe vattenno ,
 Pe trovà ssi mammine , le ccarcagne .
 Arrivano addò stevano ; e , bbedenno ,
 Le ccansciè Chiarchiolla : Eilà , ccampagne ,
 Eilà , non sia nesciuna , che le ttocca ,
 Ca le faccio ascì ll' arma mo ccà mmocca .

Com.

XVII.

Comme, mmedè li cane, ch' abbajanno
 Correno ncuollo a uno dint' a ll' uorto,
 Vola lo parzonaro, e bba sbroffanno;
 Si. nc' ascia lo compare miezo muorto:
 Passe cca? passe llà? le bba scostanno,
 E ppo se scusa, ch' avea visto stuorto;
 Accossì, pe sstarvarle da sti guaje,
 Facette la Reggina, e ssecotaje:

XVIII.

Scioglite chelle ppezze, c' hanno nfronte:
 Accossì bboglio. Nzenì: Accossì bboglio,
 Jettaieno ll' arme, e cco le mmano agghionte
 Steamo tutte a bbedè, ch' era sto mbruoglio.
 Certe po fanno a ppunia a cchi le sponte
 Ll' uocchie; ma chille aveano fatto ll' uoglio,
 Tanto ch' a mmala ppena se rejevano,
 E ggìà ghiacovo jacovo facevano.

XIX.

Ma, nehe de ppezze le fuieno sciogliute,
 Nche rrapettero ll' uocchie, e le bbedettero,
 Cadieno nterra tutte addebbolute:
 Acqua, acqua. Pegliat' acqua: Acqua. Correttero
 Llà bbetinò a no fuosso; e ppo venute,
 Da la capo a la coda le nfonnettero:
 A ll' ante sì, ma nò a lo rincciariello,
 Che non fice anto, che nò refariello.

XX.

Revenute, Chiarchiolla le facette
Na manejata de ciceremuolle:
Po, pe non darle nfado se nne jette.
Restaieno ll' aote, e cchi co le mmanzolle
Le fa no carezzjello, chi le mette
Na pollecara ncanna, chi a li cuolle
S' appenne, e le bbaveja; e cchi se nzecca,
Pe llevarle da reto carche zecca.

XXI.

Ma tutte quante stevano sfordute
A bbedè chelle ccude, che pportavano,
Tanto che te l' aveano nzallanute:
Le ttocavano, e ppo le rretocavano,
E nno ntanto ll' avevano scompute
De toccà, che dda capo accommenzavano;
Ch' uno, ch' era geluso no morzillo,
Stie mpizzo d' azzeccarle no caucillo.

XXII.

Po ll' una a ll' auta jevase mmeranno,
E non se vedea coda da dereto;
Pe cchesto, cammenanno cammenanno,
Pe non se fa a bbedere maie da reto,
Nnanze a llo ro se jeano quartejanno,
E cquase sempe co no passo arreto:
Gran vetoperio, mmiezo a tanta cude,
De comparere accossi nude, e ccruide!

XXIII.

Co ssi carizze, e cco ssi frusciamiente
 Arrevattero dinto a la Cetate.
 Oh che ccosa de spanto! Traspariente
 Pareano de cretallo nzì a le strate;
 Le ccase, e li palazze stralucicate
 Pareano tutte d' oro ntonacate:
 Ma va nce trase? Tutt' era llà ffinto,
 Enno nc' er' auto, che no muro tinto.

XXIV.

Fente erano le llogge, e li bbarcune;
 Fente le bbetreiate, e le pportelle;
 Finte li titte, co li torriune;
 Finte li potecuozze, e le ccastelle;
 Li sopigne, li trave, li portuie,
 Li mierole, le ttenne, le ccancelle:
 Tutto quanto era finto; e, mmeretate,
 Pareva na scigna de na gran Cetate.

XXV.

Chesto no lo ffaceano, pecchè llo
 Fa non poteano ssa manefattura;
 Pocc' atveano, pe ffare sso lavoro,
 Le mmano, comm' agn' auta criatura:
 Ma sulo, pe no genio, e n' antecoro,
 C' hanno tutte le scigne pe nnatura,
 De ire sempe appriesso a l' apparenzia,
 E non fa cose maie de sossistenza.

Sulo

XXVI.

Sulo na casa n'era, ed era chella,
 Addò steva abbetanno la Reggina:
 Chesta teneva na gradejatella,
 Co na sala, na cammara, e ccocina:
 Abbascio n'era quarche ccammarella,
 Co ccerte llogge, e ssotta na cantina,
 Ch'era chella, ch'aveano apparecchiata
 Pe li ciucce, e stea tutta affommeata.

XXVII.

Llà ddinto le trasettero, addò steva
 Apparecchiata rrobba da magnare:
 Le dissero, si n'era chi voleva
 Smorzà no poco, llà se potea stare;
 E ssi carchedun' anto se senteva
 Stracquo, llà ppuro se potea corcare;
 Ca n'era paglia, pe mmagnà, e ddormire,
 E lloro erano llà, pe le sservire.

XXVIII.

Che sservi? Jatevenne, ca nuie stammo
 Meglio ccà, nfra de nuie, sule sulille,
 Jatevenne; ca mo n'arrecettammo,
 Ca pe ddirela; stammo stratquolille.
 Comme volite, nuie mo nce ne jammo.
 Ve restammo obbretate, a mmillè a mmille.
 E, rrestate llà ssule, se magnajeno
 Meza la paglia, e ppo se nce coreajeno.
 Men-

XXIX.

Mente steano dormenno, la Reggina
 Chiamma tutte le Scigne, e le cconziglia:
 Figlie, chillo a sto Munno l' annevina,
 Che ffa le ccofe senza parapiglia;
 E cchi vace cchiù adaso, cchiù ccamina;
 Mperzò se sole dice, cà la figlia
 Fa cecata la gatta pe la pressa,
 E ppo nc' hà da stentare la mastressa.

XXX.

Pe cchesto mo, no mmoglio dare audienza
 A cchisse forastiere chesta sera,
 Dimano sì. Pe, ttanto s' accommenza
 Agnuna de vuje ante de manera
 A bbestì, che nce sia na comparenza
 Co na gala de spansio, ch' aggia cera
 De chella, ch' anne arreto se facette,
 Che te fice restà chi la vedette.

XXXI.

Ntratanto ffa conziglie se facevano,
 Li ciucciarielle se jieno scetanno:
 Le mtefero le Scigne, che le stevano
 Servenno; e ppe llà ffore passejanno,
 Trastieno dinto; e, mmmente se soserano,
 Diss' una: Volimmi' ire cammenanno?
 Si volite vedè la Gallaria,
 Saglimmo neoppa, e ve faccio la via.

XXXII.

Saglieno ncoppa, e umiezo a lo cortiglio
 Trovaïeno quatto, o cinco cammarelle:
 Trajeno. C'ha che ffare lo Cerriglio
 Co ttutte li vrasiere, e le tielle?
 Agnuna te pareva cchiù de no miglio,
 Co ttanta lontananze, e lloggetelle;
 Ma n' erano lo vero; erano pente
 A pprospettiva, e ppuro erano fente.

XXXIII.

La primma era de statole de stucco,
 A ccalore de marmora lucente:
 Nfacce nce stea no viecchiò, che lo mucco
 Le scennea da lo naso nzì a li diente;
 E mmano se tenea no stozavucco,
 Creo, pe s' annettare; e straluciente
 Aveva ll' uocchie, co na lacremella,
 E tteneva na facce affrettolella.

XXXIV.

Chisto fegnea cieri' uommene mmarditte,
 Che dde tutte li vizie so mpastate;
 Ma co ffa facce, e cco cchiss' uocchie affritte,
 Fanno la scigna a ll' uommene porate:
 Deceano, ch' era Senneca; e ppo scritte
 Nc' erano certe llettere mmaurate:
 „ N' abbesogna maie credere a le bbuce,
 „ Ca n' è ttutt' oro nò chello, che lluce.

Ap-

XXXV.

Appriessò a cchisto nc' era na fegura
 D' uno , che pparea n' Ercole vestuto ,
 Ch' a pprimma vista te mettea a ppaura:
 Tenea na capo de puorco zannuto
 Ncoppa a la capo soia , co n' armatura
 Mmano , ch' era no spruoccolo appuntuto,
 E mponta nc' era na sagglioccolella
 Tutta chiena de punte de centrella.

XXXVI.

Era Alisantro , che ppe la prejezza
 Era juto mpazzia lo poveriello :
 Facea la scigna a cchillo pe ggrannezza,
 E sse chiammarva ll' Ercole noviello.
 Sott' a cchist' auto , chino de monnezza
 Se leggea , co ggra stiento , sto cartiello:
 „ Pe ste mmalenconie nce vo chill' uorgio,
 „ Che sta a la Speziaria de Masto Giorgio.

XXXVII.

De sse Statoe nce nn' era na provista
 Dint' a sta cammarella , che le ghiettero
 Vedenno a una a una ; e ppo , che bbista
 Ll' appero tutta quanta , se nn' ascettero .
 Asciute da llà ddinto , a ffa na vista
 A la seconna cammara trasfertero .
 Chesta era tutta chiena de scanzie ,
 Chi co pportelle , e cchi co gelosie .

Na

XXXVIII.

Nn' aprieno una , che sterva a mmano manca ,
 E nce veddero tanta carrafelle ,
 Tutte chiene de n' acqua janca janca :
 A n' ato pizzo po cert' arvarelle
 Co ccerto rrusso dinto ; e ppo na vranca
 De certe , che pparevano moschelle :
 Disse no ciuccio : Che ssongo ste cose ?
 Una , Pe ffa la Scigna , le respose .

XXXIX.

So ttutte bobbe , e sserveno pe ccerte ,
 Che tteneno le sfacce nere , e bbrutte ,
 Vierde , comm' aglio , e ppareno lacerte :
 Cheste , pe pparè belle , se so strutte
 A steregà la facce , e li lacierte
 Co st' acqua janca ; e sse so ttente tutte
 Le mmasche , nzì a le llabbra co sto rrusso ,
 E pportano sse mmosche nzì a lo musso .

XL.

Dinto a n' auta nce steano li modielle
 De li mantò , de scuffie , e ssacristane :
 E cchiste , disse , serveno pe cchelle ,
 Che bbonno fa la scigna a le ccampane ,
 E , cco ste ccude , nzì a li ciucciarielle :
 Ma chesto è ppoco : pe nzì a li tiane
 La vonno fare , e bbanno peste peste
 Portanna ncapo coperchiole , e ttieste .

XLI.

Popate a mmucchio, co li Pellegrine,
Co li Cappucce, e eco li Prigioniere:
Certe co l' Antriè, e li Perocchine,
Che ppareano ceriffe de galere:
Chi co li Schiarvottielle, e Palladine,
Co le mmanizze de tutte manere.
Smorfie, che se veden' accacciare
Pe ffa la scigna, e ghiettà li denare.

XLII.

De cheste, e aote ccofe, che sservavano
Pe le sfemmene; mille nne vedettero;
E mmente tutte quante le bbedevano,
Cchiù de na resatella se facettero;
E ppo a la terza cammara, addò stevano
Le ppetture, e li quatre se nne jettero,
Che m' era chiena, e aveano le ccornice
Fatte, commi oro, ma co la vernice.

XLIII.

Apprimmo apprimmo nc' era no quatrone,
Che nce steva la storia de chill' auto,
Che bboze fa la scigna, e mparagone
D' Apollo, se mettie a ssonà lo franto;
Ma male le rescie la mmenzione:
Pocca chillo, che m' era lo masauto,
Passaielo a ppiede chiuppe co no trillo,
E ppo lo scortecae, commi a ggattillo.

Se

XLIV.

Se vedeva Marzullo poveriello ,
 (Ch' accossì se chiammaie sto sonatore) .
 Attaccato depietto a n' arvosciello ;
 E Febbo ncuollo , comm' a tradetore ,
 Levanno te le jea co lo cortiello ,
 Sott' a la pella , chillo mal' ammore :
 Issò tenea na facce , che ppareva ,
 Che non potea fa caccia , e sse spremmeva .

XLV.

Accanto a issò stevano chiagnenno :
 De Satore , e dde Sninsie na marmaglia :
 Steano tutte sorriessete vedenno
 Chillo cortiello co cche arraggia taglia ;
 E ssotta , comme jevano scorrenno
 Le llagreme de chella gran canaglia ,
 Nascea no sciummo , ehe pe cchilli gkaje ,
 Marzia da Marzullo se chiammaje .

XLVI.

A n' auto quatro nc' era lo retratto
 De Sarmoneo , che ttutte arvea squagliato
 Le cconcole de Grecia , e m' arvea fatto
 No ponte , pe ddo issò strascenato
 A rrompecuollo int' a no tir' a quatto ,
 Facea la scigna a Giove lo scianrato ;
 E tco sso cciampejà , co ccerte bampe
 Se jea spassanno a mmenà truone , e llampe .
 Lo

XLVII.

Lo bbedea Giove, e le decca: Che ffaje?
 Vi che ffreoma! t' aspetto quanto pozzo.
 A ca mo, a ca po, ca oie, ca craje,
 Ca pescaie, ca pescrigno, ca pescrnozzo
 Mette jodizio. A ll' ntemo sferraje,
 Vedenno, ca nc' avea fatto lo cuozzo;
 E cco na botta de frùolo pazzo
 Peglià le fice chillo gra mmallazzo.

XLVIII.

Mente tutta la mmorra stea ncantata
 A bbedè chesto, no ciuccio, che steva
 Poco descuosto, auza no strillo: Uh tata,
 Tata mio, tata mio, che nne voleva
 Fa de venì a bbedere sta frettata?
 Uh quanto facea meglio, e mme nn' asceva.
 Corzèro tutte quante a lo strellare:
 Ched' è sso chianto? Ch' è sso ppeccejare?

XLIX.

E cche bbo esse? Ecco ccà tata mio
 Chisso, che stà a sso quatto, chiss' è isso.
 Gioja, da dò te venne sto golio?
 Che nne volive fare? Uh, tè, marisso,
 Che le fanno! Ched' è? Uh, lo ssacc' io,
 Ch' era segliulo, quanno fuie ss' aggrisso.
 Ndì chesto, ll' auti ciucce se mettettero
 A cchiagne, ca porzì lo canoscettero.

I

Era

L.

Era chessa la storia de lo ciuccio ,
 Che bboze fa la scigna na jornata
 A lo lione ; e , ppe ffa lo galluccio ,
 Non sfaccio comme , s' aveva abboscata
 Na pella de lione , e no cappuccio
 Se nn' avea fatto ; e ppo jea pe la strata
 Nnanze a li lupe co na posetura ,
 Credennose de metterle a ppaura .

LI.

Chille apprimmo, vedennolo, scappajeno ;
 Credennolo da vero no lione :
 Ma nche a la voce po se nn' addonajeno ,
 Ch' era no ciuccio , e ech' era finzione ,
 Se le ncanaieno ncuollo , lo sbranajeno ,
 E nne fecero justo no voccone :
 Le levaieno accossi la vezzarria ,
 Ca no nce nne restaie manco na cria .

LII.

Mmedè chësto , restaieno de manera
 Destorbate li ciucce , che n' avevano
 Chiù bboglia de vedè ll' auto , che nc'era .
 L' allummaiëno le scigne , ca nce stëvano
 De mala chella , ota ca po era sera ,
 E ll' ombre da li munte già ccadevano :
 Potite rcterarve a la cantina ,
 Dissero , a rrevederçe crammatina ,
 Scompetura de l' Arragliata Nona .

DE LA
CIUCCEIDE
 ARRAGLIATA
 DECEMA.
 ARGOMENTO.

A ghiuorno hanno li ciucce la chiammata,
 Ca la Reggina le bbolea sentire:
 La trovano, che steva apparecchiata
 De na manera, ch' era da sfordire.
 Lo Ciucciariello le fa l' ammasciata;
 E dapò li remmure, che a sfortire
 Ne' appero pe li ciucce, che nce jettero,
 Contiente da l' aodienza se nn' ascettero.

I.

S. E nn' era Masto Febbo già ttornato
 Da l' Antripete, e lluoche commecine,
 Che ll' avea lo carruocciolo affittato,
 Pe ffa la Festa de li Battagline.
 Le zoccole, ch' aveano pazziato
 Mmiez a la chiazza, abbascio a le ccantine
 S' erano ncaforchiate; e dda pe tutto
 S' era già lo zoffritto miezo strutto.

II.

Quanno li ciucce, ch' erano scetate,
 Sentieno ncoppa fa no gra rremmore,
 Po lo sentieno pe' le ggradejate,
 E all' utemo na Scigna, che dda fore
 Le decea: site tutte apparecchiate,
 Ca già è bbenuto ccà lo Mmasciatore?
 Simmo leste, resposero, trasite,
 Stammo tutte a l' allerta, che bolite?

III.

E bbeccote trasì na manejata
 De scignuotte vestute da Volante,
 Ch' a no Scignone faceano la strata,
 Che te pareva nò Caaliero arrante.
 Largo. Facite largo. Da l' antrata,
 Segnure mieie. Levateve da nante.
 Reterateve tutte a no pontone,
 Si nò, non se pò fa la fonzione.

IV.

Scompute sti fracasse, trasie dinto
 Lo Scignone vestuto a la besbeteca,
 Bello, che te pareva no cuccopinto;
 Ma pareva, che ppatea no po d' arteteca:
 Parev' uno, c' ha bbinto, e cche n' ha bbinto,
 E bba parlanno sulo, e ssempe leteca
 Nfra isso, e isso; e bba quasse mpazzia,
 Che ffa crepà le ggente pe la via.

Jet.

V.

Jettato ncuollo avea no cappottiello,
 Ch' era na straccia de setiglia sfatta:
 Ncapo tenea carcato no cappiello,
 Ch' era na cosa longa, tonna, e cchiatta;
 A ll' uso propio de no cantariello:
 Da ll' una, e ll' aota banna nce stea fatta
 Na scelletella, ch' aveano sceppata
 Da na povera Cola sfortunata.

VI.

E n' ato paro, puro comm' a rebelle,
 Nn' avea a li piede: mmano, nzanetate,
 Tenea na mazzarella de nocelle,
 Co ddoie scorze de sierpe ntorcegliate.
 Deceano, ch' era chillo, che le zelle
 Sape de Giove, e pporta le mmasciate,
 Chillo, ch' addò nc' è bbuglia, o cosa peo,
 Fa strunzo mmiezo co lo Cadoceo.

VII.

Arrevato che ffuie, se mette schianta,
 Rape la vocca, e ghietta ste baviglie:
 O de ll' anta, asenesca, orreda schianta
 Belle, anemuse, allevrecate sguiglie!
 Schianta, che ppe ssi sguiglie ogge se vanta,
 Sguiglie de ssa gra schianta ammate figlie:
 Schianta, e sguiglie, che ssimmele a lo Mumo
 Sguiglie, e schianta no ll' asce, e bbota a ttunno.

VIII.

Giove, che de le nuvole pecciose
 Corcato stà ncoppa a li matarazze,
 E ll' aote Addeità, che ccorejose
 Stanno aspettanno, e ffanmo comm' a ppazze,
 Ve chiammano. Corrite: e le mmancose
 Jate a bbasà, ca no ve danno mazze.
 Venite su, venite a la ncorrenno:
 Giove aspetta, io so ccà, e bbe stò sservenno.

IX.

Che cchioue, e schioue? Chisso stà mpazzuto.
 Nuie volimmo parlare a la Reggina,
 Disse no ciuccio, sso Giove addò è sciuto?
 No mporta, Signore: Uscia cammina,
 (Sferra na Scigna, che ll' arvea sentuto)
 Ca po vide si chisto nc' annevina.
 Bene, dissero ll' aute: già ch' è cchesso,
 Cammenate, ca nuie venimmo appriesso.

X.

Chiano. All' ordene, spara la Majesta
 De zeremonie, e ll' ordene sia chisto:
 Jarrà, comm' è bbenuta, primmo chesta
 Barbuglia de lacchè, po pisto pisto
 Secotarrà Mercurio, e ffarrà ttesta
 A bbuje aute: nfra nuie, comm' aggio visto
 Prattecà, creo, che ddarrà sempe luoco
 Acchi ha cchiù anne, uno, che nn' ha cchiù ppoco.
 De

XI.

De lo riesto , si nc' è cacata aofanza
 A lo pajese vuosto , ve potete
 Arregolà , comm' è la costumanza.
 Facite tutto chello , che bolite ,
 Resposero li ciucce , ca crejanza
 Non s' ausa nfra nnie , comme sapite :
 Jammo a la bona , e nno nc' è nnanze , o arreto ,
 Ca vò agnuno de nuie campà cojeto .

XII.

Già ch' è cchesso , abbejateve , fegliule ,
 Ascite fore , e ppo jate a bbotare .
 Li ciucce jeano mo , comm' a ccetrule ,
 Nnanze , e arreto : mo jeano pare pare ,
 Mo a ttre , mo a equatto , e equanno sule sule ;
 Ma qua bbota , che ghieano pe ppassare
 Nnanze a lo Mmasciatore , le correva
 Ncnollo la Mastà , e tte le ttratteneva .

XIII.

Co sso ghi nnanze , e cco ss' artetechella ,
 Ch' avevano li ciucce cammenanno ,
 Tant' uno s' avanzaie , senza che cbella
 Se nne fosse addonata , ch' azzeccanno
 Se jie a Mercurio ; e l' afferraie na scella
 Co na ponta de pede , pezzecanno ;
 Ma pecchè sfunie no pizzeco de ciuccio ,
 e fice fa lo cascavalluccio .

XIV.

*Piglia la scella, e ppecchè non fuie lesto
 A aizà lo pede, ment' isso l' afferra,
 Chillo va a ccammenà: mponta: ch' è cchesto?
 Tira, non vene, e bbà de musso nterra:
 A lo tterà, se nne vene lo ricsto
 De la scella: vo aizarese, e le sferra
 Lo cadoceo: torna a ccadè, e sse sparte
 La mazzarella, e sse nne fa di parte.*

XV.

*Va pe ssofirse la seconna vota,
 E itorna a ccadè nterra; e mmente piglia
 Sto tierzo nciampecone, se revota
 Lo cadoceo, e straccia la setiglia.
 Stracciata la setiglia, chillo sbota,
 Piglia lo cantariello, e sse lo sciglia:
 Po se nne va ammassato a no pontone:
 Facitevella vuie la fonzione.*

XVI.

*Lo ciuccio de Selleno, che mbrogliata
 Vede la cosa, pe nc' arrearare,
 Se vota, e ffa na gra nfrocechejata
 A lo ciuccio; po corre, p' accoiutare
 Mercurio: Haie ntiso? nce ll' aggio cantata
 A ccbella bestia. Tu mo che bbuo fare?
 Venga da chi la tene la prodenzia,
 Che te ll' haie da peglià co no schesienzia*

XVII.

Si è schefenzia, che bbaa a ccontrattare
 Co ll' aute schefenzuse pare suoje,
 E llassa fa chello, che s' ha da fare.
 Dice buono. Haie raggione : ma che bbnoje
 Fa? Abbesogna quà bbota sopportare.
 Priesto mo, ca n' è nniente : vi si puoje
 Acconcià sse bagaglie? Io non saccio,
 Che bbuo' acconcià, si no nce nn' è ppetaccio?

XVIII.

Via su, pigliate tutte sse coselle,
 E ghiammonce accossine, ca n' è nniente.
 Chillo, che steva co le cchiancarelle
 Sbotate, corre, straccia co li diense
 Nforejato lo riesto de le scelle,
 Se piglia tutte ll' aute ngrediente,
 Co la setiglia, nne fa no mmattuoglio,
 Vota vico, e le llassa int' a sso mbruoglio.

XIX.

Che ffacimmo? (li ciucce sbentorate,
 Nche se veddero senza ammasciatore,
 Restà mmiezo a la via fridde, e ghielate)
 Saglimmo ncoppa, e aspettammo llà ffore.
 Tornano arreto, e ppe le ggradejate
 Mente jeano sagliemmo, lo remmore
 Se ntese dinto, addò flea la Reggina,
 Pocca la gradejata era vecina.

Chi

XX.

*Chi so cchisse ; che ssagliero ? se vota
 A no paggio , che steva a lo portiero .
 Chillo corre : Signora , a cchesta vota
 Già veneno li ciucce . Via , portiero ,
 Stà ncelleuriello . E ncignaie na revota
 Dint' a la sala : agnuna stea mpenziero
 A ffa la parte soja , agnuna tocca
 A mmetterse a lo pizzo , che l' attocca .*

XXI.

*Arrevate li ciucce : Quanno vene
 Lo Mmasciatore ? le disse no paggio .
 Ll' è afferrata na cosa , e mmo revene ,
 Respose l' Aseniello . Mo jarraggio
 A ddirlo dinto . Corre , e ttrase : Bene ,
 Repreca la Reggina : pe bejaggio
 Schitto servea ; già chisse so bbenute ,
 Ch' entrano . Tutte attiento , zitto , e mmute .*

XXII.

*Segnure mieje , facite faore ,
 Esce lo paggio : tterre a lo portiero .
 Traseno , auzano ll' uocchie . Oh che stopore !
 Agne cciuccio restaie , comm' a ssommiero :
 Non sapeano , che ffare , e dd' ascì fore
 Già quasse quasse stevano mpenziero :
 Ched' è ? se n' addonaie lo Ciucciariello :
 Stateve sode , state ncelleuriello .*

Stea-

XXIII.

Steano llà ddinto, comm' a ccanneliere,
 Da cca, e dda llà, a l' allerta trenta scigne,
 Tutte co li trobbante, e ppennacchiere;
 Armate, chi de tareche de ligne,
 Chi d' arche, e spate, e cchi co li lampiere
 De ntorce a biento, e sciaccole de pigne:
 A le mmura nce stea n' aparamiento,
 Che na scumma pareva d' oro, e dd' argento;

XXIV.

Ma chi se nc' azzecava cchiù becino,
 Ch' era oropella subbetto vedeva.
 Lo lavòro era bello, e steva chino
 Tutto de frumme, e sciure. Po nce steva,
 P' ogni sferza, no quatro; e no pottino
 Avea da sotta, che lo manteneva:
 Dinto nce steano certe storielle,
 Comm' a cchell' aote de le ccammarelle.

XXV.

Nfacce a no muro fica no tiatriello,
 Fatto a lo muodo de na gradejata:
 Trasava minto, e cco no cantonciello
 Ascea da cca, e dda llà, che, speccicata
 Pareva, senza votà lo celledriello,
 Na fella de mellone rosicata:
 Lo primmo grado steva auto da terra
 No parmo, e mmiezo, o poco creò, che sferra.
 Ncop-

XXVI.

Ncoppa a la gradejata se contavano
 Dudece casarelle , e ttutte stevano
 Chiene , fore che una , e l' accopavano
 Unnece scigne .- Cheste comparevano
 Vestute a ll' uso , comme se pittavano.
 Ll' unnece Addeità , ch' esse fegnevano ;
 L' Addeità cchiù ggrosse , e nce mancava
 Mercurio , che no nse nce trovava .

XXVII.

Chella , ch' era la primma a mmano manca ;
 Facea la Dea Cerere , e ammantata
 Co na cammisa stea de tela janca :
 Duie sierpe la teravano assettata
 Ncopp' a no carro : mmano avea na vranca
 De papagne : la capo era ntrezzata
 Co na corona , ch' era tutta chiena
 De spiche jonne jonne d' uorgio , e bbenà .

XXVIII.

La primma a mmano ritta era Dejana ,
 Che ffacea tre ccomparze defferiente :
 Co na paglietta ncapo , e cco na cana ,
 Fegnea jì a ccaccia : co li duie serpiente,
 Che ttenea mmano , avea na mmerejana
 De Furia ; e , cco no specchio trasparente ,
 Facea la Luna ; e stea ncopp' a no carro ,
 Terata da doie vacche , si no sgarro .

A lo

XXIX.

A lo gradino appriesso nc' era Apollo,
 Co lo carruocciolillo, e li cavalle:
 Le penneva la cetola a armacuollo,
 E nfacce avea li ragge d' oro gialle.
 Da ll' aota banna, co na lanza ncuollo
 Stea Marte, co le ccosce, pietto, e spalle
 Tutto ngiaccato: mmano avea la spata,
 E a lo scuto na Furia stea pittata.

XXX.

A ll' auto nc' era Vennera, e Borcano:
 Chella terata da li palommielle;
 Chisto da tre Cecrope, e aveano mmano
 Lo mantece, l' ancunia, e li martielle.
 Ncoppa stea Palla co n' Ascio, e no Cano
 Ncapo d' auliva avea li ramoscielle:
 Mmiez' a lo piett' a bbotta, che pportava,
 La coccia de Medusa serpejava.

XXXI.

Nc' era Nettunno co la cincorenza,
 Chino de pisce, e dd' aleche de maro.
 Cchiù nn' auto steano senza precedenza
 Gionone; e Besta, bello, paro paro:
 Tutte doie co lo sceltro, e tutte senza
 Armatura. Avea chella no panaro
 De granata, ches' ha li torriune,
 Da pavune terate, e dda linne.

Ncop-

XXXII.

Ncoppa a ste ddoie, cchiù m' auto, e ncoppa a tutte,
 Che bbenea a esse a lo sesto gradino,
 Nc' era Chiarchiolla, che nn' aveva strutte
 Arvarelle de cuoncio lo cchiù ffino,
 Pe ffa ffa mosta! Quanto te l' aggliutte
 Sta vota: Stea sott' a no barducchino
 Lavorato de penne de pavone,
 E n' Aquela stea sott' a no pontone.

XXXIII.

Jea co na veste janca, e tutta stelle,
 No varvone apposticcio, e na quaquiglia,
 Co na corona fatta a ppezzielle,
 Che, ccomm' a na cepolla, quanno sguiglia,
 D' oro brattino avea li raggetielle:
 Teneva mmano po na carrettiglia,
 Co-no truono mpizzato, e dda due mazze
 De tricchettracche, e dde frùole pazze.

XXXIV.

Chest' era la comparza, che stordute
 Fice restà li ciucce, nche ttrasieno.
 Trasute dinto, no ntanto scompute
 Fuieno ll' alleverenzie, che ffacieno,
 Che restaieno de nuovo nzallanute:
 Pocca li Deje, nche llozo scompieno,
 S' accommenzaieno tutte a ffreccecare,
 Che ffuie na cosa da strafecolare.

Haie

XXXV.

*Haie visto no presebbio , che se fricceca ,
 E tutto nziemo le vene l' artereta ?
 Chi cade , chi se sose , chi se mpicceca ,
 Chi nforma , chi arresedia , chi leteca ,
 Chi na mataffa de filo te spicceca ,
 Chi fa caso recotta a la besbeteca :
 Esce a lo rreto no cacciatoriello ,
 Sista , va , vede , spara , e ffa l' anciello :*

XXXVI.

*Accossì a ffrecceca s' accommenzavano
 Chelle , che ncoppa a lo tiatro stevano .
 Li cavallucce d' Apollo zomparano ,
 Li liune de Vesta se sosevano ,
 De Cerere li sierpe cotolavano ,
 Le bbacche de Dejana se movevano ,
 Co li palumme Vennera , e Gionone
 Se vidde scellejà co lo pavone .*

XXXVII.

*Mmierz a sto ffreccecare se votaje
 Giove a na scigna , e le disse : Dà fuoco .
 E echella , co no miccio , s' azzeccaje
 Vecino a isso : scioscia , e a ppoco a ppoco
 Li chille , ch' avea mmano , l' allommaje .
 Allommate che ffuieno , p' ogne lluoco
 Te vediste sguiglià , comm' a cconiglie ,
 Frùole , tricchettracce , e ccarrettiglie ;
 E , a*

XXXVIII.

E, a lo rreto, no truono, che na bbotta
 Fice, che lo solaro nne tremmaje.
 Nzenti chesto li ciucce cacasotta
 Scappano: Vi addò mine? Vi che ffaje?
 Vonno fuì; se mmešteno; e cchi sotto
 Cade, e cchi ncoppa; e a cchelle l' afferraje
 Na risa, che dda mano le scappajeno
 Le vretene, e nno cchiù se frececajeno.

XXXIX.

Lo Ciucciariello se vota: Ch' è stato?
 Già ve site cacate de paura?
 Chi de vuje è rrestato smafarato?
 Già site muorte, attà de la fortuna!
 No poco sode, ch' avite arretrato
 A ffa ride le pprete de sse mmura.
 Co ffa parlata agnuno s' accoietaje,
 E isso accossì a Giove se votaje:

XL.

Giove, che co fsi truone; e cco fsi lampe
 Le ccercole, e le ppigne allumme, e rrumpe.
 Nettunno, che ppe ll' acqua co le cciampe
 De fsi cavalle sempe curre, e zumpe.
 Vorcano, che fsi mantcce, e sse bbampe.
 T' hanno nzeccutto, e ppuro no la scumpe.
 Febbo, e Dejana, che de notte, e ghiuorno
 Jate co fsi lampiere sempe attuorno..

Mar-

XLI.

Marte, che ssaie peglià lo Munno a fflamme,
 E nce puorte a le bbote summe summe.
 Cerere bella, che la Terra sbramme
 Co sse spiche de rano, e sse bberdummc.
 Vuie, che de lo ssapè site le mmamme,
 De ll' Aria, de lo Ffuoco, e de li Sciumme,
 Pallade, Vesta, Vennera, e Gionone,
 E ffacite ssa bella fenzione:

XLII.

Vuie mm' avite. Ma, mente isso parlava,
 Restaie nterrutto da no gra rremmore.
 Se vota; ascia no ciuccio, che mmagnava
 Na spica d' uorgio, e ghieva p' ascì fore:
 Cerere, che sbroffava, e ppeccejava,
 E pparea, che ssentea no gran dolore;
 E mmedè chesio, subbeto penzaje,
 Ch' era stato qua cciuccio, e la ncarraje:

XLIII.

Pocca no ciuccio, che non capefcera
 Sso pparlà, che ppe isso era a lo scuro,
 Abbistaie chelle spiche, che tteneva
 Cerere ncapo; e ttirato lo scuro
 Da n' abbramma canina, che ssentea,
 Se nce jeze accostanno muro muro;
 Po se lanza, e no muorzo le schiaffaje
 Ncapo, che nzi a li pile nne scippaje.

K

Corr'

XLIV.

Corr' isso, pe le fa na cauciata,
 No ntanto pecch' ha ffatto sso dammaggio,
 Quanto ca ll' avea rotta la parlata;
 E ssente, a n' ata via, strellà no paggio:
 Lassa stà lloco? Ah ccano, l' ha sceppata!
 E Dejana: Corrite? che ffarraggio,
 Scura me! ca mme tremmano le ggamme:
 Comme sbatte lo core! Chets' è ffamme!

XLV.

Lassa lo ciuccio, e sse vota de bbrocca
 A bbedè, ch' è ssoccieffo a ss' anta banna;
 Vede fù, co na paglietta mmocca,
 N' ato ciuccio: le dà no muorzo ncanna:
 Jetta sta cosa? E lo guaie, che te stocca?
 Che bbuo' jettà? Lassa, ca mo te scanna;
 Strellava n' auto. E Dejana: zeffonna,
 Dalle a sso ciuccio; vi ca mo la sfonna?

XLVI.

Chesso n' è nniente a cchello, c' hanno fatto,
 Giove mio, a Mercurio poveriello;
 (No volante sparaie, che guatto guatto
 Era trasuto, e stea a no pontonciello)
 Te ll' hanno spetacciato, e ll' hanno sfatto
 Lo vestito pe nfi a lo cantariello;
 E ssi non se fedava a lo tallone,
 Nce nn' avarriano date poche, e bbone.

Josti-

XLVII.

Giustizia, Giove, giustizia, giustizia:
Zompa dinto Mercurio, e lo repiglia:
Ssi ciucce so mpastate de trestizia.
No mbì la mazza? E cchesta è la setiglia.
Si tu mo non castiche ssa malizia,
Mercurio è ghiuto già, va te lo piglia.
Non potarraggio ascì, ca nzi a na gatta
Mm' abburlarrà: Ah si setiglia sfatta.

XLVIII.

A cchesto tutte quante ll' aute Deje,
Giove, dissero, penza, c' haie da fare.
Videne propio mo chello, che nn' eje;
Chesta n' è 'ccosa cchiù da sopportare.
E una; e una a doje, e una a treje:
Ch' aspiette, che te vengano a ccacare
Nzi llocò mmocca? Si lo bbaie trovanono,
No ngbiarrà troppo a llungo, e tte lo sfanno.

XLIX.

Grazia, grazia. No cchiù a ssi poverielle,
Ca ll' avite pegliate a ccacagliutte.
Cbed' è a la fine? Songo ciucciarielle,
Nè sso, comme decite, tanto brutte.
Scommuovete, o gran Giove: a ppscarielle
Già fanno ll' uocchie, e ppigliano li bbutte:
E ssi nò, fallo almeno a questi prieghi:
„ A tanto intercessor nulla si nieghi.

L.

A ssa parlata, a Giove, e a ll' aute Ddie
 No riso a schiattariello le scappaje;
 E, cco sto riso, subbeto sparie
 Lo mal' ario, ch' agnuno s' appracaje.
 Li ciucce, non sapenno da dò scie
 Ssa voce, e cchi era chillo, che pparlaje;
 Se votavano attuorno, e nno mmedevano
 Nesciuno llà, e cchiù se consonnevano.

LI.

Tennero mente nterra, e ccammenare
 Vedieno na cosella nera nera.
 Era na scigna, che sservea, pe ffare
 Lo bboffone a Chiarchiolla; e dde maniera
 Le deva gusto, che, nche fommecare
 Tantillo le vedea la cemmenera,
 Tanta ngiegnè, e strammuoottolo facea,
 Ch' a fforza, o a bbona voglia essa redeva.

LII.

Nc' avca pe cchesto tanta confedenza,
 Che pe nzì a 'ngiuriarla l' arrevarva,
 Tanto che ffi facea qua mpertenenza
 A ccarche scigna, e cbella ll' accosava;
 Essa decea: Le darò la scajenza;
 Ma po, vedenno a cbella, se cacava.
 „ Va dà la mano no poco a ssa sciorta
 „ De bboffune, ca vide addò te porta.

Sta

LIII.

Sta vota, pe ffa ride a tutte quante,
 Apposticcio de carta s' avea fatto
 No vestetiello, ch' era assaie galante,
 E pparea de no ciuccio no retratto.
 S' avea fatte doie recchie, nnante nnante,
 Puro de carta tenta; e mmo co n' atto
 Le ccalava, co n' auto mo ll' aizava,
 E a bbota a bbota te le storzellava.

LIV.

Da dereto na coda le pennava,
 Ch' era na cosa propio straformata;
 E cco no garbetiello la moveva,
 Che ppareva na ciuccia spececcata:
 Da quanno nquanno la vocchella apreva,
 E ffàceva llà mmiezo n' arragliata:
 Po co dduie piede la vedive anzare,
 E accommenzava a rridere, e abballare.

LV.

Sta cosa non feneva de piacere
 A li ciucce, ca ntesero lo ciasco;
 Tanto cchiù, che, pe ffarle despiacere,
 Essa le ghiea tentanno; e già lo masco
 Uno avea carrecato, e stea a bbedere.
 N' auto decea: Vattenne, ca te casco.
 No la vuole fenì cchiù? Ma, nche ssenteva
 Chella sso lampo, a n' auto se me jeva.

LVI.

*Mente , ch' effa facea sse guattarelle ,
E s' erano li Deie già puoste ngusto ,
Lo Ciucciariello co ddi parolelle ,
Se sbrigaie , ca pegliaie lo tiempo justo :
Cercaie tutte li mastè , e li parrelle ,
Pe ssa le mmura ; e scompie justo justo ,
Che le ggatte ncignavano a strellare ,
Ca s' accostava ll' ora de magnare .*

LVII.

*La Reggina co mmuodo assaie cortese ,
E ppe le cconzonanze le respose :
So già lleste , facitele le spese ,
Ca llo ro se farranno ll' aute cco se ;
E , ffatta sta resposta , se nne sce se .
Li ciucce le vasaïeno le mmancose ;
Po se nne jieno a ssa colazione ,
E accossì se scompie sta fonzione .*

Scompetura de l' Arragliata Decema .

DE LA
CIUCCEIDE
 ARRAGLIATA
 UNNECEMA.
 ARGOMENTO.

Tutte li ciucce co le scigne ncuollo,
 E cco zappe, co ccuofane, e ccocchiare
 So ppe ll'aria portate a rrompecuollo
 Dinto a na nuvolella, che ccompare.
 Vanno a Gragnano, e pposano a lo manuollo,
 Nnanze a lo Rrè, che nn'appe a speretare.
 Ncignano a ffravicare, e no lavore
 Fanno, nfacce a na porta, de stopore.

I.

MA la Reggina, che bolea sbrigare
 De jostizia li ciucce chella sera,
 Ch'avea vista a cchiù dd'una fommeccare
 Pe cchilli tratte già la cemmenera;
 Fice subbeto subbeto jettare
 No hanno pe lo Stato a la ncorzera,
 Ch'agnuna, che boleffe cagnà luoco,
 A ppartì s'allestesse pe lo brnoco.

II.

Tanto cchiù che Dejana, pe ffuire
 Da Febbo, che ll' aveva ntommacata,
 Se vedeva de notte comparire,
 Ca de juorno non s' era affecorata;
 E ssi mbè meza se vedeva scire,
 Ca ll' ata meza stava annegrecata,
 Puro faceva tanta lummenaria,
 Che se vedeva no ciuccio pe ll' aria.

III.

No ntanto-sto gran banno fu ghiettato,
 Che bediste le scigne a mmelejune
 Venì volanno da tutto lo Stato:
 Chi stea co li pariente a ccostejune,
 Chi s' avea le mmognole spetejato,
 Chi teneva nzavuorio li patrune.
 Nzomma, chi pe na cosa, e cchi pe n' auta,
 Nzenti jettà lo banno, corre, e ssauta.

IV.

E, zompanno zompanno, s' abbiavano
 A la casa rejale, addò correvano
 A mmorra, com' a ppuorce; e ccammenavano
 Co n' allegrezza tale, che pparevano,
 Ch' a ccorrere lo palio se nzajavano.
 Arrevate po llà, comme venevano
 Ll' aote, faceano no fracassatorio,
 Pco de le ggatte int' a no refettorio.

Tan-

V.

Tanta fuieno li strille, e lo remmore,
 Che la Reggina se mese a ppaura:
 Jea pe bbedè, ma no le decea core
 De cacciare la capo da le mmura.
 Po se deze armo, e n' uocchio cacciaie fore
 Da na fenesta, e bedde scura scura
 Ll' aria, pe la gra meglià, ch' era aizata
 Da la mmorra, che stea mmiezo a la strata.

VI.

Ma nche se n' addonaie de chello, ch' era,
 Co no riso sardoneco: Corrite,
 Disse a ttutte, corrite, ca sta sera
 La sciorta vostra propio trovarrite.
 Jate, ch' avite asciata la manera
 De ve fa quanta doppie vorrite:
 Si ccà non site state canosciute,
 Llà ve canosciarranno sti sapute.

VII.

Sulo ve dico, e ttenitelo a mmente,
 Ca chi n' ha fatto bene nfra li suoje,
 Nfra ll' aote tanto peo nne farrà miente.
 N' è ll' ario, o lo pajese, di che bbuoje,
 Che non te fa a ccanosce da la gente;
 So li defette, e sso li vizie tuoje.
 Cagna chisse, si vuoie cagnà fortuna;
 Si nò, cagna che buoie, ch' è na freddura.

Jate

VIII.

*Jate mo, e ccovernateve . E cchiammato
 No paggio, le decette, ch' avessasse
 Li ciucce, ch' era tutto apparecchiato .
 Jette chillo, e ttrovaie, ch' a sti fracasse
 Stevano sorrejute ; ma , passato
 Che ffure lo tremmoliccio , nquatto passe
 Fuieno mmiezo a la chiazza , addove jettero
 Squatranno tutte chelle , che benettero .*

IX.

*Visto tutto , saglie lo Ciucciariello
 A ccercà la lecienzia a Chiarchiolla ;
 Po disse : Si nce stà no sportonciello ,
 O carcuna ha na stola , me la molla ,
 Ca serve , p' agghiustà no vejaggiello
 A sti compagne micie , ch' agnuno colla .
 Vennero liste leste , a bbuonneccchiune ,
 Stole , sacche , sportelle co sportune .*

X.

*Cert' aote se mettieno a ccarrejare
 Fune , zappe , mazzoccole , zappielle ,
 Cate , sciamarre , cuofane , cocchiare ,
 Pale , scale , scalille , manganielle ,
 Crive , chiuove , terocciolate , vregare ,
 Serre , pennielle , sfragasse , martielle ,
 E cquanto maie nce vò , pe ffa na casa ,
 Da lo soppegno pe nzì a la prevasa .*

Scese

XI.

Scese isso abbascio, e le ffice acconciare
 Ncoppa a tutte li ciucce; e ppo votato
 A cchelle: Via, chi s' ha da carrecare,
 Accommenza a ssagli, ca stà agghiustato.
 Lloco vediste le scigne a mmeigliare
 Zompà dint' a le sporte, e, ccarrecato
 Che ffuje agnuno, disse: Leva mano.
 Abbejateve tutte chiano chiano.

XII.

Ccà mmo chi po contare li lamiente
 De chi restava, ca no me capeva:
 Lo cchiagne de l' ammice, e li pariente
 De chi stea carrecata, e sse me jeva:
 Li schiaffe, li mmascune, e li scenniente
 De chi aveva d' avè da chi parteva.
 Vasta. Pe n' ora, e mmeza po le strate
 Sentieno allucche, chiante, e ghiastemmate.

XIII.

Scomputo sto fracasso, e sto remmore,
 Ascieno a na campagna largoletta;
 E, mmente cammenavano, da fore
 Vedettero spontà na nuvoleletta:
 Chessa è cchella, che me manna lo Guore,
 Disse lo Ciucciariello; chessa è cchella.
 Eccola ccà, comme vene de pressa:
 Stateve allegramente, chessa è essa.

No

XIV.

No ntanto avea scomputo de parlare,
 Che la nuvola venne, e sse fremmaje:
 Po chiano chiano se vidde allongare,
 E ttutte quante te l' attorniaje:
 A ll' utemo se ngrossa, e ppare pare,
 E dda coppa, e dda sottà le nzerraje;
 Che non sulo servevale p' ombrella,
 Ma le pportava a mmammara, e mmoella.

XV.

Po piglia na corzera. Che ccorzera?
 Piglia no vuolo accossì spotestato,
 Ch' a le ddoje ora de la stessa sera
 Toccaie Gragnano. Bello ritrovato!
 Chesto sì, ch' è bbolà. De ssa manera
 Porrissè avè magnato, e ppadejato,
 Co mmanco de no juorno, attunno attunno
 Tutto lo tortanone de lo Munno.

XVI.

Già la Luna a ssa spuonole era scinta,
 E ppecchè co lo frate stea nzorfata,
 Pe non se fa a bbedè, stea annascomuta
 Dereto a no pontone de la strata;
 E cco n' uocchio da llà s' era mettuta
 A ssa la spia; e stea meza cacciata
 Da fore, e mmeza nò, pe se magnare
 Lo tiempo justo de se la scocciare.

Qu.

XVII.

Quanno lo Rrè, che stea sempe penzuso
 Pe li ciucce, che s'erano partute;
 Se senteva già ghì pe lo caruso,
 Ca chilli scure s'erano perdute.
 Va trova, isso deceva, a equà pertuso
 S'hanno rutto lo cuollo? Addò so ghiute?
 Uh poverielle! Che rrazza de via
 De jì pe ssotta terra 'n Varvaria!

XVIII.

E ppe non se fa abbence da li frate,
 Che l'erano sagliute nzi a le rrecchie,
 For' a la tana stea co li sordate.
 A ccontà cunte: comme fa a le bbecchie.
 Vedimmo sera sera, quann'è State,
 Nnanze a le pporte; e ccerte ccoise vecchie.
 Te contano de ll'anne, ch' a li sbriglie
 Se stea spassanno Giorre co li figlie.

XIX.

Io m'allecorderò, ca mme deseja Tata,
 Decev' uno, che ntese da Vavone,
 Pe bbocca de la Zia de la Cognata
 De Sogrema, che benea ncrosione.
 Ad esse Nora a cchella, che sposata
 Fuie co cchillo, che ddeva lezzione
 A lo Sirvaro de li Pronepute,
 Ch'erano Frate, e Ssore a li Nepute.

De

XX.

Decea Tata no bello contariello,
 Che mmò non saccio, si mme l'alleccondo:
 Si si. Nc' era na vota a lo castiello,
 Ch'aveva nomme... uh, sempe me lo scordo;
 Ma, che me voglio fa? E ssaporetello
 Lo cunto. Tutto stà, si mo l'accordo.
 Vasta. Veneva a ddi, ca non s'aveva
 D'ascire maie co cchi non se sapeva.

XXI.

Mperzò ve dico mo, Signore mia,
 Già mme ntemite. Avite fatto arrore
 A mmannà. N'è lo vè? N'avè galio
 De nformarve, si chillo era mpostore;
 O che ddiella er'isso, che ssacc'io.
 Chi sa? Co scusa de farce faore,
 Nc'avesse, Uscia mme ntenne. Chella vocca
 De la montagna mme stà sempe nchiocca.

XXII.

Ment'isso martagliava, ecco de bbotta
 Vene volanno la nuvola nterra:
 Venè, cala, se trepa, e ffa na bbotta,
 Che no jajo pe ll'ossà a tutte afferra.
 Lo primmo primmo, che m' esce da sotto,
 E ll'Aseniello, ch'abbista nne sferra;
 Po, co le scigne ncuollo, chiano chiano
 Se nne vennero ll'auto retomano.

Mme-

.. XXIII.

Mmederle, tale triemmolo venette

*A Bbarvajanca, e all' aute tutte quante,
Ch' abballavano; e ppoco nce volette,
Che non cadieno nterra. E, mante nuante,
Chillo povero ciuccio, che ddecette,
Ca ll' Aseniello era no gran forfante,
Nch' ascì lo vedde da la nurvoletta,
Le venne, arrasso sia, la cacarella.*

XXIV.

*Tanto cchiù, ca lo buono Ciucciariello,
Che ccarcosella già nn' avea sentuto,
Le tenne mente; e cco no refariello
Le disse: Eccome ecà, già so bbenuto.
Cchiù bbolea dì; ma pe no gran rotiello,
Che s' era fatto a ddà lo bemmenuto.
A la gran compagnia, ch' era tornata,
Chillo scuro scappaie sta pozonata.*

XXV.

*Venevano l' ammicce, e li pariente,
Patre, figlie, nepute, e li vecine,
E tutte le faceano compremiente,
Salute, e rreverenzie nzina fine.
Fratiello addio. T' aggio da servì a miente.
Schiavo. No nc' è dde cche, sempre accossine.
Lo fsà, ca staie bellone. E' ll' ario vuofo.
Chello, ched' eje. A lo commanno vuofo.*
Cier-

XXVI.

Cierte mo s' affollavano a spiare ,
 Che ll' era ntravenuto pe la via .
 Ciert' aute se mettervano a strillare :
 Vi ch' è bbenuta già la compagnia .
 Galoppavano ll' aute , pe ccchiannare
 Lo riesto de li ciucce via via ;
 Ed era tanta la confossejone ,
 Che se ntenneano pe ddescrezzejone .

XXVII.

Storduto l' Aseniello : Ecco le scigne ,
 Disse nfacce a lo Rrè , ch' aggio portate :
 Cheste te faciarranno li designe ,
 Le mmura , lo Castiello , e la Cetate .
 Auto mo no nce vò , che te le ncigne
 A pprovà , ca già stanno apparecchiate ;
 E ppo , senza aspettà lo compremiento ,
 Tocca . Sparette , che pparze no viento .

XXVIII.

Restaie lo Rrè co la parola mmocca ,
 E cco no pede aizato , pe bbolereło
 Abbraccià , e ngrazià ; ma po de brocca
 Vedennolo partì , senza potereło
 Fremmà , le passaie subbetò da chiocca
 La volontà , ch' avea de trattenerelo ;
 E bbotato a le scigne : O bemmenute ,
 Le disse , figlie mcie , scigne sapute .

Mo

XXIX.

Mo mme pozzo chiammà lo Si Felice,
 Poc' aggio a bbuie, che mme facite amore.
 Volimm' essere nziemo cchiù ch' ammicce,
 E nce volimmo rallegrà sto core.
 N' aggio a ppaura cchiù de li memmice,
 Che mme vengano a ffa lo bell' amore;
 Ca quanno sarrà fatto lo fortino,
 Sa quanto vanno? quant' a no lopino.

XXX.

Sulo mme despejate, ca non aggio
 Apparecchiato rrobba da magnare;
 Pocca credeva, ca sto gran vejaggio
 N' anno a lo mmanco, avesse da dorare:
 Puro mo mmo servire ve farraggio
 De lo muodo, che mmeglio se pò fare;
 E ssi n' avite nzò, che mmeretate,
 Pegliatene la bona volontate.

XXXI.

Poco descuosio nce stà n' orteciello,
 Che pe mme ssulo mme ll' aggio sarvato;
 Tanto che no nce va manco n' auciello,
 Co ttutto ca de mura n' è nzerrato.
 E' cchino d' erba, co no sciummetiello,
 Che lo va addefrescammo p' ogni llato:
 Llà ddinto sgolejà ve potarrite:
 De vevere, e mmagnà quanto vorrite.

XXXII.

*Ve restammo obbredate , ca n' avimmo
 Nuje aote vocca da magnà sse cose ,
 Resposero le scigne ; e nce pascimmo
 De rrobbe , che non so accossi sforgiose .
 Nce vasta sulo , quanto nce coglimmo
 Quatto nuce , ca simmo goliose
 De sse schesienzie , e ssimmele coselle ,
 Sciojcelle , pigne , castagne , e nnocelle .*

XXXIII.

*Si m' avite de cheste , nce potite
 Dà la lecienzia , ca le ghiammo a ffare .
 Uh , de sse cose , quanta nne volite ,
 Disse to Rrè ; no ve ponno mancare .
 Si de nuce , e nnocelle ve pascite ,
 Ve nne potite proprio sgolejare :
 Da ccà becino nce ne stà na serva ,
 Che de ste zorbie pare na conzerva .*

XXXIV.

*E botato a li ciucce : Via su , jate
 A lo voschetto co ste Ssegnorelle .
 Jettero tutte , e nche ffuieno arredate ,
 Nce trovaieno no munno de nocelle .
 Nche le schiusero chelle , nzanetate ,
 Te le bediste ncimma a l' arvoscielle ;
 Ca Dejana , pe ffarele faore ,
 Comm' aggio ditto , stea meza da fore .*

Da-

XXXV.

Dapò, che se nn' anchieno de manera,
 Che, equanto a no tammurro, aveano fatte
 Le ppanze: Vasta chello pe sta sera,
 Dissero; e sse nne jieno guatte guatte.
 Lo Rrè nfra tanto arvea già a la ncorzera
 A ccierti ciucce fatto dà li sfratte,
 Che stevano abbetanno int' a na tana,
 Ch' era da chella soia poco lontana;

XXXVI.

Tanto che equanno fuieno de retuorno
 Chelle, trovaieno leste pe le strate
 Li ciucce, che da tutto lo contuorno,
 Pe le sserve, steano apparecchiate:
 E da li stiffe, nche le fuieno attuorno;
 Fuieno zeppa, e dde pesole portate
 Dint' a la tana, addò s' arrecettajeno
 Pe nzì che la matina non s' anzajeno.

XXXVII.

Lo Sole già, co la lanterna a bbota,
 A li Cucù decea: Fremma la corte.
 E li scure pegliavano la vota,
 Pe se jì a ncasorchia dint' a lo fforte.
 Li passarielle, pe le fa da vota,
 Le faceano l' allucca nzì a le pporte;
 E ddapò, fatto a isso no saluto,
 Le ncignaieno a ccantà lo Benmenuto.

XXXVIII.

Quanno le scigne jettero a ttrovare
 A Barvajanca , ch' era già scetato ,
 Le dissero , ch' er' ora de ncignare
 A ffa chello , ch' aveano desegnato ;
 Cercà vrecce , fa cauce , caucenare ,
 Scavà la pezzolamma ; azzò cche ddato
 Se fosse , quanto primmo via via ,
 Prencipio a ffa quant' isso volarria .

XXXIX.

E , avuta la letienzia , se nne jettero
 Cbi a na parte , e cchi a n' aota ritrovannole ;
 E ttrovate le brece , nne mettettero
 Paricchie int' a no fuosso , ammontonannole
 Bello una ncopp' a ll' aota , e ppo nce dettero
 Fuoco , che le ghie ardenno , e gbianchejannole ,
 Tanto che nquatto juorne se trovajeno
 Tanta cauce , che cchiù no nne cercajeno .

XL.

Cert' aote se mettettero a scavare
 Pezzolamma , e rrapillo p' ogne strata :
 Certe ncignaieno a ffa li caucenare ,
 E ll' aote a ccarrejà a la desperata
 Se mesero acqua , pe la devacare
 Dint' a ssi fuosse ; e cquanno apparecchiata
 Vedettero ogne ccosa , accommenzajeno
 A ddesegnà le mmura , e ppo scavajeno .

Ma

XLI.

Ma pecchè tutte quante erano assaje
 A ffatecà schitto a no pezzetiello,
 Se spartieno; e na parte nne restaje
 A ffa le mmura, e n' aota lo Castiello.
 E cchisto abbista mo se desegnaje,
 Ca nn' aveano portato lo modiello,
 Comm' a cchillo, ch' avea fatto pittare
 Chiarchiolla a lo pajese, e n' avea pare.

XLII.

Chisto era fatto, comm' a n' arteficio;
 Stritto, e appezzuto ncoppa, e ffotta chiatto.
 Da terra asceano, fatte co ghiodicio
 Quatto moraglie nquatro, che dde quatto
 Battarie te facevano l' afficio.
 Mmiez a ffe bbattarie po nc' era fatto
 No muro a uso de no gran cannuolo,
 Che pparea la Lanterna de lo Muolo.

XLIII.

A cchesta forma accommenzaïeno a ffare
 Le scigne lo Castiello de Gragnano.
 Ncignaïeno a ffa le mmura; e nche arrevare
 Le bedettero nzì a lo primmo chiano,
 No le parze cchiù ncoppa secotare
 A ffa lo riesto, ma levaïeno mano;
 E ffe mesero a ffare no lavore
 Ntuorno a la porta, ch' era no stopore.

XLIV.

*Apprimmo apprimmo stevano chiantate
 Nterra doie vrecce tonne , che pparevano
 Doie gran rote de carro , o doie freitate :
 Ncoppa a echeffe , a l' allerta , se vedevano
 Doie colonne , ma tutte storzellate ,
 Che ssoffa erano chiatte ; e ppo se jevano
 Cchiù ncoppa assotteglianno , e mmiezo steva
 No po de guobbo , che cchiù nfore asceva .*

XLV.

*Da sso guobbo , po jevano crescenno ,
 E cquanto cchiù nzì mponta s' allongavano ,
 Tanto cchiù se vedevan' i nchiattenno :
 Arrevate nzì ncoppa , s' accoravano ,
 Tanto che n' arco veneano facenno ;
 E , ffatte a cchisso muodo , fegoravano
 Li quarte de nò ciuccio de dereto ,
 Da ll' ognà nzì addò vrocioia lo fiato .*

XLVI.

*Ncoppa nc' era no Tunno , che sserverva
 Pe ffa llà nfacce no cuorpo de mpresa ;
 E ccheff' era na coda , che scemmeva
 Mmiezo a sso Tunno , e steva stesa stesa .
 A ffa coda na scritta se vedeva
 Mponta a li pile , co na nocca appesa :
 „ Si n' baie cheffa , jarraie sempe cchiù a ffunno ?
 „ Chesta è cchella , che ddommena a lo Munno .
Cchiù*

XLVII.

Cchiù nn' auto na corona nce facettero,
 Che simmele a lo Munno non fuie vista.
 Doie Recchiune a li pizze nce mettertero,
 Che dduie cuoppe pareano a pprimma vista,
 E ssotta st' auto mutto nce screvettero,
 Che le rrecchie cegnea, comm' a na lista:
 „ A ssi cuoppe vo bene la Fortuna,
 „ Ca dint' a cchiste li zecchine auna.

XLVIII.

Da sotta a sta corona a la rejale,
 Da ccà, e dda llà penneano campanielle,
 Stole, testere, capezze, cegnale,
 Varde, mmaste, mologne, sciocchietielle,
 Morge, cancelli, pannielle, stracquale,
 Fierre a galletta, cuofane, e zappielle:
 „ Sotta nce stea: Nuie sule le pportammo,
 „ Si mbè non sule nce le mmeretammo.

XLIX.

A sta porta, da ll' una, e da ll' aot' anch',
 Fatte a uovo nce steano doie cornice:
 Dinto a cchella, che steva a mmano manca,
 D' Apoleio lo retratto se nce fice,
 Tanto simmele, ch' auto no le manca,
 Che n' arragliata; e ssott' a isso, dice
 No mutto, appiso co no correjulo:
 „ Si so lo primmo, non sarraggio sulo.

L.

Dint' a ll' apta cornice , a mmano ritta ,
 Nc' era fatto no Cielo co ddoie stelle ,
 Che ssi liegge la storia , che nn' è scritta ,
 Saie , ca fuieno no paro d' Asenielle ,
 E mmo puro so ttale ; e n' aota scritta
 Nce stea sotta , attaccata co ddi anelle :
 „ Chi a lo Munno vo essere stemato ,
 „ Sia comm' a nnuie , ca pe nzi 'n Cielo è anzato .

LI.

Chist' era lo lavore , che ffacettero
 Nnante a la porta ; e ffa accossi ccomprito ,
 Che cquanta po nce jieno , e lo vedettero ,
 Dissero : Veramente stà polito .
 Ma mente a ffa lo riesto se mettettero ,
 Sentieno sorzetà no gran desquito ,
 Comm' a nò serra serra , into Gragnand ,
 Che le fice a lo mmeglio levà mano .

Scompetura de l' Arragliata Unnecema :

DE LA
CIUCCEIDE
 ARRAGLIATA
 DECEMASECONNA.
 ARGOMIENTO.

Dice a lo Rrè no ciuccio, ca volanno
 Veneno cierte, pe lo stroppejare.
 Issò va addò Selleno, e lo malanno
 Le conta; e cchillo Giove va a ttrovare:
 Vede 'n Cielo gran cose; e mmente stanno
 Li Deie nconzurta, le bene a ppregare
 Na Dea vecchia, che cco na penzata
 De Mercurio se nn' esce conzolata.

I.

MENTE se jea facemmo lo Castiello;
 E sse steva a lo primmo appartamento;
 Venne a lo Rrè volanno n' aseniello,
 Ch' a ccorre la facea porzi a lo viento;
 E le disse: Segnò, stà ncelleuriello,
 Da fora mme ne chiammo: statti attiento,
 Ca nc' è na mala nova, e n' aggio core
 De te la di, ca nn' aggio gran dolore.

Che

II.

*Cbed' è? Le scigne se ne so ffojute,
 O l'è ccaduto lo Castiello ncuollo,
 Disse lo Rrè . Se me fossero jute,
 Respose chillo, tutte a rrompecuollo,
 Ca manco sarria niente . So ccadute
 Dint' a la cauce , e stanno llà mmammuolo?
 Peo . Co li ciucce se so mpecccate?
 Uh nc' è cchiù ppeo . Site state scannate?*

III.

*Site muorte de subbeto? A mmalora.
 Se me so ghiute ll' asene? Ch' è stato?
 No mme tenè a la corda , che bbonora
 E? Parla , che ppoz' effere squartato .
 Signore mio , no lo boleca di ancora,
 Ca v' aggio visto troppo nforejato .
 Dillo , co ttutte le bbonore toje ,
 Dillo mmo , dillo ppriesto , e ddà che bbuoje.*

IV.

*Già cche sspè mo propio lo bolite ,
 Mo' ve lo cconto : Aggiate da sapere ,
 Ca li Cicciume se so ttutte aonite
 Contra de nuie , pe sfarce despiacere .
 E cchi so sti Cicciume? Non sapite
 Chilli Grièce , che stanno a nmonnà pere
 De l' Acacaja mmocca a li confine?
 Ah , uno di Siciume? Gnoressine .*

E cche

V.

E cche bonno da nuje ? Mo ve lo ddico:
 Chiste ccà fanno guerra a l' Ambraciuote,
 Chille de la Prevasa . Atta de nnico,
 Comme mme le stroppe ! Mme le rrevuote
 De manera , che non se sa l'ammico ,
 Nè cquà sia lo nemmico . Addò te vuote,
 Co sso pparlà , nne faie cadè na casa:
 Se chiamma la Prevesa , e non Prevasa.

VI.

Scusateme , ca songo n' anemale ,
 E dde ste cose maie m' aggio saputo .
 Chiste songo nemmice capitale ,
 E nfra lloro semp' hanno commattuto :
 Ma , da poc' ha , pe se fa propio male ,
 Era ncampagna ll' uno , e ll' auto asciuto ;
 E steano tutte duje tanto ncanate ,
 Che pparevano vusare stezzate .

VII.

Ora mo li Secciune , pe ppegliare
 Li povere Ambraciuote a la cajola ;
 De notte tiempo se jieno a schiaffare
 Dint' a no vosco ; e steano a ffa la cola ;
 Aspettanno into llà , pe le stagliare
 Li passe , e ppe ncapparle a la tagliola .
 Nchesto , venne a ppasà pe ccbella via
 No ciuccio , e n' Ambraciuoto ncompagnia .
 Nnanz

VIII.

Nnanz' a l'oro venea no ciucciariello,
 Che ghiea pascenno sulo pe la strata;
 E mmederse, ncignaieno no greciello,
 Che pparea, se movesse già n' armata.
 Li Secciune, ch' a ffa lo trajeniello
 Steano dinto a lo vosco, a st' arragliata
 D' esse state scòpierte se penzajeno,
 E a ggamme ncuollo subbeto scappajeno.

IX.

Accuortese de chesto l' Ambraciote,
 Le dieno nouollo, e tutte l' accedettero;
 E ppecchè songo gente assaie devote,
 Na statoa d' oro a lo ciuccio facettero.
 Chille sapenno po, ca ste rrevote
 Pe ccaosa de no ciuccio soccedettero,
 Pe se me vennecare, hanno jorato
 A fferro, e ffuoco de manna sso Stato.

X.

E già mo tutte se vanno movenno
 Pe benì quanto primmo chesta via:
 Io, nche ll' aggio saputo, a la ncorrenno
 So benuto ccà a ddirlò, azzò ch' Uscia
 Nce trova quà rremmedio. Sentenno
 Chesto lo Rrè, tremmanno, arrasso sia,
 Cala le rrecchie, allonga lo mossillo,
 Schiassa ntterra, e pperdie lo speretillo.

Re-

XI.

Revenuto che ffuie , senz' aspettare
 La Guardia de lo cuorpo , s' abbiaje
 A Lettere , pe ghirse a cconzortare
 Co Sellenno ; e arrevato , se jettaje
 Nnante a la statoa , e la ncignaie a ppregare ,
 Che l' avesse sarvato da sti guaje :
 Chiagnie tanto , che stracquo s' addormette :
 Nzuonno chillo l' apparze , e le decette :

XII.

Figlio , lo sfaccio ; ma non dobbetare ;
 Ca è ppiso mio de te sarvò sso Stato :
 Vattenne allegramente , e llassa fare .
 Ora sacce , ca'n Cielo è ddecretato ,
 Che sta razzimma toja aggia a rregnare
 Sempe a lo Munno . Accossi bbò lo Fato .
 Torna a Gragnano , e statte llà a ssentire
 Chello , che ppo te mammarraggio a ddivere .

XIII.

Nche sto dì , Varvajanca se scetaje ,
 Dengraziaie Sellenno , e a la ncorzera
 Mmiero Gragnano se l' appalorciasje ;
 E ssi mbè llà trovaie , che già se nm' era
 Spasa la nova , e agnuno s' agghiajaje ,
 Mmederne ascì lo Rrè co cchella cera ;
 Puro tornanno co no pizzo a rriso ,
 Fice allegrà chi se chiagnea pe mpiso .

Sel-

XIV.

Selleno ntanto , pe se confarfare
 Co Giove de lo muodo , che ttenero
 S' avea a sto mbruoglio , e cche s' avea da fare,
 Sagliette 'n Cielo ; e mmente fa a bbedere
 Si nce sterva a la casa , e ttozzolare ,
 Uno da dinto le fice a ssapere ,
 Ch' era juto a lo Tempio de la Gloreja ,
 Pe ssa la festa de na gran vettoreja :

XV.

Era lo juorno , che scompeva ll' anno ;
 Che 'n Cielo li Giagante nforejate
 Saglieno , pe le dà no gran malanno ;
 Ma da llà ncoppa , a bbotta de vreciate ,
 Comme sapite , jieno vrocioianno
 Tanto pe cchella via , che nche arredate
 Fuieno abbascio , atterrate rommanettico
 Da li mnte , che ncunollo le cadettero :

XVI.

Pe ssa vittoria , accossì ssegnalata ,
 Se fa ogn' anno a sto tempio na gran festa :
 For' a la porta se nce fa n' arcata ,
 Tutta de lauro , e sciure de jenesta ;
 A lo primm' arco , ch' è nfacce a la strata ,
 Nce stà na Screzzione , e creo , ch' è cchesta :
 „ Venite cca a bbedere , capotnoste ,
 „ Comme se tratta co li pare vnoste .

Tra-

XVII.

Trasute dinto , nfacce a no pontone ,
 Da là banna deritta , se trovava
 Na tenna co na banca de terrone ,
 Addò Giove , trasenno , s' affettava ;
 E , pprimmo de ncegnà la fonzione ,
 Agnuno de li Deie se n' azzeccava :
 Issò a cchi deva no sosamelluccio ,
 O na zitola , e a cchi no martelluccio .

XVIII.

A mmano manca n' era no ntaolato ;
 Auzato apposta pe li sonature :
 Ncoppa stea lo Cortese , e lo Cecato
 Da ccà , e dda llà , a li primme sedeture ;
 Chisso a na tromma , e cchill' auto dea sciato
 A no connutto de nrofolature ;
 Ma pecchè chella è bbecchia , e cchisso è mnuovo ,
 Se sentea meglio chisso , e ddeà a lo chinovo .

XIX.

Dereto a llozo , Rota , e Sannazzaro
 Sonavano , neonzierito , no sconciglio ;
 E no poco cchiù ncoppa , a pparo a pparo
 Teocreto , e Bergilio , patre , e sfiglio ,
 Co na zampogna de no pecoraro
 A bevete na meza a lo Cerriglio
 S' erano desfedate ; e appriesso a llozo
 N' era de sonature n' auto coro .

E sso-

XX.

E ssonavano nzi che Giove steva
 Affettato a la banca, e ddespenzava;
 Ma subbeto che cchillo se soseva,
 Tutta ssa mmorra abbascio vrociolava,
 E nnanze a isso, e a ll' aute se metteva;
 E ssonanno sonanno le pportava
 Dint' a lo tempio, addò, pe la vettoreja,
 Scampanejava la campana a gloreja.

XXI.

Scomputo chello, che s' avea da fare
 Dint' a lo tempio, se nn' ascieno fore;
 E ss' affettaieno, pe bedè jocare
 Le ppapare; ca caccia de li tore
 Non se pò 'n Cielo manco mmommenare:
 Pocca, da che ncappaie Giove a n' arnore;
 Deze a sta caccia li quatto de Maggio,
 Sotta coperta ca facea dammaggio.

XXII.

Co sto juoco no piezzo se spassajeno
 A bedè chi sapea taglià cchiù nnietto;
 Ma nfra l' adacciature, che ghiocajeno,
 Tre bbecchiune nce dezere de pietto,
 Che bberamente se nc' ammortalajeno:
 Ll' aute venì le fecero l' appietto,
 Ca non correano, e equanno erano sotto,
 Nce volea n' anno, pe le dà na bbotta.

XXIII.

Lo primmo de li tre fù Ghiovenale,
 E le dea de manera, ch'ogne bota,
 Che la cogliea, chella n'avea cchiù mmale:
 Ll'auto fù Perzio; ma, da vota a bbota,
 No nce lassava manco lo nzegnale,
 E ppe trovà la botta, se jera mmota:
 Ll'utemo Arazio, che la capozzella
 Le faceva netta co na resarella.

XXIV.

Chiste, e tutte chill' ante, che ssonavano;
 Nce le pportava Febbo sta giornata;
 E dda Parnaso, addò se la scialavano,
 Ogn'anno nne venea na ncarrozzata;
 Ma, nche aveano scomputo, appalorciavano
 Subbeto abbascio pe la stessa strata:
 Ca co ssa gente non se pazziava,
 E nante nante Giove nne tremmava.

XXV.

Nce mancaie, pe sfortura de li vecchie,
 Settano, e ll'Ariosto; ch'acciarrato
 La Corte tenea chisto pe le rrecchie,
 E ncase ll'avea fatto lo mamato:
 Ll'auto, pecchè pegliare a ppezze vecchie
 Na paparona schitto avea jorato,
 Nche la vedette spetacciata, e mmorta,
 La cortella appennie reto a la porta.

M

Fatta

XXVI.

Fatta ssa festa, primmo che s' auzasse
 Giove da lo barchetto, s' accostaje
 Selleno, e le decette li fracasse,
 E ttutto lo niozio le contaie.
 Nzentirl' isso: Che bonno j smargiasse,
 Disse, da ll' asenielle? Non sia maje,
 Ch' aggia a sforti st' arrove: vè che ccosa!
 Le volimmo fa fà na bona ntosa.

XXVII.

Fa accossine: mo mmò nuie nce ne jammo
 Tutte a la casa, a ffare li festine,
 Viene tu puro, ca llà conzurtammo
 Che ll' avimmo da fa a sti babbuine;
 E botato a li Deie: Via su ammarciammo,
 Disse a ttutte, ca già pe le ccantine
 Va votanno lo Sole; ch' aggio a ccaro,
 Che mmagnate na zuppa a lo pagliaro.

XXVIII.

Nzentì zuppa, toccaieno tutte quante
 A la casa de Giove a la ncorrenno;
 Ma Selleno le ffice passà nnante,
 Ca pateva de jorde, e ghiea attegnenno;
 E ppe la via trovaie n' auto tardante,
 Che se la jieno nziemo trascorrenno:
 Era chisso Vorcano sfortonato,
 Che cco na coscia stea miezo sciancato.

Tan-

XXIX.

Tanto che cquanno llo ro po venettero ,
 Trovaieno li festine già scompute ;
 Ch' era longa la strata , che ffacettero ,
 E llo ro adaso adaso erano jute ;
 Otr a ca nquanno nquanno se nce jettero
 Fremmanno , comme cierte addebbolute
 Vanno facenno spisso pe la strata ,
 Che te fanno asci ll' arma ogne pposata .

XXX.

Co ttutto chesto asciaieno na refuglia
 De presutto , e no po de sottestato ,
 Che Dejana , co n' aota rommasuglia ,
 Pe li cane de caccia avea stipato .
 Llo ro nce l' abbistaieno , e cco la bbuglia .
 Se l' asciuttaieno miezo arrefreddato ;
 E stotate di lampe d' amarena ,
 Pe n' esse viste , votaieno carena ;

XXXI.

E sse mettettero a bbedè jocare
 Cierte , che se faceano n' Aseniello ;
 Ma nche arrevaieno , s' appe a sforzetare ,
 Pe na mala jocata , no greciello ,
 Che ssi non se vedea Giove spontare ,
 Cier to nce soccedea no gran maciello :
 „ Vi che ffa lo ghiocà , quanno lo mmusto
 „ Ncigna lo primmo vullo int' a lo fusto !

XXXII.

*Se spassavano a ll' Aseno sti sette ,
 Mercurio , Febbo , Pallade , Gionone ,
 Vennera , Marte , e Bacco ; e sse scoprette
 Lo trejunfo a ddenaro . A no pontone
 Stea Bacco , e avea la mano . Joca , e scette
 Co Rrè de coppa . Mercurio mbroglione ,
 Che ll' Azzo mmano a Pallade allommaje ,
 Co tutto ch' avea coppa , lo fagliaje :*

XXXIII.

*Ponticcio a ll' ognà . Essa se fa corriva .
 Ched' è Ssegnora ? E cche bbo esse ? Aveva
 St' Azzo , e mme ll' haie fagliato . Ora , va arriva
 A ssapè chesto , ca no l' accedeva .
 Benissimo : jocate . Spata . E bbiva ,
 Se vota Marte , chesta ccà bboleva ,
 Ca ne' aggio tanto n' Azzo . Spata , spata ,
 Tutt' hanno spata , e bbene la jocata :*

XXXIV.

*Sette mazza . Gionone mette ll' Azzo ,
 E Bacco nce lo faglia . Che ccrejanza ?
 Ch' era lo vuosto ? Vi ca no nce passo
 Pe sta carata , sa Si Sancio Panza :
 Ca si va a ccoffejare , ve repasso
 Quanta site , e bedimmo chi ne' avanza :
 E' stato sbaglio . Dì , ch' è stato vino ,
 Ca fiete , che ne' ammuorbe , e nne staie chino .
 Bac-*

XXXV.

Bacco ha Rrè de denaro , e sse lo vatte :
 Torna pe ccoppa ; e Bennera nce passa
 Cavallo de denaro , e ssa ciert' atte
 A Marte : issò avea ll' Azzo , e nce lo lassa.
 Gionone , c' ha la Donna , s' auza , e sbatte
 Le ccarte : De malizia no mm' appassa
 Manco patremo . E Bacco : No strellare ;
 E' ffemmena , e besogna rispettare .

XXXVI.

N' abbastanza ll' esse femmena : besogna
 Effere tale femmena , respose
 Gionone : la sia Vennera ! E bbreogna ,
 Che ecà ncoppa se sentano ste cose ,
 S' auza Febbo . Issò vo , ch' io lo sbreogna ,
 Lebbreca cbella , e pprimmo che se sose ,
 Te lo janchejo . Zitto , ca n' è nniente :
 Vi ca nc' è lo marito , che te sente .

XXXVII.

Che mmarito , e mmogliera ? Aggio a li bbene
 A essa , e a cchi nne vo peglià le pparte ,
 Giù la mano , ca nc' è chi te nce tene
 Vattuta , e rrebattuta ; (sferra Marte)
 Si la defenno , è mmeglio assaie de tene .
 Jodicio de Pacchiano . Atta de ll' arte !
 Si no mme vene voglia de .. Ma venne
 Giove a ttiempo da dinto , e sse mantenne .

XXXVIII.

Selleno , che bbedette ntrozolato
 Ll' ario de mala chella , pe ppaura
 De sgarrà co sta bbuglia lo ffelato ,
 Se fa mnanze : Avarraggio la fortuna
 D' essere pe sta sera conzolato ?
 Si , disse Giove : Eilà ? Stamm' a la scura ?
 Luce . Terate segge . Via Segnure ,
 Ch' aggio besugno ccà de conzurture .

XXXIX.

Mente stea Giove pe ccontà lo fatto ,
 E già fatta nc' arvea na gra rrascata ;
 Se vedie trasì dinto , mmitto nfatto ,
 Na Ddea vecchia , che bbenea appojata
 A no Ddio vraccolillo , e cchiatto chiatto .
 Che bella cocchia ! Chella nzesetata
 Steva pe la vecchiaja , e ghiea caddenno ;
 Chisso stea nzallanuto , e ghiea mmesstenno .

XL.

La primma era la granne Asenetate ,
 Che pportava na coda de seie canne
 Dereto a lo mantò : ncapo nzeppate
 Doie recchie arvea , ch' a mmesura de ll' anne ,
 Ch' arvea campato , s' erano allongate .
 Ll' auto era Bacco , ch' a' li strille granne
 De Marte , e dde Gionone ; a ffa licette
 Era juto nzì abbascio , e la sagliette .

Mme-

XLI.

Mmederla Giorze, subbeto s' anzaje
 Da lo pizzo, affettato addove steva;
 Agnùn' auto, passanno, la ncrenaje:
 Ma chella a mmala pena se morveva;
 Po se nne jìe deritto, e s' affettaje
 A cchella stessa seggia, che sserveva
 Pe lo Rrè de li Dcie: fice affettare
 Tutte ll' aute, e ccosì ncignaie a pparlare:

XLII.

Figlie (ca figlie mieie pozzo chiammareve,
 Mente sulo pe mme vuie sife nate)
 Io fuie chella, ch' a ll' ommo d' adorareve
 Le mise ncapo, e ppe mme ccà ve state:
 Ca si non era io, ch' a sfravecaveve
 Ste ccase nzerretava ssi cecate,
 Ll' uocchie avarriano apierte, e ccanosciute
 L' arrure, vuie sarrissevo perdute.

XLIII.

Mperzò a l' Ascenetà vuie mo devite
 Tutto chello, che ll' uommene ve fanno;
 Anze ll' essere stisso, e cquanto avite,
 Chi ve l' ha ddato: io schitto, e mo ve nganno;
 E ppe mme affecorà ve potarrite,
 Ca pe nzì a ttanto ch' asene sarranno
 Ll' uommene nterra, vuie sarrite ammate;
 E ccomm' a Dcie servute, e bbenerate.

XLIV.

Si chësto è bero , comm' è cchiù che bero ,
 E mmaie da nullo ndubbio s' è mmettuto ;
 Vo la jostizia , ch' io da vuie nne spero .
 Chello , che buie da me nn' avite avuto .
 Ma io non voglio tanto : auto mpenziero
 Non aggio , che d' avè no po d' ajuto :
 Si chësto puro mme sarrà nnegato ,
 Ll' avere fatto a bbuie , che mm' ha frottato ?

XLV.

Mara me , ch' aggio ditto ! Dobbetare
 Comme maie pòzzo de sti figlie mieje ?
 Che lo ffacciano ll' uommene , assa fare ,
 Ma ccà non se sa manco che ccos' eje ;
 Ch' ogn' ato vizio sè ponno vantare
 D' avè mparato llozo da li Deje ,
 Fore che cchisso , d' esse scanosciente
 Co li benefatture , e li pariente .

XLVI.

Pe cchësto mo , sicura de la razia ,
 Ve preo a ttutte quante de soccorrere
 Li ciucciarielle mieie , che na desgrazia
 Da li Griecce mo mmo stanno pe ccorrere .
 Venite , e non facite , che se sazia
 L' arraggia llozo , e a llava aggia da scorrere
 Lo sango de ssi povere ascnielle ,
 Che ssi a mme figlie , a bbuie ve so ffratielle ,
 Mam-

XLVII.

*Mamma mia, quanno maie, le responnette
 Giove, nuje aute simmo state sgrate
 Co cchi na bona razia nce facette?
 E cco tte, che nc' aie propio ferrettate,
 Comme se dice, co ccippe, e mmanette,
 Vuo' che ssimm' accossì? Simmo obbreccate
 De spennerce lo sango, e cquanto avimmo,
 Ca quanto nc' è, da te lo ccanoscimmo.*

XLVIII.

*E ppe te fa a bbedè quanto nce mporta
 De sarvà li fratielle, baie da sapere,
 Ca primmo, che spontasse da la porta,
 Nuie nc' eramo. acchiattate, pe bedere
 Che s' aveva da fare, e dde che sciorta
 Trattà ssi guitte; e ffarle no piacere,
 Che no l' è stato fatto da la mamma,
 Ch' abbesogna che ssia na gran Quarchiamma.*

XLIX.

*No nce vo niente, se votaie Vorcano:
 E' ppiso mio de te le ccastecare.
 Mo na rezza de ferro, mano mano,
 Da li Cecrope mieie faccio stampare,
 E tte le nchiappo abbista; e cquanno mmano
 Po ll' avarraie, fa chello, che te pare.
 Che rrezza, e ttrezza? baie da ncappà n'auciello?
 (Repreca Marte) sempe simmo a cchello.*

Zit.

L.

Zitto, Vavone mio, ca n' è ppe ttene
 De parlare de machene de guerra:
 Va a ffa tripete, e spite; e llassa a mmene,
 Ch' è arte mia, de manejà la sferra.
 Tu co rrezze, e ggajole te nne viene,
 E ccà nce vonno mazze, comme terra:
 Lassa fa a mmene, ca nfra capo, e ccuollo
 Le schiasso na cagliosa, e tte le zollo.

LI.

Annettateve, già ch' avite fatto,
 Guappune mieie, Giove le responnette:
 Si Marte mio, non serve sso sbaratto,
 Pe ccastecà ssi cacapozonette.
 Sarraggio muorto già, che nnitto nfatto,
 Co na quatra de frùole, e sfajette,
 Non pozza fa canosce a ssi smargiasse,
 Ca nce stongh' io, pe le staglià li passe?

LII.

Lo guaie n' è cchisso; e già ve site puoste
 A mpennere, e squartà, senza penzare,
 Cà s' ha da fa cò ccierti capotuoste,
 Che m' ogne ccunto la vonno spontare:
 S' io mo, peglianno ssi conziglie voste,
 Mammo sse cquatto gatte a ccarrejare
 Lotamma co na bbotta; se starranno
 Ll' aute cojete? E' llesto: peo farranno.

LIII.

Lo ffanno ? (disse Marte) e nuie che s'immo
 Ciunche, ch'abbista non te le sgorgiammo?
 Si, Giove lebbrecaie, jammo, accedimmo
 Tutto lo Munno, e ppo comme restammo?
 E non saie, ca si ll'uommene perdimmo,
 Nuie deritto a lo ponte nce ne jammo
 A bbotà ossa? Si n'avimmo a llo ro,
 De chi restammo Deie? de l' antecoro?

LIV.

Otra ca po, co ttutto ca no Munno
 Avite sano sano de perzune,
 Co cchi spassà nuie ve potete attunno,
 Quanno patite de male de lune;
 Co ttutto chesto, sempe no zeffunno
 Siente ccà ncoppa; sempe a ccofestejune
 Facite nfra de vuje: e cche sfforria,
 Si lo Munno pe buie no nce sarria?

LV.

Dice buono lo Gnore veramente,
 S'auza Mercurio, è no gran cervellone.
 E ppo ve pare cosa da prodente,
 Che sfaccia uno de nuie st'accesione?
 „ Quanno fa grazia, mosta allegramente
 „ La mano, che la fa, no saracone;
 „ Quann'ha da castecà, lo llassa fare,
 „ Issò puro lo ffa, ma no nce pare.

Pe cche-

LVI.

Pe cchesto, pe ssarvù , comme se dice ,
 Li cavole , e la crapa ; da na banna ,
 Si s' hanno a ccastecà comm' a nnemnice ,
 E dda n' aota , n' è buono , che le scanna
 Uno de nuie ; pe mmantenerle ammice ,
 Che s' ha da fa ì besogna , che se manna
 N' ommo , che sserva pe ffare lo bboja ,
 Ca tutta la desgrazia sarrà ssoja .

LVII.

E' lo vero , pe ll' arma de Messere ,
 Disse l' Asetate , dice buono .
 Accossì s' ha da fa : ma sti penziere
 Chi se le ppiglia , d' accordà sto suono ,
 Azzò che st' ommo abballa ? Stà a bbedere ,
 Disse Mercurio : io carreco sto truono ,
 E buie ve sentarrite da ccà ncoppa
 La bbotta , che ffarrà , quanno po schioppa .

LVIII.

Chesto non po jì meglio pe na via ,
 Se vota Giove , ma pe n' aota sgarra :
 Se ll' ha da dà na bbotta , ma che s' sia
 Na bbottecchia de mazza , e non de varra .
 Che bboglio di ? La ntenzione mia
 E' de toccarle schitto la zimarra :
 E' buono , che nnuie simmo rispettate ,
 Ma n' è buono ; che rrestano scannate :
 Acche-

LIX.

A cchesto so cco ttico : si te pare ,
 Potimmo fa na cosa , le respose
 Mercurio . E cche ssarria ? Jammo a ttrovare
 Una de chelle , che co ccerte ddose ,
 Co ccerte mmagarie , che ssanno fare ,
 E cco ddi parolelle , e aote ccofe ,
 Te fanno n' ommo arreventà porciello ,
 Na vrecchia , no cavallo , o n' arvosciello ;

LX.

E dda chesse , pe scagno de la ntosa ,
 Che le vorriamo fa , te le ffacimmo
 Trasformà tutte ncicce : co sta cosa ,
 Nuie co ll' annore nuosto rommanimmo ,
 Lloro se sentarranno sta cagliosa ,
 Nce restarranno ammice , comm' apprimmo ,
 E lloro , co li ciucce conzarvate ,
 Starranno , e ss' amarranno comm' a sfrate .

LXI.

Bene , bene , resposero , bellissimo ,
 Tutte li Deie : ll' haie propio annervenata .
 Oh comm' è bbona ! Via jammo a ppelissimo .
 No nce vo auto . Certo , ll' haie ncarrata .
 Non se po fa cchiù bella . Va bravissimo .
 Quanto la truove meglio ? Ll' haie nzertata :
 Si no mmalora . O bravo ! Va nc' arriva .
 Viva sempre Mercurio , Viva Viva .

E, ccon-

LXII.

E, cconcruso accossine, se scompette
 Sto gran conziglio. Giove s'accostaje
 Nnanze a l' Afenetate, le projectte
 La mano, e nzi a le ggrade l'appojaje.
 Vastanzì ccà. No mporta. Eh Uscia me mette
 Nzoggezzione. Nol farraggio maje.
 Via mò, ca mme ne scenno chiano chiano.
 P' obbedireve. E le vasaie la mano.

LXIII.

Tutte ll' aute, nche bbedero scompute
 Ste zeremonie, se lecenziajeno;
 E ppecchè steano tutte mieze jute,
 Ca fue brutta la scigna, che ppigliajeno,
 Nche arrevaieno a le ccase, appagliarute
 Ncopp' a li matarazze se jettajeno;
 E llà chi se mettette a bbommecare,
 E cchi, comm' a scannato, a rronfejare.

LXIV.

Sulo Mercurio, che se mantennette,
 S'abbiaie co Selleno a mmano a mmano;
 E ppe la via lo ttutto le decette,
 Ch' avea da fa lo. Rrè dinto Gragnano:
 Po le die no vassillo, e sse nne jette
 Chillo addò Varvajanca chiano chiano;
 Issò cchiù llieggio de chillo, che squaglia,
 Co no vuole fue dinto a la Tessaglia.
 Scompetura de l' Arragliata Decemaseonna.

D E L A
CIUCCEIDE
 A R R A G L I A T A
 D E C E M A T E R Z A .
 A R G O M I E N T O .

Mercurio arriva dinto a la Tessaglia,
 E bba a pparlare co na vecchiarella
 De chelle, che ttenè chillo, che squaglia,
 Soleno nchiuso int' a na carrafella.
 Le dice, che pe ncoppa a la moraglia
 De Gragnano le faccia na cosella.
 Arrivano li Gricce, e banno attuorno,
 Pe ddà l' assauto, nninchè schiara juorno.

I.

TESSAGLIA è no pajese de lo Mimno,
 Che stà propio a lo Guorso de Zitunno:
 Attuorno ha de montagne no zeffunno,
 Che equase nnommenà manco se ponno:
 Nc'è Otirre, e Pinno, che lo Ddio, ch'è ghiunno,
 Sgargeia, quanno stà mpierno, e equanno ha ssuonno;
 E dda do scioscia la Terrazzanella,
 Nce so ll' aote montagne d' Ossa, e Pella.
A sto

II.

A sto luoco, da tanno che nce stette-
 Chella bonora nera de janara,
 Che, pe ggabbà lo Suocro, lo vollette,
 Comm' a bballana, dint' a na caudara;
 Da chillo tiempo no nce rommanette
 Na vecchia, che non fosse fattocchiara.
 Che ddico, vecchia? nzi a le ppeccerelle
 Se mmezzaicno de fa le ppopatelle.

III.

E ffuieno tanta le ffattocchiarie,
 Che, scurisso, chi schitto se nzomava
 De notte pratecà pe cchelle bie,
 Ch' auciello auciello, abbista nce ncappava;
 E ghiuto mmano a cchelle brutte Arpie,
 Chi da ccà, chi da llà lo storzellava
 De muodo, e dde maniera, che lo scuro
 Non servea manco pe ttrapanaturo.

IV.

Po de chi nne faceano no cavallo,
 No voie, na vaccarella, o no vetiello:
 Cert' aute arreventavano no gallo,
 Na vrecchia, na cestunia, o n' arvosciello:
 Chi na seggia, chi ciuccio, o pappagallo,
 E cchi no pappamosca, o no porciello,
 E ttutte nzomma d' uommene perdevano
 E bboce, e ccuorpo, e n' auto nne vestevano.
 Mper.

V.

*Mperzò si cammenavano, pe sfortura
 Pe cchelle bie trovarve na Cajazza,
 Potirve di: Sta bella criatura
 Fuie na femmena cierto; e sta vociazza,
 Co tutto ca n'è ffemmena, le dura:
 E ssi a rrevota te mettea na chiazza,
 Quanno stea a ttatanà co le ccompagne;
 Mo te nfetta ste ssirve, e ste ccampagne..*

VI.

*Si scontrave no Ciuccio a no pontone
 Carreco de lotamma, e dde monnezza,
 Potirve di: Chist' era no recone,
 Vi addò so li zecchine, e la recchezza?
 Si vedirve volà no Sporteglione:
 No mbi chist' auto? e ssa che fina pezza
 Era lo bene mio? lo marranchino
 Ascea de notte, pe ghiocà d' ancino.*

VII.

*Si le ttele facevano li Ragne,
 Pe ncappà li moschille, che ppassavano;
 Puro accossì faceano a li compagne
 Chisle, che mmo so rragne, e le ggabbavano.
 Si lo ggrano pe mmiezo a le ccampagne
 Le Fformiche arroccchiavano, e stepavano;
 St' avarune porzì accossì ffacevano,
 Quann' a ll' aute arrobbavano, e nchindevano.*

N

Nzom.

VIII.

Nzomma, si nfensejava no Froncillo,
 Si zecchejava llà no Marvezziello
 Si zio zì facea no Sorecillo,
 Si mbè mbè respomea no Pecoriello,
 Si t'abbajava ncuollo no Camillo,
 Si sentive arraglià no Ciucciariello,
 Potive dire: Tutte st' anemale
 Eran' uommene primmo, e mmo so tale.

IX.

Na cosa schitto nc' era, che ppoteva,
 Co lo tiempo, sarvà sti sfortonate;
 Ca si a ll' aute cauzune se nne jeva,
 Primma de lloro, chella, che mmutate
 Ll' avea d' uommene mmeestia; se rompeva
 Subbeto la fattecchia, e rretornate.
 A la forma de primmo, se nne jevano,
 Senza che cchelle cchiù le ttrattenevano..

X.

Comm' a cchi na Tarantola ha schiaffato
 No muorzo, siente di a le becchiarelle,
 Ch' ogn' anno ha d' abballà lo sbentorato,
 Tutto chino de nocche, e ziarelle,
 Pe nzì che cchella, che l' ha mozzecato,
 No le faccia passà le ttarantelle;
 E nce le ffa passà, quanno na gatta
 Le fa no carezziello, e tte la schiatta.

Ma

XL

Ma si mbè chilli scure retornavano
 Vommene, comm' a pprimmo, se vedevano
 Fa certe cose, che s' allecordavano,
 Che, cquann' erano bestie, facevano.
 Ca si de chillo scuorzo se spogliavano,
 Chille costumme sempe mantenevano;
 Tanto che cchi era stato n' anemale,
 Ommo, e buono era puro bestejale.

XII.

Chist' era lo pajese, addò volanno
 Da lo Cielo Mercurio se nne jette;
 E ssenza che lo jesse revotanno,
 Pe trovà chelle fsemme nmmardette,
 Tutt' aonite l' asciaie, che ghiusto tanno
 Steano facenno cierte descurzette
 De lo cchiù, e dde lo mmanco, sotto voce,
 De notte, ncopp' a n' arvolo de noce.

XIII.

Sta noce era lo luoco, addò st' Arpie
 Se nne jeano de notte a cconfarsare,
 Pe bedè de che mmuodo, e ppe cche bie
 Poteessero lo Munno sconquassare;
 E ppe ffa meglio ste sfrabbottarie,
 Senza farene ll' uomme addonare,
 Quanno chille dormevano, pegliavano
 Deverze forme, e sse l' appalorciavano.

XIV.

Chi venea nforma de na Coccovaja,
 Chi pegliava de n' Ascio la fegura,
 Chi da Cuculo te faceva la baja,
 Chi da Cervetta te mettea a ppaura;
 E ttutte nzomma jeano a ffa ffa baja
 Nforma de chill' aucielle, ch' a la scura
 Te le bide ronna pe ssi pontune,
 Luccare, Varvajanne, e Sportegliune.

XV.

Ma chillo, ch' era auciello cchiu de lloro,
 E ssapeva da ll' A pe nzi a lo Rummo,
 E, a ffa nziemo co cchelle sto lavoro,
 Te ll' avarria portate summo summo:
 Ca mmano a isso se colava ll' oro,
 Anz' oro te faceva parè lo cchiummo,
 E ppe ffa mbroglie nne venea da metere,
 Tanto che nnulllo nce potea competere,

XVI.

Nche n' uocchio nce jettaje, e le bedette,
 Le ccanoscette a cchella ncornatura,
 E cco no pizzo a rriso le decette:
 Schiavo, Signore meie; che ggran fortuna
 E' dde Mercurio vuosto! Nche ssentette,
 Ch' era Mercurio, agnuna pe ppaura
 Restaie fredda, e ghelata; se schiaffaje
 Lo pizzo int' a le scelle, e ss' accovaje.
 Ched'

XVII.

Ched' è stato, che buie v' annasconnite ?
 (Le lebbrecaie Mercurio) so benuto
 A sservireve a tutte, ca mm' avite
 Da fa no gran piacere, e ddarme ajuto ?
 Saccio quanto mm' ammate, e cche ppottite ;
 • Ca da no piezzo v' aggio canosciuto ;
 Mmperzò stammo nfra nuie da frate, e ssore,
 Azzeccateve tutte, anemo, e core.

XVIII.

Co sto pparlare agnuna jìe caccianno
 La paura da dinto a le bodelle ;
 E ccomme se nce jeva affecoranno,
 Jea caccianno lo pizzo da le scelle :
 A lo rretto, zompanno, e scellejanno
 Da ccà, e dda llà pe cchille ramoscielle,
 S' aonieno tutte ncoppa a cchillo rammo,
 Addò Mercurio stea, comm' a rrechiammo.

XIX.

Nche le bidde azzeccate, le contaje
 Chillo la guerra de li Sicijune,
 E tutto chello, che se consarfaje
 Nfra isso, Giove, e ll' aute Satrapune ;
 E all' utemo le disse : S' appontaje,
 Ch' una de vuie, co cchelle mmenzejune,
 Che so ssolete voste, avesse fatto
 Deventà agnuno ciuccio mitto nsatto,

XX.

Pe cchestà chi se fida , e lo ssa fare
 Lo sfaccia primmo , che se schiara juorno .
 Via su , mano a li fiere : A sto pparlare
 Tutte l'aucielle se votaïeno attuorno ;
 Po se mesero fitto a sgargejare
 N' Ascio , che stea cchiù ttuosto de no cuorno ,
 Comm' avessero ditto : Chist' è isso ,
 No nc' accorr' auto , no nte cagnà chisso .

XXI.

Panfela se chiammava , ed era chella ,
 Ch' a lo scuro Apoleio fice la festa ,
 Ma senza corpa ; ch' a la carrasella ,
 Che cchella tenea fore a la fenesta ,
 Si isso non avea l'artetechella
 De se nce jì a ssedognere , da chesta
 Desgrazia fuorze nne ssarria scappato ,
 E n' avarria lotamma carrejato .

XXII.

Ma , fosse soia la corpa , che credeva
 De fa no vuolo co cchell' onzione :
 Fosse de la Vajassa , che ddeveva
 Nformarse meglio de la mmenzione :
 Fosse de la Patrona , che ssapeva
 Quanto sti duje arveano ntenzione ;
 Vasta , ca essa avea st' arte a le mmano
 De fa arreventà ciuccio no pacchiano .

Ora

XXIII.

Ora chesta vedemmo, ca da essa
 Steano tutte aspettanno la risposta,
 Votatase a Mercurio, disse: Chessa
 E' na fatica, che ppoco me costa;
 Ma n' è cosa de furla co ssa pressa,
 Ca Febbo co lo carro già s' accosta;
 E ccà bisogna, che la notte stia
 Secotanno li grille a mmeza via.

XXIV.

Mperzò dimano a ssera vienetenne,
 Ca nce nne jammo a ssa sta funzione;
 E ssi non pnoie venire, vavattenne,
 Ca resta a ppiso mio sta mmenzione:
 Mme nne vao co no vuolo int' a le ttenne,
 E ssedognemmo co no carrafone,
 Che mme porto co mmico, lo tterreno,
 Te le mmano volanno a mmagnà fieno.

XXV.

Nò, facimm' accossì: (le responnette
 Mercurio) azzò che ttoccano co mmano,
 Ca ncuollo sto malanno le chiovette,
 Pecchè bozero jì dinto Gragnano;
 Sto zuehillo bisogna, che lo jette
 Ncopp' a le mmura, azzò che mmano mano,
 Comme chille le beuno zompanno,
 Vengano tutte riucce arreventanno.

XXVI.

Chesto mo a gusto tuo, le disse chella,
 Già che tu vuò accossì, accossì bogl'io.
 Governate. Orsù fa, che rresca bella
 La mmenzione. E' penziero lo mio
 De servireve a ttutte a barda, e ffella.
 Schiarvo. Obbreccato. A lo commanno. Addio.
 E bolato Mercurio, se scompette
 Sto pisse pisse, e agnuna se nne jette.

XXVII.

L' Aurora ntanto, che s'era addonata,
 Ca li cavalle co 'lo carrettone
 D' Apollo già s' avevano pigliata
 La mano, p' ascì fore a lo portone;
 Non-sapenno che ffa, s'era affacciata
 Tutta arrossuta ncoppa a no barcone,
 E stea da llà nfettanno miezo Munno:
 Aparate, aparate sto zeffunno.

XXVIII.

Quanno li Sicilene comparettero
 Sott' a Gragnano, mmiezo a na chianura;
 E ffuieno tanta, che nce nne venettero,
 Che ccreo, no nce restaie na criatura
 Dint' a le Terre llozo, nce ccorrettero
 Le mmogliere, e le figlie; e ppe sfortura;
 Nzì a cchi non potea scì senza stansella,
 Nce fuie portato a mmammara, e mocella
 E mi

XXIX.

E m'aveano ragione, ca penzavano
 De nce jì a ffa na festa into Gragnano :
 Pocca lo mmanco, che se smacenavano,
 Era d' avè co cchille a ccaccià mano ;
 E dd' auto pe la strata non parlavano,
 Che de banchette, e farse no tiano
 Tutto de capezzale, e ffecatielle
 De pollaste de ciuccio, e stentenielle :

XXX.

Ma li papurchie, che s'aveano fatto
 Male lo cunto senza tavernaro,
 Non sapeano, ca jervano de chiatto,
 Quanno credeano aggliotterse lo maro :
 Penzavano de fa no buono acceatto,
 E ghiocarse li cince a pparo, e sparo ;
 Ma po co na codella se trovajeno,
 Che pe cquarch' anno se la strascenajeno.

XXXI.

Musa tu, che lo mese, e ffaie lo juorno,
 Che sfocedette sto caso de chiappo,
 E ffaie ll' anne, la facce, e lo controrno
 D' agnuno, che nce jette a ffa lo guappo ;
 Fa, sore mia, ch' ia scompa sto taluorno,
 Che nun' ha sforduto, e llevame sto tappo :
 Ca si sta vota me nne ueo asciuto,
 Te mpromeecco da mo de farne tutto.

Era

XXXII.

Era jùsto lo primmo de lo mese,
 Che ffa mette nzoperbia li Vastase,
 Ca lo carrino tuo va no tornese,
 Quanno le cchiamme, pe sfrattà le ccase;
 E pp' uso, e ccostomanza a sto paese
 Se janchejano puro le pprevase,
 E strellà pe le strate, nzi a le pprete,
 Non sient' auto, che: Gbiettalo, ca fete.

XXXIII.

Quanno li ciucce veddero da fore
 Spontà n' alarbaria de spellecchiune,
 Che beneano facemmo no remmore,
 Comme fossero vespe, o moschegliune.
 Chi jea ncammisa, e cchi a lo cosetore
 Avea lassato mpigno li cauzune,
 Chi scauzo, chi ncaruso, e cchi portava
 Na tabbanella, che te pernejava.

XXXIV.

Venea primmo na mmorra de sordate,
 Ch' avarria fatt' a ppunia co la morte;
 Gehnte de fazzejone, e ddesperate,
 Che ssubbeto vengano a ll'arme corte:
 Deceano, ch' a lo mmanco erano state
 N' anno ncomposta int' a l' acito forte;
 E, ccomm' a ppeparuolo, russo russo
 Portavano lo naso co lo musso.

Chi-

XXXV.

Chiste jeano ncaminisa, e non servavano,
 Ch' a sfarese na bona ponejata;
 E mmare a li nnemmite, che mmeslevano,
 Ca, nche ll'erano ncuollo, na granfata.
 A pprimma botta nfacce le mettevano,
 E a ccance, e a mmuorze po, a la desperata,
 Nne faceano na pizza, e l'ammallavano,
 Tanto che mmieze muorte le lassavano.

XXXVI.

Secotejava po na compagnia
 De gente de tracolla, e dde scoppetta;
 E arreto a cchiste n'ata frattaria,
 Tutta d'arrancia, e ffuie, de sciippa, e gbietta;
 Veneva appriesso la cavallaria,
 Ch'era de mariuole na scoglietta:
 Viato a cchelle tterre, pe ddo passa,
 Ca manco lo tterreno no nce lassa.

XXXVII.

Passata chesta, miezo nfracetato
 Venea lo Capetanio Cennerale;
 Tenea ncapo na pezza pe ttocato;
 Ch' uno asciuto pareva da lo Spetale:
 No pede, co na gamma avea nfasciato,
 E ncanna le pennea no varvazzale
 Chixo de nozzolelle; e cchi le bocde,
 Le ppassaie tutte pe ppostome fredde.

XXXVIII.

Lo teravano dinto a na carretta
 Na mula, e no cavallo scortecone :
 Tenea accanto la spata, e la moletta ,
 Lo scuto , l'aurinaro , e lo pistone :
 Nzomma dinto nce stea nzì a la cascetta
 Lesta , chi sa , pe cquarche accasione ,
 Che dda dinto no sciauro nne scappava
 Da quanno nquanno , che te conzolava :

XXXIX.

Attuorno a isso se vedea lo sciore ,
 L'accoppatura de li smargiassune ;
 Tutte jeano vestute a no colore ;
 Tutte aveano le spate , e li bastune ;
 E ttutte , nche ssentevano l'addore
 De lo zuchillo co bi maccarune ,
 Menavano le mmano a ttunno a ttunno ,
 Nzì che no nne vedevano lo funno .

XL.

Mmiezo a l'oro de Grecia la bannera
 Venea , comm' a no luoco cchiù ssecuro ;
 Ch' era na pezza nquatro , de manera ,
 Che pproprio te pareva no moccaturu ,
 Ma de chille a ddoie facce ; sotto n'era
 Na lenza de colore chiaroscuro ,
 Che ddinto sta settenzia nce stea scritta :
 „ Non se sa qua è la smerza , o la deritta :
 Chlu-

XLI.

Chiudeva po st' aserzeto na folla
 De femmene, de viecchie, e ppeccerille:
 Chi portava no citolo nfasciolla,
 Chi se spassava co li strommolille,
 Chi venea arrepezzanno na tracolla,
 Chi jea cosenno, e cchi facea pezzille,
 Chi pazzejava co no pecoriello,
 E cchi s' accarezzava no porciello.

XLII.

Chist' erano li Grieco, che benettero,
 Pe se magnà li ciucce sbentorate;
 Ma nche nfacce Gragnano se vedettero,
 Posaieno tutto nziemo; e rreterate
 Da ll' aote li Qualisse, se mettertero
 Sott' a ciert' arvoscielle, addò affettate
 Se stettero no piezzo a cconfarfare,
 Pe bedè chello, che s' aveva da fare.

XLIII.

Decea lo primmo: Io songo de parere,
 Chè s' aggia a ddà l' affanto a sta pedata,
 Azzò che ppo no nc' aggia a ddespiacere.
 D' avè perza, pe nniente, sta giornata:
 Ca certe bote, pe lo stà a bedere,
 Se sole sgarrà tonna la colata;
 Mperzò mo propio, comme nce trovammo,
 Movimmoce, corrimmoce, e zompammo.
 Ched'

XLIV.

Ched' è ssa pressa? (responneva n'auto)
 Sotta correzzione, no mme pare,
 Che s'aggia mo da corre a ddà st' assauto:
 Nuie stammo stracque pe lo ccammenare,
 Nce vò no po de forza a ssa sso sauto;
 Si non facimmo primmo arreposare
 Pe no juorno, a lo mmanto, sti sordate,
 Comme ponno zompà, si so spedate?

XLV.

Ch' avimmo da zompà carche Castiello?
 (Repegliava lo tierzo) no le bide
 Sse ggra mmoraglie? co no zompetiello
 L'accuoppe meza canna, che te cride?
 Non so sseie parme; e cco no passetiello
 Si de trasirce dinto no nte fide,
 Sarraie siseto, ciunco, e stroppejato,
 O da tre ghiurne n'avarraie magnato.

XLVI.

Segnure mieie, decea lo Caporale,
 Pe mme non saccia, che bonora avite?
 State a ssenzi. La caosa prencepale
 De non dà mo st' assauto, che ddecite,
 Non è, ch' a li sordate le fa male
 Ll' uosso pezzillo, comme ve credite;
 Ca a zompà chelle mmura è na freddura,
 E lo sfarria porzì na criatura.

Ma,

XLVII.

Ma, p' ogni bona regola de guerra;
 Besogna primmo, che ghiammo vedенно
 La despossezzione de la Terra:
 Ca a nme, pe ve la di, comme la ntenno,
 Mme dà che sospetà, ca no nne sferra
 No ciuccio da llà ddinto; e non comprenno,
 Comme a tanta remmure, che ffacimmo,
 Non s' affaccia uno, pe bbedè chi simmo.

XLVIII.

Chi fa che nce po esse lloco sotta?
 Chi fa che marcangegna vonna fare?
 Mperzò non s' ha da correre de botta,
 Ma bisogna aspettà, pe la ncarrare.
 Stammo ccà pe ttutt' ogge a ffa la scotta,
 Pe bedè che ppò esse, e pp' assevare
 Li motive, che ffanno; e ppo dimano
 Nne cacciammo nne n' attemo le mmano.

XLIX.

Ment' isso stea parlanno, se vedevano
 Calà tutte la capo, e l' approbbavano;
 Po, quanmo appe scomputo, le decevano,
 Ca non potea di meglio, e lo ncenzavano;
 A lo rreto affollate le correvano
 Ncuollo, e tte l' abbracciavano, e basavano;
 E isso mmiczo puosto mperecuoccolo,
 Pe la prejezza se nne jera pzuoccolo.

Po

L.

Po se nne jieno tutte, e sse mettette
Aguano pe spià chello, che nc'era;
Ma nce perdìe lo tiempo, ca nce stette,
A ffa sta penetenzia nzi a la sera,
E dda dinto Gragnano no nn'ascette
Manco na gatta. E dde chesta manera,
Avìe la fattocchiara tiempo, e lluoco
D'addecrejarle a ttutte pe lo bruoco.

Scompetura de l' Arragliata Decematerza.



DE

DE LA
CIUCCEIDE
 ARRAGLIATA
 DECEMAQUARTA.
 ARGOMIENTO.

Panfela se fa n' Ascio, e a mmeza notte
 Va la fattecchia a ffa ncopp' a le mmura.
 Se dà a ghiuorno l' assauto, e 'nquatto botte
 So ncappate li Griece a la fattura,
 E nc' abbuscano certe ppoco zotte.
 Ncapo de tiempo cagnano fortuna,
 Tanto, che ppuoste ncascavallucce,
 Konzervano la Reggia de li Ciucce.

I.

LA Notte, che mpararse de pettura.
 Maje a la scola non avea potuto,
 Vedenno, ca nc' avea na gran fortuna
 Lo Sole, e cch' a ppettà nc' era rescinto;
 Pe ffarle no despietto, era a la scura
 Juta nfacce a no quatro, addò scomputo
 Nc' aveva chillo de pittà lo Munno,
 E scacanno lo jea da capo a sfunno.

O

Quan.

II.

Quanno la fattocchiara , ch' aspettanno
 La meza notte stea co ll' ova mpietto ,
 Vedenno , ca già n' ora stea toccanno ,
 Se sosie , zitto e mmutto , da lo lietto ,
 Addò stea lo marito ronfejanno ,
 Ed a la nnuda s' accostaie depietto
 A na fenesta , addò tenea stipate
 Tutte le ccarrafelle percantate .

III.

Nne piglia una , nne leva lo stoppaglio ,
 E nne devaca dint' a n' arvariello
 No po d' agniento , verde comm' a n' aglio :
 Po dà de mano a no carrafonciello ,
 Secala , e cco no capo de sguinzaglio
 Se l' attacca a no pede , s' auxa , e cchello ,
 Che ddinto a l' arvariello avea colato ,
 Lo mmesca co n' at' uoglio mmalorato .

IV.

E ssedontane ll' una , e ll' auta mano ,
 Se le scerega nziemo ; e nche le bede
 No poco caudolelle , chiano chiano
 Se un' onta da la capo nzì a lo pede .
 Fatto chesto , scommoglia no tiano ,
 Piglia no po de grasso , e cco no pede
 D' aruta secca , che ttenea a la chiocca ,
 Se nne fa na stezzella cadè mmocca .

E bbec-

V.

E bbecco, nnitto nfatto, che ttremmamo;
 Pecune, e ppenne pe la vita ll'esceno:
 S' arronchiano le braccia, e sse nne fanno
 Doie scelle, che se schiegano, e ss' aonesceno:
 Ll'ogne a li piede se vanno allonganno,
 E mponta, comm' a ccrocco, s' appezzesceno:
 Se le niosta lo naso, e scenne abbascio,
 Le commoglia la vocca, e sse fa n' Ascio.

VI.

Fa no zumpo, e bà ncoppa a la fenesta,
 Po se lanza de botta, e scappa fore:
 Rape, e nzerra le scelle, e llesta lesta
 Se jetta co no vuolo, che nquatt' ore
 La porta, addò s' avea da fa la festa.
 Nchè sso arreвата, senza fa remmore,
 Piglia co ll'ogne lo carrafonciello,
 Che s' attaccaie, primma de farse aucielo:

VII.

Nne scippa l' appelaglio, e cco lo pizzo
 Lo scioglie da lo pede; e ppo volanno
 Pe ttutte chelle mmura, p'ogne ppizzo,
 Pe ddo cammina, nce ne va scolanno
 No pocorillo, anzi ch' a stizzo a stizzo
 Se jie lo carrafone devacamo.
 Devacato che ffuie, lo jetta ntterra,
 Ammarcia, torna femmena; e sse nzerra.

VIII.

*Mente la fattocchiara attuorno attuorno
 Se nne jerva facenno sta fattura;
 Li scure Siciune, che lo juorno
 N' aveano visto nullo pe le mmura,
 Dapò d'avè gerato lo contuorno,
 Affecorate, ca pe la paura
 Chille stevano nchiuse, se mettertero
 A ffa no scialatorio, e ss' addormettero.*

IX.

*E nche ghinorno schiaraie, nche se sentette
 Lo tappa tappa de li tammorrine,
 E lo ntantarantà de le ttrommette;
 Zompaeno leste da li strappontine,
 E ccevatese tutte le scoppette,
 Confortatese primmo le stentine,
 Se mettertero tutte nn' ordenanza,
 Pe ddà l' affauto, e vrompere sta lanza.*

X.

*Ma nnante, che nnesciuno se movesse,
 Le voze fa lo Capo na parlata,
 Azzò ch'agnino de li suoie corresse
 Co cchiù spireto a ffa sta gran frettata;
 E mmiezo a ttutte, pecchè lo sentesse
 Tutta la gente, che stea squatronata,
 Ncoppa a no montonciello se mettette,
 S' acconciaie lo toccato, e ppo decette:*

Figlie,

XI.

Figlie, ammecciuone mieie, cammaratune,
 (Sordate nò, ca sempe simmo state
 Anema, e ccuorpo) quanta secozzune,
 Quanta schiaffune nuie nc' avimmo date
 Da ch' eramo tantillo? e ppo, guagliune
 Vi si nn' avimmo fatt' a preteiate
 A lo pajese nuosto? e cquanta notte
 Nce l' avimmo scialate int' a ssi cotte?

XII.

Simmo cresciute nziemo, e mmo ccà ppuro
 A ccommattere nziemo nce trovammo,
 Ma a ccommatte co cchi? no po de muro
 S' ha da zompare, e ppo nc' arrecettammo.
 Eccolo llà. Llà dinto a lo ssecuro
 Credeno stà li Ciucce: e nnuie, che ghiammo
 Scàlejanno le ccase, notte, e ghiuorno,
 Nce potarrimmo aggliottare sto scuorno?

XIII.

Nuie, che ppe no crapiccio simmo jute
 A scannarece puro co la Morte,
 Mo sbentrà quatto ciucce addebbolute
 Non potarrimmo, o nc' bà da sapè a ffort
 Pe cchisse lloco avimmo nuie perdute
 Tanta compagne; pe cchisse so mmorte
 Tanta povere gente; e nnuie, ch' avimmo
 Da vennecarle, no lo ffaciarrimmo?

XIV.

Ecco cca' attuorno (e ssi no le bedite ,
 Creditemello a mme ; ca le bbed' io)
 Cecio , Fonzo , che ttutte le ssapite ,
 Mase , Micco , Renzullo , e ttata mio ,
 Che so mmuorte pe llozo ; e ttutte agnite
 Strillano : Che ppenzate ? Che ggolio
 Avite de sarvà chi ne' ha scannate ?
 Corrite , vennecatece , e zompate .

XV.

Accossì ve sconiurano , e cchiagnenno
 Ve mostano lo sango , e le sferute :
 Jate , dice la Patria , a la ncorrenno
 A vennecà sti figlie mieie perdute .
 Jate , dice .. Ma già ve vao vedенno
 Sghizzà sango da ll' uocchie , e rresolute
 De nne fa na venaccia : jate , figlie ,
 Jate , sparafonnate ssi coniglie .

XVI.

Ment' isso stea parlanno , chille avevano
 L' arteteca : geravano , e botavano :
 Mo jevano pe cchiagne , e sse tenevano ;
 E mmo co ll' uocchie'n Cielo sospiravano :
 Quanno se schiaffejavano , e cchiagnevano ;
 Quanno se mozzecavano ; e sbafavano ;
 E , nche avette scomputo , se lassajeno
 Ttte de furia , e sse precepetajeno .

Jea

XVII.

Jea nmanze uno strellamo: Mo vedimmo
 Chi sa zompà cchiù llieggio, e cchi cchiù bèle,
 E ccorze tanto, ch' isso fuie lo primmo
 A ghirse a dderropà: bell' anemale!
 Jogne a le mmura, fa no zumpo, e pprimmo
 De tutte ll' aute, pe non farse male,
 Schiaffa na mano ncoppa a la moraglia,
 Se jetta dinto, e ba a ttrovà la paglia:

XVIII.

Pocca, mminchè la mano nce mettette
 Ncoppa a cchillo zuchillo, e lo toccaje,
 Correre pe le bene se sentette
 Na cosa fredda fredda, e ss' agghiajaje:
 Na setola ogne pilo se facette,
 La pella comm' a ccuoiero se ntostaje:
 Se ntorzaieno le ddeta, comm' a spogna,
 E dd' ogne ccinco se nne fice n' ognà.

XIX.

Le rrecchie, che pprimm' erano tantillo,
 S' anchiettero de pile, e ss' allongajeno:
 Lo naso sprofelato, e peccerillo
 Se le squaquaracchiaje; e sse ngrossajeno
 La vocca, le mmascelle, e lo mussillo:
 De le mmano duie piede se formajeno:
 Ll' ascie da reto no scoppetteniello,
 E dd' ommo arreventaie no ciucciariello.

XX.

Ma peccchè cchesto vo le ntravènette
 Ncopp' a le mmura, ma a la via de sotto,
 (Pocc' a cchillo gran sauto, che ffacette,
 Nche le ttoccaie, se derropaie de bbotta)
 Nullo de li compagne lo vedette;
 E ccredenno, che cchillo avesse rotta,
 A lo mmanco, la capo a Barvaianca;
 De fa lo riesto le venea l' allanca;

XXI.

E a ddiece, a bbinte, a ttrenta se mettevano
 Tutte nziemo a zompà; ma nche ttoccarvano
 Chelle mmura mmardette, se vedevano
 Co tre pparme de coda, e ss' attassavano.
 Vcneano ll' aute appriesso, e ccomme jevano
 Cademmo, accossì ciucce arreventavano.
 Vennero tutte nzomma, e dde portante
 Se jettero a ffa ciucce tutte quante.

XXII.

Ica caccuno pe ddì: Chesso, ch' è stato?
 Se nce spremmeva, e non potea dì niente;
 Ma ll' uno a ll' auto, comm' a no ncantato,
 Non facev' auto, che ttenerse mente.
 Jeva pe ssosperà, ma chillo sciato
 Se lo sentea mbrogliare pe li diente:
 Lo volea scapolà, ma sentea nata,
 Ncagno de lo sospiro, n' arragliata.

Cbisso

XXIII.

Chisto fuie lo prencipio de li guaje,
 Ma no scompieno ccà ntutto, e ppe ttutto;
 Pocca sott' a le mmura se trovaje
 Na quantetà de Scigne, ch' a lo butto,
 Che ffice agnùno, quanno scravaccaje,
 Co no capo de funa, zitto e mmutto,
 A uno a uno te l' accapezzajeno,
 E nmanze a Barujanca le pportajeno.

XXIV.

Tutto chesto ll' avea, lo juorno nmanze,
 Fatto allestì Sellenno a la ncorrenno;
 Quanno, lassato chillo gra birbante
 De Mercurio, co cchi stea trascorrenno,
 Corrette de galoppo, e dde portante
 A cconzola lo Rrè, che stea chiagnemmo;
 E ppo, comme Mercurio le deceva
 Cacch' anta cosa, subbeto correva.

XXV.

Junte llà nmanze st' Afene novielle,
 Lo Rrè ordenaie, che ffessero attaccate
 Tutte quante de musso a l' arvoscielle,
 Che steano pe llà ntuorno pastenate:
 Addò chelle co ccierti mazgarielle
 L' ammatoraïeno bone le ccostate;
 Po, pe le fa passà lo mal' ammore,
 Tre ghinorne le ttenettero llà fflore.

XXVI.

*E la matina, quanno se sosevano,
 Pe la marenna te l'arrefrescavano:
 A ora de magnà se nne venevano,
 E n'ata vota te le cconzolarvano:
 La sera po, che mmanco se rejevano,
 Co no poco de paglia le nforzavano;
 E a lo ppartire, co cquatt' aote zotte,
 Le tornavano a dddà la bonanotte.*

XXVII.

*Passate li tre ghiurne, le sciogliettero,
 E le mmesero tutte a ffatecare:
 A cchi ncuollo na stola le facettero,
 Pe le fa pezzolamma carrejare;
 A ccierte le ccancelle le mettettero,
 E le pprete le ficero portare;
 Nzomma a ttutte toccaie no vejaggiello,
 Pe ffravecà le mmura, e lo Castiello.*

XXVIII.

*E ddoraïeno sta vita spremmentata
 Pe anne, e anne, tanto che scomputo
 Vedettero lo muro, e ffravecata
 Tutta la Terra: veddero fornuto
 Lo Castiello, e le Turre; e mmaie la strata
 Non se vedea d'avè no po' d'ajuto.
 Ma l'ajuto da chi volea venire,
 Si la Janara non volea morire?*

Seie

XXIX.

Seie vote a bisetà li Parzonare
 Era tornato lo Couciatanielle,
 Pe bbedè, primmo de se vennegnare,
 Li tenacce, le butte, e li copielle;
 E aute ttante, pe li Potecare
 S' erano viste ascì li carosielle,
 Che sserveno, pe ffarte nzallanire
 Dint à la casa, e ppeo, quanno uuo' ascire.

XXX.

Quanno, na notte, mente stea dormenno
 Varvajanca, Selleno l'apparette,
 E ddisse: Figlio, se nne va venenno
 Chillo tiempo, ch'io sempe te decette',
 Ca poteva venì: già stà facenno
 Le ppose chella scirpia, che ffacette
 La fattecchia a sti Grieco; e cco sta morte
 Li povertielle cagnarranno sciorte.

XXXI.

Pe cchesto no nte mettere a ppaura,
 Che t'aggiano da fà tanto de male;
 Ca si mbè tornarranno a la fegura
 De primmo, li costumme bestejale
 Non ponno maie lassare; e gran fortuna
 Credarranno la llozo, si pe ttale
 Sarranno canosciute; e v' amarranno,
 Comme v' ammano mo, che co buie stanno.
 Ma,

XXXII.

Ma, azzò sta cosa n'aggia a sforzetare,
 Pe sta Terra, quà ppoco de remmore,
 Dimano falle tutte scapolare,
 E dda le Scigne falle caccià fore
 Co na scusa, ca no nè hanno che ffare
 Cchiù lloco dinto; e, ppe mmostrarle ammore,
 Dalle a mmagnà, falle na bona cera,
 Mannamille contiente, e bona sera.

XXXIII.

Se scetaie Varvajanca, e rrommecanno
 Chello, che già Selleno ll'avea ditto;
 Co tutto, ca le dea no po d'affanno
 Sta mala nova, e lo facea stà affritto;
 Purg, fattose core, e cconfedanno
 A lo Varvone suio, se stette zitto,
 E le pareva mill'anne, che scompesse
 La notte, e cche caccià nne le ppotesse.

XXXIV.

E nno ntanto lo Sole s'era fatto
 A bedè pe le Turre, che cchiammaje
 Tutte le Scigne, e le ntemaie lo sfratto
 De li Ciucce: ma primmo ll'ordenaje
 Che ll'aveano da dà: po, co no tratto
 Veramente da Rrè, l'accarezzaie,
 E cco cciento parole n'zoccarate
 Nne le mmanmaie contiente, e cconzolate.
 Ma

XXXV.

Ma subbeto, che cchilli poverielle
 Se vedettero fora de la porta,
 Ncignattero a ffa ll' uocchie a ppesciarelle.
 Chiagneano, e ghiastemmavano la sciorta,
 Che spartì le ffacea da li fratielle,
 E ccagnà luoco. Vide quanto mporta
 Chello, che ddisse chillo Varvajanne,
 „ Ca ll' aosà, e fraosà so dduie malanne.

XXXVI.

Jeano pe ccammenà li sbentorate,
 Ma devano duie passe, e sse sentevano
 Tutte quatto li piede mpastorate:
 Nne devano duje aute, e sse vedevano
 Votà tutte la capo a la Cetate;
 E ppenzanno, ca lloro se nn' ascevano
 Senza speranza de nce retornare,
 Ncignavano da capo a ppeccējare.

XXXVII.

Tanto jieno facenno sso taluorno,
 Ch' a ppoco a ppoco se n' allontanajeno;
 E ghiusto a ll' ora de lo Miezojorno
 Stracque, dinto a no vosco, se trovajeno;
 E bedenno, ca nullo pe llà ntuorno
 Le ppotea sconcecà, s' abbarrucajeno,
 Chiagnenno, ncoppa a l' erva tennerella,
 E sse mesero a ffa la nonnarella.

A la

XXXVIII.

*A la stess' ora, a cchillo stisso punto,
 Che lloro s' addormettero, schiattaje
 Panfela la janara, e ghie a ffa cunto
 Co Mmenuosso de quanta me mpecaje.
 Caronte, co lo vuzzo unto, e besunto,
 Nche la vedde spontà, se ne' azzeccaje,
 La lanzaie co lo crocco, e nzicco nzacco
 La corze a ghiettà mmocca a Pparasacco.*

XXXIX.

*Morta chella, va trova la fattura,
 E bba a ttrovà cchiù ll' Afene addò stanno.
 Nnenattemo le torna la fegura,
 Ch' aveano apprimmo, ed uommene se fanno.
 Se scetano; e ffuie tanta la paura,
 Che le venette ncuorpo, che ttremmanno
 Restaièno nterra mieze addebbolute,
 E stieno pe no piezzo nzallanute.*

XL.

*A ll' utemo se jettero p' auzare.
 Lloco te voglio, e mmo comme facimmo?
 Non sapeano li scure comme fare,
 E ghieano a cquatto piede, comm' apprimmo.
 Se tenevano mente, e nfrocetare
 Auto non se sentevano: Addò simmo?
 Che ne' è sfocciesso? Ch' è sta mmenzione?
 Chesto ch' è stato? E' ssuonno, o vesejone?*

Ma

XLI.

Ma puro tanto jettero facenno ,
 Tanto se jieno l' uocchie scereganno ,
 Che s' auzaïeno a l' allerta ; e ccanoscenno
 Chello , ch' era , se jieno alleccordanno ,
 Ch' uommen' erano state ; e non sapenno
 Comme ll' era foccieffo sto malanno ,
 Deceano nfra de lloro : Ched' è stato ?
 Ch' avimmo fatto ? e nmo chi nc' ha sarvato ?

XLII.

Po , a la nnuda , comme se trovavano ,
 Ascieno da lo vosco , e sse nne jettero ,
 Chi a na banna , e cchi a n' autà ; e addò arrevavano
 Cchiù de no compremiento recevetero :
 Addò arveano vestite , addò abbuscavano
 Denare , e rrobbe ; e ttanta nne facettero ,
 Che nfra poch' anne , (acosì . bbà lo Munno)
 Se trovartero ricche , e rricche nfummo .

XLIII.

Arrevate a sso stato , nmitto nfatto
 Se vedettero auzà na nnommenata ,
 Ch' agnuno er' ommo de dà schiacco matto
 A cchi puro la Legge arvea stampata .
 De poleteca po , no nc' era fatto ,
 Che no lo decedeano a na pedata .
 » Quanto fa sta zellofa de Fortura ,
 » Pe ffa mette no Ciuccio mposetura !

Ma

XLIV.

*Ma fa, che bbuò; chillo mmarditto addore,
 Chillo sciauro ciuccigno, che ttant' anne
 Ncuollo aveano portato, e nzì a lo core
 Ll' era trasuto, da sott' a li panne
 Sempe ll' ascea, comm' a no tradetore;
 E dda chi, comm' a lloro, ricchiepanne
 Non erano a lo Munno, erano abbista
 Canosciute pe Ciucce, e ppuoste a llista.*

XLV.

*Chiste fecero figlie, e ppo li figlie
 Fecero ll' aute, e ll' aute ll' aute appriesso;
 E ppecchè da la chianta int' a li sguiglie
 Passa lo stifs' ammore, n' è sfocciesso
 Che pe tutto lo Munno, si te piglie
 Gusto de revotarlo, muore cieffo
 Primmo de trovà n' ommo; e, equase tutte
 De chella chianta llà, puoie di, sò sfrutte.*

XLVI.

*Ma non contiente d' esse canosciute
 Pe cciucce a li costumme, e a lo trattare,
 P' esse propio da tutte reverute,
 Ciucce puro se vozero chiammare;
 E lo primmo, che ntese la vertute
 De sto nomme famuso, e ssengolare,
 Fuie no Rrè de la Perzia, che llassaje
 Lo nomme d' Oco, e Ciuccio se chiammaje.*

Ven-

XLVII.

Vennero po li Gricce, e li Romane,
 E ffaceano nfra lloro a ffecozzune
 Ll'uommene, e le Cetate sane sane,
 P'avè sto nomme. A ttutte li pontune,
 Non dico li forise, e li pacchiane,
 Ma ll'uommene d'azzò, e li capezzune
 Scanosceano lo Vavo, e lo Sivavo,
 Pe ffentirese di ~~Si~~ Ciuccio schiavo.

XLVIII.

Mperzò'n Grecia Cleante, e Giunio Basso
 A Romma Ciucce fujeno chiammate,
 Ma chisto, Ciuccio janco, che lo spasso
 Era de tutta chella gran Cetate.
 Nce fue po no streverio, e no sconquasso
 Nfra tutte le strepegue cchiù stimate,
 Ch'agnuna nne volea piglià lo nomme,
 Agnuna la casata, e lo cognomme.

XLIX.

Cornelio Scepejone, che ddoie vote
 Fue Cuonzolo, e sse vedde trejonfare,
 P'assicorà a la figlia na gran dote,
 Le die n' Asena chiena de denare;
 E boze, che lo figlio, e lo nepote
 Asene se facessero chiammare.
 Cossì ciert' aute da na Ciucciarella
 La casata pegliattero d' Asella.

Da

L.

Da la fameglia Asinia nne sguigliaje
 Asinio Gallo, Asinio Capetone,
 E cchillo, ch' arraglianno sbreognaje
 A Catelina, Asinio Pollione.
 E dda l' Aselliune nne scappaje
 Lo famuso Sempronio Asellione,
 Chillo, che pe ccantarla pe le strate,
 Die la Storia de Romma a li Cecate.

LI.

De le Cetate po, Sciumme, e Casale,
 Che nce so mmo a lo Munno, o so già struite,
 E dda sto nobelissimo anemale
 Asene, e Ciucce se chiammaieno tutte,
 Chi nne pò dì lo nummero? Asenale
 Nè era 'n Grecia na Tribbu; e nzì a li frutte,
 Nzì a li pisce, (chi maie lo ccedarria?)
 P' avè sto nomme jevano mpazzia.

LII.

E m'aveano ragione; oà vedevano
 Tutto quanto lo Munno revotato,
 Pe ffarle annore: 'n Grecia se facevano
 Feste asenarie: a Romma destenato
 Era no juorno apposta, che nchiudevano
 Le mmolina, e le ffora; e ncoronato
 No Ciuccio int' a lo tempio de Vesta,
 Lo portavano attuorno co gran festa.

No

LIII.

No Rrè de Perzia a n' Aseno facette
 No tempio, e ll' adoraie tutto l' Aggitto.
 Nzì a n' ogra de no Ciuccio, che benette
 Da le pparte de ll' Asia, co no scritto
 Alisanfro a lo tempio la mettette
 D' Apollo n' Derfo: e cchillo vraccio mmitto,
 Che dde tutto lo Munno trejonfaje,
 Ll' ogra puro de n' Aseno nenzaje

LIV.

Ma no nce lo pperdiè, pocca obbreata
 Vedennose lo Ciuccio, pe ccomprire,
 Da n' auto ciuccio lo fice avesato,
 Ca lo tiempo venea de se partirè;
 Ed isso pe mmorì cchiù cconzolato,
 Fattase n' acqua jaccia llà benire,
 Dint' a cchell' ogra, ch' avea tanto ammata,
 Se nne voze fa primmo na sciatquata.

LV.

Tage, che sfluie lo primmo, che mparaje
 De fa la zingarella a li Toscare,
 Da chi po st' arte leggja trapassaje
 A cchill' aute mposture de Romane,
 Nfra ll' aote belle cose commannaje,
 Che itutte li massare, e li pacchiane
 Nnanze a le mmassarie pe no reparo
 Mettessero na capo de sommaro.

Atta-

LVI.

Attavio, Attavio stisso, (che mmaie dire
 Se pò cchiù de no Ciuccio?) pe mmostare
 Quanto voze sta razza favorire,
 Fice vecino ad Azzio fravetare
 No tempio apposta; e sse vedea trasire
 Dinto llà spisso spisso, p' adorare,
 Chi ve penzate maie? no Ddio noziello,
 Che nc' avea fatto fa, no Ciucciariello.

LVII.

Pe cchesto po a Prejapo, Apollo, e Marte
 Auto, che Cinece, non sacrefecavano:
 Pe chello pe lo Munno, p' ogni parte
 Le grolie de li Ciucce se cantavano;
 E Plauta puro nne voz' esse a pparte,
 Pocca vedeano quanto se prezzavano
 Li Ciucce a Romma, fice ll' Asenaria,
 Che pe sto nomme schitto jìe pe ll' aria.

LVIII.

E ppe cchesto, no ntanto pe le mmiura,
 Che le Scigne facettero a Gragnano,
 Manco pe lo Castiello, che non dura;
 Ma pe sta razza, che da mano a mano
 S' è spasa da pe tutto, e la fortuna
 Ll' hà aizata nzì a le stelle chiano chiano,
 Sarrà sempe a lo Munno, comm' è stata,
 LA REGGIA DE LI CIUCCE CONZARVATA.
 La Scompetura.





